

# *KRESTE KE SEPHIRI*

## *SA MOLIMO O SENOTSOENG*

Ke a leboha, Moena Neville. Morena a u hlohonolofatse. Tsoang le sa eme nakoana re sa inamise lihlooho tsa rona bakeng sa thapelo.

2 Ntate ea Leholidong ea mohau, re boela re U atamela hoseng hona bakeng sa mohau le tataiso ea Moea o Halalelang kajeno, joaleka ha e re fihletse, hore re tlameha ho kopana hoseng hona le ho ruta Lentsoe la Hau, re tle re tsebe mokhoa oa ho phela tsatsing lena la joale, le hore nako ea letsatsi leo re phelang ho lona ke efe. Re ka kopa tataiso ea Hau e halalelang mehopolong ea rona, lipelong tsa rona kajeno, U tle u re tataisetse Lentsoeng le leng le leng le hlokoang hoba re le tsebe; U tle u ahlamise melomo ea rona ka bolokolohi, le lipelo tsa rona, ho amohela, le seo U tla re bolella sona, le ho koala melomo ea rona linthong tse sa lokang, ka ho tseba e le Uena feela ea ka senolang Lentsoe la Molimo.

3 'Me joalekaha ke tlameha ho siea kerekana hang joale ho ea likarolong tse ling tsa lefatše, Ke ba laetsa ho Uena, Morena. Etsoe, bona e le pelo, thaka ea pelo ea ka, ka puo eo. Ke bona ba—ba ba tsoaletsoeng ho Uena, ka Moea le ka Lentsoe la 'Nete. 'Me ke U rapela ho ba hlohonolofatsa, Morena, le ho ba boloka ba tlamiloe 'moho ka litlamo tsa lerato la Kreste.

4 Hlohonolofatsa molebeli oa rona ea ratehang, molisa. Re U rapela ho mo tlotsa ka Moea o Halalelang, oa Lentsoe la Hau, le ho ba senolela le ho fepa mohlape.

5 'Me hang, nakoana e fetileng feela, ha U ne u bontša pono, tabernakele e nyenyane mona, mabapi le ho boloka Lijo, hore nako e a tla eo ka eona sena sohle se tla hlokoa. Re bone Moena Sothmann le Moena Wood ba itokiselitse ho tšeletla naheng e 'ngoe, ho... Empa U itse, "Boloka Lijo tsena mona bakeng sa nako." Morena, ke lekile ho etsa hoo ka tlhompho.

6 'Me joale, hoseng hona, thutong ena eo re e hopotseng, Ke U rapela ho e rulela eohle, Morena, ho bontša hore U Molimo, 'me lena ke Lentsoe la Hau le 'Nete ea Hau. Aba sena, Morena, batho ba tle ba iphepe 'me ba hakole, joalokaha ho etsahetse, mohaung oa Molimo, ba tle ba bone hore ke mohau o moholo oa Molimo ho rona letsatsing lena. Hlohonolofatsa bohole ba leng teng le ba ratang ho ba teng, Ntate. Le ho Ithuela khanya, hoba re e kopa ka Lebitso la Jesu. Amen.

Morena a hlohonolofatse e mong le e mong oa lona joale.

<sup>7</sup> 'Me ke a lumela, pejana re qala feela, re na le leseanyana mona, Collins. Ke kopane le ntate metsotsong e 'maloa e fetileng, 'me—'me o ne a sikile leseanyana a batla ha le ka khethelo. 'Me re batla ho etsa hoo joale, haeba Moena kapa Khaitseli Collins, e mong, a ka ntsetsa mothoana eo kapele re tle re ntseletse tšebeletso ea khethelo bakeng sa thakanyana lena.

<sup>8</sup> Ho tloha, le a tseba, khele, ho baka . . . kaha tsena e le litho tse tšepehileng, ke tsona, tsa 'Mele oa Kreste. Le a hlokomela, ha ke a re "tsa tabernakele." "Tsa 'mele ea Kreste," e . . . 'mele ona mona, ke karolo ea 'Mele oa Hae.

<sup>9</sup> 'Me ba nkile mothoana mona ba batla ho mo khethela. 'Me —'me kamehla ona ke mosebetsi oo ke hopolang mohatsa ka—ka a le mona ha ke o etsa, ho sikara masea. Uh-huh. 'Me Moena Neville, ha u ka tsoela kapele, ha u rata.

<sup>10</sup> Lebitso la hau la pele ke mang, moena? [Ntate o re, "Clyde."—Mohl.] Enoa ke Moena le Khaitseli Clyde Collins, ke ngoanabo moena oa rona ea ratehang mona, Reverende Collins, Willard. 'Me palo ea ba ha Collins e eketsehile mona, ke a bona, 'me ehlile ke tjaka ea mothaka.

<sup>11</sup> O lilemo li kae, Khaitseli Collins? [ 'Mè o re, "O batla a le likhoeli li 'nè."—Mohl.] O batla a le likhoeli li 'ne. 'Me lebitso la hae ke mang? ["Mark David."] Mark David. Ke lebitso le letle haholo leo. Ekare ke moshanyana ea lokileng haholo. Helang, e batla e moshanyana e moholo, hape.

<sup>12</sup> Joale ke a kholoa bo-'mè mona ba ka ananela thakanyana lena mona. Na ha se poropotloana?

Ho lokile, re sa inamisa lihlooho tsa rona joale.

<sup>13</sup> Ntate ea Maholimong, ntate enoa le mènyana ba tlisa poropotloana ena, e bohloko ea nama ea motho eo ba e filoeng kopanong ea bona, e beiloe matsohong a bona ho bolokeloa Morena Molimo. Ka tlhompho ba tlisa Mark David enoa e monyenyane mona ho khethelo ho Eamatlaohle, Ea faneng ka moshanyana enoa ea ratehang, ea koenneng le moshanyana ea khabane, matsohong a bona, ho holisetsoa khanya ea Molimo.

<sup>14</sup> Morena, hlohonolofatsa ntate le mè. Faki e se ke ea e-ba lephaka le ka mohla, ka tlung, kapa lefiso la omella le ka mohla. Ntate a ke a koene 'me a be bokhoni, Morena, ho sebetsa le ho fatela mothoana lijo; mè a be monate 'me a khone ho li lokisa; 'me lipelo tsa bona li lokisetsoe, Morena, ho ruta thakanyana leo, ho mo holisetsoa tšabong ea Molimo. Aba sena, Morena.

<sup>15</sup> Joale ho tsoa matsohong a bona, ho ea ho a ka, ho fihla ngoana enoa ea ratehang, Mark David e monyenyane. 'Me ke mo hlahisa, le moholo oa kereke mona, ho Uena, ka Lebitso la Jesu Kreste, bakeng sa bophelo ba tšebeletso. Aba sena, Morena. Ithuele khanya bophelong ba hae. A phele bophelo bo bolelele, esita le ho fihla ho Khutleng hona ha Morena Jesu,

haeba U khahlisoa ke hona. 'Me, haeba ho le joalo, a ke a tle ho jara Molaetsa oa Morena Molimo, mongoaheng o tlang ho tla. Aba sena. Mo baballe a phetse hantle, a thabile, 'me pelo ea hae e tsepamisetsoe kmehla ho etsa lintho tse lokileng, pel'a Molimo. Ka Lebitso la Jesu Kreste, re U nehelana ngoana, khethelong. Amen.

<sup>16</sup> Molimo a u hlohonolofatse, Molimo a u hlohonolofatse, Khaitseli Collins, le moshanyana enoa ea khabane, le uena Moena Collins. Molimo a be le lona.

*Ba tliseng*, rona bohole 'moho:

Ba tliseng, ba tliseng,  
Ba tliseng ho tsoa thoteng tsa sebe;  
Ba tliseng, ba tliseng,  
Tlisang ba banyenyane ho Jesu.

<sup>17</sup> Ke rata seo. Le a bona, ba tliseng ho Kreste le pele liabolosi a fumana le monyetla. Ba se ba hlahisitsoe Eena bakeng sa bophelo ba tšebeletso.

<sup>18</sup> U teng motho ea tsebang haeba lelapa la Dauch, ofe oa bona, a theohile kajeno, kapa che, Khaitseli Dauch? Moena Brown, na u teng mona, Moena Brown? E, ke thabile. Le e... Na Moena Dauch o ntse a-e-na le rona? Ho a babatseha! [Moena Tom Brown o tšoaela ka maemo a Moena William Dauch—Mohl.] Moena Dauch o batlile a re siea. Le a bona, re ke ke ra bua ho feta tekano kapa ho kopa haholo, o se a tlotse lilemo tseo Molimo o mo laetseng ho li phela ka mashome a mabeli a motso o mong. Eo ke nako ea tloaelo ea bophelo, ka nqane ho nako eo Molimo o mo boleletseng ho e phela.

<sup>19</sup> Empa re ile ra letsetsoa mohala hoseng ho hong, o ne a—o ne a shoa, 'me ra potlakela holimo mono. 'Me Morena Molimo o hlile a ba molemo ho eena, oa mo boloka. Feela, ke nahana a—a itokisitse 'me o emetse feela ho Khutla ha Morena. Empa, le a tseba, bohole re a tšoarana. Re mpa feela... Motsofe oo o joaloka e—e ntate ho 'na mona.

<sup>20</sup> Ke mo hopola a lutse hantle tlase mona tabernakeleng ea khale, karolo ea khale, eitseha a... Leseli leo la halima, holim'a kolobetso eo ea metsi ka Lebitso la Jesu Kreste, o ile a tsoela hantle mono. 'Me lilemong tse ka bang mashome a robeli a metso e supileng kapa mashome a robeli a metso e robeli, a ikokotlela ka lere, o ne a nyolohela mona 'me a re, "Ke batla ho kena hantle mono le ho kolobetsoa." Motha o ile a tloha a ea mo tlela liaparo. Ha a ka a emela khetlo le latelang; a tlameha ho tla hona hoo, hantle hona hoo. Kahoo ke—ke rata seo.

<sup>21</sup> O buile, letsatsi le leng, ha ke qoqa le eena; o itse, "Na u hopola ke lokile joale, Moena Branham?"

<sup>22</sup> Ka re, "A na u kile ua ea ngakeng ho hlahlojoa 'mele?"  
A re, "E, monghali."

<sup>23</sup> Ka re, “Ngaka e tla kenya litšepe litsebeng tsa eona, e li behe pelong ea hau, ho bona haeba pelo ea hau e otla hantle; le k’hadiokeramo ea motlakase, e ntano ba khatello ea mali, tlhahlolo ea moroto, le joalo-joalo, lisebelisoa, ho fumana moo seemo sa ’mele oa hau se leng teng. Joale, kamoo a e sebetsang, o sheba morao e—e bukeng mona, moo ho ngotseng litsebi tsa litaba tsena tse fapaneng, ‘Haeba sena se etsahala, se phoso ke sena.’”

<sup>24</sup> ’Me ka re, “Joale, litšepe tsa ngaka tseo ke li kokositseng feela ke Bibebe, le a bona, bakeng sa soule.” ’Me ka re, “Ke tla u fetisa hlahllobong ke hona.” Ka re, “Santa Johanne 5:24, e itse, ‘Ea utloang Mantsoe a Ka.’” Ka re, “Hase ho lula feela le ho Le mamela. Hono ke ho Le amohela, u a bona, ho Le amohela; u a Le lumela. Ntho e kahare ho uena e u bolella hore Le lokile. U Le amohetse, ua Le lumela, Ke la hau. ‘Ea utloang,’ E se e le ea hau, ‘Mantsoe a Ka, le ho lumela ho Ea Nthomileng.’ Na u lumela seo?”

A re, “Ho joalo.”

<sup>25</sup> Ka re, “Joale ke tla u bolella seo Ngaka ea Sehlooho e se buileng, ‘O tlohile lefung ho kena Bophelong, ’me a ke ke a tla tsuong kapa kahlolong.’” Ka re, “Ho ea kamoo ke tsebang, ho ea ka Libuka, o pasitse hlahlolo.”

<sup>26</sup> Leqheku leo, la lilemo tse ka bang lekholo, e ne e se monna oa kereke ho hang; empa khetlo la pele feela mohla Leseli le neng le halima tseleng ea hae, a Le amohela. Na le bona peo eo e reriloeng pele e robetseng mono? Uh-huh. E, monghali. Le a bona, hang feela ha Leseli le e khahlola, e rarolohela Bophelong kapele.

<sup>27</sup> Joale, ke a tseba hore ho a chesa kajeno, ’me ’na, ke batla ke imeloa ho memela lona batho tšebeletsong moo le lulang le petahane hakana. Empa koana ka—ka nahana, ka mohau oa Molimo, ke tla tšoara tšebeletso e ’ngoe pele ke lokela ho le siea bohole; nakoana e khutšoanyane, ke a tšepa.

<sup>28</sup> ’Me ke loketse ho tloha joale hosane bosiu, ho ea Chicago, ho qala Laboraro. Ke ne ke hopotse ke tla fihla mono pejana ho nako, ha ho khonahala, le ho phomola nakoana pele ke qala tšebeletso ea letoto. ’Me ke lumela hore ba e fumane . . . Mona, ke ne ke e shebile hantle mona. E—e phatlalitsoe holimo mono. E bitsoa Marengo . . . [Motho e mong o re, “Marigold.”—Mohl.] . . . sebaka, yaa, Marigold, Marigold, yaa, sebaka, arena. Marigold Arena e tla tšoareloa teng, ho qala Laboraro bosiu, ho haola Sontaha. ’Me Borakhoebo ba Evangelie Tletseng ba hlophisitse lijo tsa hoseng, hape, ka—ka Moqebelo hoseng. ’Me ha ke tsebe hantle feela moo ba bapalitseng ntho eo, kae. Che. Hape Moqebelo mantsiboea ke Lane Tech. Ke a bona mona e—e phatlalalitsoe.

<sup>29</sup> Joale, ha u le tikolohong eo, kapa holimo mono, e tla ba tšebeletso ea tloaelo, feela ea boevangeli e kang eo re e tšoarang nakong efe. Boholo ba Melaetsa e tla be e theiloe holim'a se seng se rutiloe mona, hoba mona ke hona moo re hatisang liteipi tsa rona, le a bona. Kastle mono ba ka pheha khang. Empa haeba ba fumana liteipi tse hatisitsoeng ho tsoa mona, ke taba ea bona haeba ba batla ho mamela teipi efe. E tsoa mona hantle. Sena ke sefala sa rona ka sebele.

<sup>30</sup> Kahoo kastle mono, hangata ke leka ho khetha ntho e sa tebang haholo, hobane boiphihlelo ba bongata ba bona ha bo a teba le se kenang ka hare. Empa mona ke ikutloa ke na le tokelo ea ho bua sohle seo Molimo o se beang pelong ea ka, ho se bua ho tsoa mona hantle. Kahoo liteipi tsa rona tsohle li hatisoa hantle ho tsoa mona. Le a bona? 'Me ba ka phaposing ka mono hantle hona joale, le ka bona lihlooho tsa bona holim'a galase e rothofetseng ka mono, moo ba lutseng ka lihatisi tsa bona.

<sup>31</sup> Joale, 'me ha u batla ho etela kopano, re tla thaba haholo ho ba le uena. Feel, ha u ka fihla mono, u sa tsebe moo u eang teng, khele, ikopanye le motho mang oa Full Gospel, kapa—kapa Moena Carlson, 'me o tla—o tla u bolella hore ke... A ka u eletsa, kapa Kereke ea Filadelfia, kapa e efe ea tsona, ba ka u bolella hantle mokhoa oa ho fihla sebakeng seo.

<sup>32</sup> Le ntoo khutla ka Mantaha o tlang mantsiboea, khetlo le leng, thapama kapa mantsiboea. 'Me Labobeli re khutlela Arizona ho—ho ngolisa bana sekolong, le joalo—joalo. 'Me hape ha ke tsebe hantle feela mohla ke tla khutla hape, hoba, Morena, ke batla hore A ntataise ka seo ke lokelang ho se etsa.

<sup>33</sup> Ho etsahetse ntho e makatsang haholo. Nka mpa ka hla... Kea tseba sena se a hatisoa, 'me nka mpa ka e kenya mona. 'Me hantle feela nakong eo lipono le litataiso tsa Moea o Halalelang li tsoeletseng, ke rata ho otla hantle feela O sa ntse o haola. Hoo ke... Joale, ngoahola e bile se seng, hantle 'moho le e 'ngoe ea nako e phahameng ka ho fetesisa ea lipono tse kileng tsa ntlhahela, bosebeletsing bohole ba ka, e bile ngoahola ena, lintho tse hlahileng, lona batho le a tseba hore e boletsoe pele e hlah, 'me e etsahetse hantle ka moo e—e boletseng.

<sup>34</sup> Joale, re khutlela mona, le—le ho eta. Maemo a leholimo tulong ena, ruri ha ke a rate, hobane ke a... ke a kastleha hang feela ha ke fihla mona. 'Me ke mpa feela... Nka hloa sehlaba holimo mono le ho theohela phuleng ena, 'me nka lula mona metsotso e ka ba leshome ke se ke tsoile lekhopho, ke a kula. Boemo ba leholimo, hlooho e a tsekela, ntho e 'ngoe le e 'ngoe e shebahala e nyarosa, e rothofetse, 'me ke—ke tlameha feela ho tsoa ho eona. Le a bona? 'Me tsatsi le leng ke qoqile le mohatsa ka...

<sup>35</sup> Empa se nkenyang kahare, pele, se nkenyang ka mona, ke lona batho, le a bona, kereke ena. Ke a le bolella, libakeng tsohle

tseo li etetseng bophelong ba ka, sebaka sena ke thatohatse ho tla tla bolela Evangel. 'Me mona re bonahala re ka hatisa teipi e tsoang mona betere ha leshome ho feta nqa efe. Le a bona? Le a bona, ke ka hona ke reng, "Moo Molimo O etsang lethoana, joale e tiisetse hantle." Empa ke nahana, moo ntho e kholo e leng teng, ke mohla ke neng ke hlolleha khetlo la pele ho tsoa mohla A neng a mpitsa, 'me ka baka leo O nthatafaletsa eona ha ke kena. Kutlo e molemo ho feta sehlabelo.

<sup>36</sup> 'Me ke tla be ke ea morao le pele, ka linako tsohle, ke ntse ke rera ka tabernakeleng. 'Me lona batho ba tsoang kantle ho motse, le tla tsebisoa. Billy Paul o tla sala a le mona, hantle ka ofising, 'me—'me nka finyelloa nako efe, ka eena. 'Me re tla khutlela mona, ho tsoara . . . 'Me hape Literompeta tse Supileng li tla fihla hantle hang, ha Morena a ratile, Likotlo tse Supileng tsa ho Qetela, le Linkho, le joalo-joalo, kamoo re ka khonang feela, mohla boso bo pholileng, mohlomong, kapa ho hong, kamoo Morena a tataisang.

<sup>37</sup> 'Me joale, letsatsi le leng, ha ke kena, potso e hahile mabapi le ho hong, mabapi le motho ea mphileng e—e cheke, 'me e its'e "ke ea hau," e lebisitsoe ho 'na hantle feela, homme 'na feela, "lekhetho le se le lefiloe, mahala," lintho tsohle. Be, ra tloha, 'me Billy o tsebile hoba ke batla ke hloka cheke eo, joale.

<sup>38</sup> A tloha ho ea botsa maqoetha haeba re ka lokolla cheke eo. A re, "Khele, ke moahi oa Amerika. Hobaneng a ke ke a e lokolla? Le a bona, ho re, 'lekhetho le lefuoe,' le tse ling tsohle, 'mahala.' Moahi ofe a ka etsa joalo."

<sup>39</sup> Ka hona a se ke a e khotsofalla, Billy, a theohela ho motšoaralibuka oa sechaba. A re, "Khele, ruri, a ka e lokolla." Ho re, "Ke moahi oa United States."

<sup>40</sup> Kahoo, be, a sa khone ho e nahana hantle, eaba o letsetsa Merle Miller, eena ke hlooho ea—ea mokhatlo oa lekhetho mane—mane Indianapolis mono, e ne e le maqoetha a rona, ho joalo le ka Ice and Miller. Kahoo, "Ehlile, ho itoketse. Le a bona? Ehlile, a ka fumana cheke eo. E—e—e ngotsoe ka eena, 'mochaelloa feela.'" Nka khona, ke 'na feela ea ka e chaellang, joalo-joalo, 'me e ke ke ea hatisoa setempe sa rona . . .

<sup>41</sup> Le a bona, ha ke lokolle licheke tsa letho. Ba mphuplitse ka lebaka leo khetlo le leng. Motho o ne a ntlisetse sehlopha sa licheke, le ho re, "Mona, Moena Branham," kopanong. Ke re, "William Branham, William Branham . . ." Be, athe 'muso o ne o e behile leihlo, ka linako tsohle. 'Me ke ntse ke li tekena ka 'na ke lefa melato kantle mono, empa ba itse ke kolota makhetho a bothoto, leha ho le joalo, didolara tse likete tse makholo a mararo. Kahoo—kahoo morursu oa tsoha hona mono.

<sup>42</sup> Ka hona hang hoba ke kenyé cheke ena, bomalimabe, moemeli ke enoa a khutla hantle, ho re, "Re tla mo bulela nyoe joale." Kahoo ea batla e thatafatsa lintho.

<sup>43</sup> 'Me Moena Lee Vayle ea lutseng mona, ke kholoa ho itoketse ho e bua, re mpa feela . . . O ne a theohile, 'me Mobaptiste enoa oa serutehi mona o ne a . . . Ke mo kolobelitse ka Lebitso la Jesu Kreste, mona letšeng letsatsi le leng, Moena Lee Vayle. 'Me ka hona ke monna ea khabane ruri, moena ho Kreste. O kile a re rerela mona pele, 'me ke mohlalefi oa motonana, 'me, ntle ho moo, monna ea tsamaisoang ke Moea. Eitse ha Leseli le phatsima holim'a hae, o boletse a lekile ho baleha, a mpa a sitoa ho e etsa, ka hona ka mo kolobetsa hantle mona hoseng ho hong. Ha a khona ho e mamella ho feta, ka hona ra theohela mona feela 'me ra apara liaparo tsa rona 'me ra kena, 'me a kolobetsoa ka Lebitso la Jesu Kreste.

<sup>44</sup> Be, ka nahana, haele moo a nkile lijo tseo tse molemo tsa moea, mohlomong ho bua nakoana re ka nka lijo tsa tlhaho. Ka hona ra ea koana Blue Boar, 'me ra lula fatše, re ntse re qoqa, 'me taba ea hlaha, "U lumella ke'ng batho ba bua ka uena joalo?"

<sup>45</sup> Joale, Moena Vayle ke e mong oa banna ba khabane bao nkileng ka ba tseba, empa o "batla a potlaka ka sethunya," Ke 'moleletse kamehla, le a tseba. 'Me ka hona, eena, ke boletse . . . Ke a tšepa ho itoketse, Moena Vayle. Kahoo eena . . . Ka re, "U se ke ua patloha hang-hang. Khutsa tu. Molimo ke Oona o e etsang."

<sup>46</sup> A re, "Ah, mohlomong ho uena ho lokile," a rialo—a rialo. Empa, be, eena—eena . . . Ke lumela a—a le bohlale hofihlela e le seo esale a kopana le sona, batho bao ba bahlalefi ba masene; ka hona o tseba ho e horometsa mono, 'me ha ho moo ba ka emang teng. Ke phetho.

<sup>47</sup> Kahoo ka re, "Sheba, Moena Vayle." Re ne re lutse koana Blue Boar. Ka re, "Davida, ka tsatsi le leng, hoba a lelekoe teroneng ke mora oa hae, a baleha a tloha teroneng, bohlabaphieo, Iseraele o ne a arohane, 'me Davida a theotsoe teroneng ke mora hae ka seqo, 'me a tšoela kantle ho motse, a ntse a lla. 'Me thaka le neng le ne le sa rate molaetsa oa hae oa letsatsi la ho qetela, le a tseba; a sa mo tsotelle; mothakanyana oa khale, a batla a holofetse, a tsamaea mono, a mo soma, 'me a tšoela Davida ka mathe. 'Me molebeli eo a tsomula sabole eo, a re, 'Na nka lesa hlooho ea ntja eo e hlomiloe holim'a eona, a ntse e tšoela khosi ea ka ka mathe?' Davida o itse, 'Mo tlohele. Morena o mo laetse ho e etsa.' Le a bona? Ho mo tšoela ka mathe, ho mo soma, le ho mo tšoela ka mathe. Ho re, 'Morena o mo laetse ho e etsa.'" Be, re tseba pale, kamoo e kileng ea khutla. Moena Vayle o ile a hopola e qositse mohau o mongata ho etsa joalo.

<sup>48</sup> Ke sa tsoa khutla feela ke kena ofising, ralibuka oa sechaba a letsetsa Billy Paul 'me a 'molella sena. Ka hona Moena Vayle a nyolohela tlung le 'na. Eitseha ke kena, ka re ho mohatsa ka . . . Thapama ha e se e phirimile haholo. Ra kena ka phaposing. Ka re, "Ke batla ho u bolella taba, Moratuoa."

<sup>49</sup> Eaba re ntse re qoqa pele ke tloha. A re, “Bill, ke a tseba Molimo o u rometse kantle mono; re tseba seo bohole, empa ha A ka a u laela ho khutla. O itse... Joale, ke hona moo ke tsoenyehileng teng.”

<sup>50</sup> Ka re, “Be, ke a kholoa ke bakeng sa hau le bana. Hase bothata ho ’na. Ke tla Mo sebeletsa, ha Morena a rata, hohle moo ke eang teng.” ‘Me ka khutlela morao, ’me ka ’molella ka eona joalo. Ka hona ka retoloha feela, ka roala katiba ea ka.

<sup>51</sup> ‘Me motho o buile taba ho ’na, mabapi, “Oh, molekhetho enoa! Re tlameha ho tsoa...” Ho hlasela ntho e kang eo feela.

<sup>52</sup> Ke sa nahana seo ke neng ke se boleletse Moena Vayle, ka re, “Mo tlohele. Ekaba Morena o ’moleletse ho etsa hoo.”

<sup>53</sup> Ke sa tsoa rilalo, Leseli la halima leboteng ’me la ngola teng, Moena Vayle le mohatsa ka ba lutseng mono, “Khutlela Arizona hape.” Ka litlhaku tse ngotsoeng leboteng, “Khutlela Arizona.” Ke hantle. Ka hona ke ’na enoa ke a tloha, amen, ho khutlela morao Arizona.

<sup>54</sup> Joale, veke ena ebole veke ea mahlohonolo a maholo. Re ne re kenetse lipuisano tsa poraefete vekeng ena, tsa batho ba esale ba letile ho tloha ka *Litiiso tse Supileng*. ‘Me ha ke belaele empa ba bang ba bona, ehlile, ba letsitse ba tsoa kantle ho motse, sechaba ka bophara. Empa hoseng pele lipuisano li qala, ha ke lutse ka phaposing, Moea o Halalelang oa ntumella ho ngola hantle tsohle tseo ba li tsebileng, tsohle tseo ba neng ba batlile ho li botsa, ho phikolosa lipotso feela kamooo ba neng ba batlile, le ho ba bolella litoro tsa bona le koahollo pele ba mpolella le ka mohla.

<sup>55</sup> Joale, batho ba ka phaposing mona, mono. ‘Me ke ne ke ba lesa ho tsoelapele. Ba ne ba re, “Be, Moena Branham, ke tla *tjena-le-tjena*.”

<sup>56</sup> Ka re, “Joale, hopola, re bokane mona e seng kopanong. Ha re a tla mona ho tla kopana ka botsoalle. Potso e teng kelellong ea hau, pelong ea hau, eo—eo esale e u khopa ’me ha u e tsebe ke’ng. ‘Me mohlomong ke tla khona, ka thuso ea Molimo, ho e etsa.”

<sup>57</sup> Ka re, “Hopola, mofumahali oa Boroa o ne a tlide ka lipotso, le eena, mohla a tlileng ho Salomone. ‘Me Bibebe e boletse ho sa senoloa letho kapa la haneloa Salomone a sa le arabela.’ ‘Me ka re, “E moholo ho Salomone o teng mona. Le a bona? Ke hantle. Morena Jesu o tsepisitse, ‘Hohle moo ba babeli kapa ba bararo ba phuthehileng ka Lebitso la Ka, Ke teng hara bona. ‘Me sohle seo ba ka se hopolang, kapa ba se lakatsa, le—le ho se kopa, ba tla se neoa.’ ‘Me joale potso ea hau ke seo u sa se tsebeng, ntho eo u sa tsebeng mokhoa oa ho e atamela, ntho eo u sa tsebeng seo u ka se etsang ka eona.”

<sup>58</sup> ‘Me ka re, “Hape, Lengolo le boletse sena, ho re, ‘Mangeloi a Molimo a larile le ba O tšabang,’ kahoo lefatšeng le leng moo likutlo tse hlano li sa hhaloseng teng.”

<sup>59</sup> Likutlo tse hlano li hokana le lefatše lena feela. Holane u se na maikutlo, u ne u ke ke ua utloa letho. Maikutlo e ne e sa tlo ba letho ho uena; leo e ne e tla ba lefatše le leng. Holane u ne u se na pono, seo u se shebang e ne e tla ba lefatše le leng, ha u tsebe letho ka lona. Ka hona likutlo tsena tse hlano ke eona feela ntho eo Molimo o re lokoletseng eona.

<sup>60</sup> Joale e 'ngoe e teng e bitsoang tumelo. Empa ka tumelo u tsamaea u hloa lere, 'me qetellong u fihla holimo hoo u phunyeletsang lefatšeng le leng, e leng pono. Teng u ka bona.

<sup>61</sup> Joaloka holane u ne u sa tsebe sena seo u se phopholetsang ka kutlo ea hau e phopholetsang, u ne u eso e bone; ebe moo mahlo a hau a bulehang, u ne u ka e bona. E ne e tla ba sephiri ho motho eo esong ho bone le ka mohla. E ka ba sephiri ho eena, empa feela e teng.

<sup>62</sup> 'Me ka hare mono, Morena . . . Pele re fihla mona, ho batho ba tsoang na ha ka bopphara, hohle, ho tsoa leboea, boroa, bopphirima, ho kenela lipuisano tsena. 'Me hang hoba ba qete ho bua, hantle feela lipotso tseo ba neng ba tla li botsa, ntho eo ba neng ba tla e kopa, ke ne ke re, "Sheba mona," ho nyarela, 'me e le sekhechana sa pampiri se ngotsoeng potso e 'ngoe le e 'ngoe, le ho phikoloha hantle feela kamoo ba e botsitseng, kamoo ba neng ba tla e botsa, karabo ea bona tlase mona malebana le potso ea bona, kamoo e arabiloeng. Morena o moholo. O tseba lintho tsohle. Empa, koana, ho nkuka matsatsi a ka ba mararo ho tsoa thapama eo, seo e neng e le sona, ho katleha ho ho kaalo. 'Me joale ke ile ka nahana ho e finyella, leha ho le joalo, pele re tloha.

<sup>63</sup> 'Me tsela e nepahetseng e teng, tsela ea 'nete, ho batho ka bomong. Joale, li teng lintho tse ka boleloang.

<sup>64</sup> 'Me haeba batho ba le teng mona, ba tsebang hoba liphiri tsa lipelo li ile tsa senoloa, tseo ruri . . . Ho ne ho ka tšabeha; e ka baka kotsi, motho a ka tsoa a thuntse e mong, kapa ntho e 'ngoe, holane e ka senoloa hantle mona kalaneng ka mokhoa ona, pontšeng, pontšeng ea bohole. E ka ba tlolo e lokeloang ke kotlo, le ntho eohle esele, e ne e ka ba . . .

<sup>65</sup> Empa ha le lutse 'moho joalo, Moea o Halalelang, le le babeli feela. Empa re utloisia sena, hore seo ba mpotsang sona ke lekunutu. Ha ke bue letho ka sona. 'Me seo ke ba bolellang sona, ke taba ea bona haeba ba batla ho se bua kapa che. Le a bona? Empa e loketse ho tsebjoa lipakeng tsa rona, lipuisano. Mono ke ho nka motho, ka bonngoe, le ho lula mono ho fihlela ntho eohle e rarolotsoe ka botlalo, le a bona, Moea o Halalelang.

<sup>66</sup> 'Me hape ho nahana ka mohau, Moea o Halalelang o mpolellang tsohle ka eona, ho e mong le e mong, letoto lohle la bona, le pele ba fihla mona; na ha ka bopphara, ho fihla, batho bao ke eso ba bone bophel long le ka mohla. Le ho e ngola hore ba tle ba tsebe, kamoo lipotso li neng li tla hlahla, ho e araba.

<sup>67</sup> Lipotso tsa moena e mong e ne e le mabapi le peo ea noha, ha ke a khona ho e araba hantle feela, hobane halofo ea hora ea bona e ne e felile. Ke a tšepa o e fumane hantle, likarabo tsa eona, pampiring. Ke... O ne a e ngotse, 'me ha a ka a finyella likarabo tsa hae kaofela, kahoo ka khutla ka mo ngolla, likarabo pampiring. Haeba a eso khone, Billy Paul o e tšoere. Ke a tseba hore monna o lutse mona; ke sa tsoa mo sheba metsotsoaneng e 'maloa e fetileng. Kahoo haeba a—haeba a batla ho fumana hoo, se ngotsoe pampiring, likarabo tsa hau potsong ea hau.

<sup>68</sup> Joale, oh, Morena o molemo hakakang! Ke tšepa hore bohle ba ikutloa ba thabile. Uh-huh.

<sup>69</sup> 'Me joale ha re hopoleng, 'me joale e tla re ha ke rapella lisakatuku tsena, ho hopola Moena Dauch. Ke moena ea theko e thata, 'me re batla ho mo hopola thapelong.

<sup>70</sup> 'Me ke—ke bona Moena Ungren, empa ha ke—ha ke bone Khaitseli Ungren kae feela, haeba a phela hantle joale. E, ho dula hantle hojana le eena. Ehlide. Yaa. Ke thabile. Ehlide re letselitsoe bosiung bo bong, ka...ka taba ea tšohanyetso ea hae le morali oa hae, Khaitseli...ke...Downing, Downing. Ho kheloha tsela, 'me ke mohau oa Molimo feela, ho seng joalo bobeli ba ka be ba pshatliloe likoto hona moo. 'Me ke bana ba tla hantle feela kerekeng, ba palama terene 'me ba tla.

<sup>71</sup> Nke ke ka le lebala kaofela. Ke a le rata. Molimo o tseba seo. Ke—ke a le rata. Ka mokhoa, ho parola naha, har'a maemo a leholimo a thellang!

<sup>72</sup> Ha ke sheba moena e mong mona ho tsoa Georgia, le Alabama, le libakeng tse fapaneng, le Tennessee, le ka mathoko, ba qhoba koloi ea bona ba theoha ka tsela, athe ho leqhoa, ho a thella, le morao le pele joalo, ho tla mona tšebeletsong e le 'ngoe.

<sup>73</sup> Eitseha ke letsetsa Moena Dauch ka ts'ohanyetso tsatsi le leng, ha ke a elelloa hore Lima, Ohio, e hole hakaalo. Feel... Ke itse ke ho tlola, ho qhoma, le ho qothoma. Empa, khili, ke tlohilie mona ka matjeke hoseng hoo, ha ke a fihla haese ka hora ea pele thapama eo, ho khanna ka hohle—ka hohle ho latela moeli oa lebelo, le holim'a 'milakholo o menahaneng. 'Me ke nahana kamoo ho leng haufi kateng, ho ea tlase koana Boroa moo batho bana ba bang ba tsoang teng, koana Leboea le Bophirima, moo ba tsoang teng.

<sup>74</sup> Ke a le rata, 'me ke ka ba lebaka leo ke lekang ho tšepahala haholo mona.

<sup>75</sup> Le batho ba khale! Ke bona Moena Creech le bao ba lutseng morao mono joale, le bao ba hlotseg le 'na lilemo tsena tsohle le lintho tse joalo, le kamoo re nyolohileng 'moho. Ke ne ke shebile setšoantšo sa Mary Jo, ke a kholoa e ne e le masiu a 'maloa a fetileng. E ne e le mothoana feela mohla re qalang re kopana, 'me joale o nyetsoe, ke a kholoa, 'me o na le bana. Moena Creech le Khaitseli Creech, ba bacha, ba hlooho li ntšo, athe 'na le Meda,

ke rona bana re ba putsoa, 'me re kobame. Le a bona, ntho e teng ka batho ba joalo, e—e u khomarelang. Le a bona u—u—u batla ho lula le bona. Le a bona? Kamehla ho na le ntho e—e khutlisetsang kelello ea hau morao. Ke ba hlahisa mona e le mehlala ho ba leng teng mona. Ba bacha le ba baholo, re lebeletse ho Khutla ha Morena.

<sup>76</sup> Kahoo hoseng hona ke e behile... Molimo, ke a lumela, o behile pelong ea ka ho ruta thuto ea sekolo sa Sontaha mona hoseng hona, ha Molimo o ratile, nako e telele. ke... 'Me joale, ena ke tšebeletso ea ka ea ho qetela nakoana, ho ea kamoo ke tsebang, the...

<sup>77</sup> 'Me ke batla ha le hopola hore Moena Neville o teng mona, o setse ka hara' kereke, o ntse a laola tabernakele ena, tlasa Moea o Halalelang, o setse mona, 'me o lumela Molaetsa ona le—le ho O ruta joaloka 'na. Hantle. 'Me nako efe ha u batla, u bona ho loketse ho tla ho utloa Moena Neville, ruri o tla u thabisa, ke a kholoa. Ke mohlanka e moholo oa Jesu Kreste.

<sup>78</sup> Ke tsebile Orman Neville esale ke sa le moshanyana, 'me ha a eso fetoh le hanyenyane, o mpa a atametse Molimo ho feta. Ke hopola mohla ke 'monang la ho qala... .Ke ne ke memetsoe sethaleng sa hae sa Methodise. 'Me eitseha ke khutlela mona tabernakeleng, ka re, "Ka tsatsi le leng, ke tla mo kolobetsa ka Lebitso la Jesu Kreste." 'Me ke enoa mona Molaetseng joale, o tsoelapele, mohlanka oa sebele oa senatla.

<sup>79</sup> 'Me Moena Neville o feta hara mathata le masisapelo a mangata, athe ha a e bontše mona tabernakeleng. Empa erekaha Morena a ntumella ponaletsonyana bophelong ba batho, ke tseba seo a fetang hara sona; boholo ba eona, le a bona. 'Me ruri o kena tlas'a mokhathala o mongata le likhatello, le lintho. 'Me lona, lona batho mona, le mo jare joaloka ha Joshua le Kalebe ba kile ba jara matsoho a Moshe, a sa ntse a tlisa Lentsoe.

<sup>80</sup> Ratanang, ka holima tsohle. Ratanang. Le se... Ho sa tsotolehe seo liabolosi a lekang ho se bua! Joale le seholpha se le seng se seholo se monate joale, empa hopolang temoso ea ka, le a bona, Satane a ke ke a lumella hoo ho lula ho le joalo. Che, monghali. O tla thunya ntho e 'ngoe le e 'ngoe, haeba a lokela ho kenya motho ho phethisa sepheo sa hae. O tla kenya mosomi kapa mosalamele, 'me a mo lulise fatše, 'me a mo lulise tlasa seqoqo se khutsitseng le lintho tse joalo, a ntoo thunya thaka leo ka chefu ea mofuta, 'me o tla qala a e hasa kerekeng. Le se ke la e emela. Le se ke la amana le eona ka letho lesele. Lulang le ratana le le mosa nqa e mong le e mong. Rapellang monna eo, le eena a tle a bolokehe, kapa mosali eo, kapa e ka ba mang, le ba rapelle feela. 'Me le khomarelane.

<sup>81</sup> 'Me le tšehetse molisa oa lona. Le a bona, ke molisa, 'me le mo hlomphe. O tla le fetisa le tšelete, 'me, hoba o khethiloe ke Molimo ho etsa joalo.

<sup>82</sup> Joale na le hopola seo? [Phutheho e re, "Amen."—Mohl.] Sera se tla fihla. 'Me mohla se etsang, le khomarelane haufi hakaalo 'moho. 'Me eo ea sebelisoang ke liabolosi e le sera o tla tsoa kapa a kene 'me e be e mong oa lona. Ke phetho.

<sup>83</sup> Le ka mohla le se ke la qabana...kapa—kapa la bua, la iketsetsa lequloana. Re bang. Nke ke ka re, "Letsoho le letšehali, ke—ke u halfetse, ke tla u poma hobane ha u letsoho le letona." Ke letsoho la ka le letšehali. Ke le batla le lutse hona mono. Esita le ntlhana ea monoana oa ka, ke e batla hona mono hantle, sethonyana ka seng sa 'mele oa ka se lule hantle mono. 'Me Molimo o a re batla, joaloka 'mele oa balumeli, ho lula hantle 'moho le e mong, hantle le e mong.

<sup>84</sup> 'Me joale le tšoere liteipi mabapi le seo. Le tšoere liteipi mabapi le seo re se lumelang. Le tšoere liteipi tsa molao oa boitšoaro ka kerekeng, kamoo re lokelang ho itšoara ka kerekeng ea Molimo, kamoo re tlamaehang ho phutheha mona le ho lula 'moho libakeng tsa Leholido. Le se ke la lula hae. Haeba Molimo o fela o lutse pelong ea hau, u ke ke oa emela menyako eo ho buloa koana, ho kena ka mona ho kopana le baenaba'bo lona. Haeba u sa—u sa ikutloe joalo, ha ho le joalo ke a u bolella, ke nako ea hore u rapele.

<sup>85</sup> Hoba, re matsatsing a qetelo, moo Bibele e phahamisitseng, kapa, e ometseng ho rona ho—ho, "Haholo ha re bona letsatsi leo le ntse le atamela," ho ratana ka lerato la Bokreste le lerato la Mokhethoa, "ho phutheha 'moho libakeng tsa Leholido le—le—the Kreste Jesu," 'me le ratane. "Batho bohole ba tla tseba hoba le barutuo ba Ka, ha le ratana." Ke hantle. Lulang hantle 'moho.

<sup>86</sup> Ha moena, u nahana hore o phoso hanyenyane, kapa khaitseli, ho re, "Morena, se ntumelle ho melisa motso oa bokhopo, hobane e tla—e tla mo ama, 'me e tla ntša Kreste bophelong ba ka." Liesiti tseo tse chefu tsa lonya, le mohono, le lehloeo, tse tla leleka feela Moea o Halalelang hang ho uena. E tla Mo leleka tabernakeleng mona. E tla bolaea Moea oa Molimo, kapa ho O leleka mona, ho utloisa molisa oa lona bohloko. E tla etsa tsohle. Le a bona? Le se ke la etsa seo.

<sup>87</sup> Le holehane haufi hakaalo feela. Atamelang...Le tlame leqhaama, joalokaha moena a pakile, moreri mona bosius bo bong, mabapi le ho tlama leqhaama, ho e bona ponong. Feel, hoo ho tlama lihlomo tsohle tsa Molimo. Ho le tlama ka thata feela, ho tiisa, ho atamelana hantle haufi. Le ratane, leha ho le joalo. Le bue hamonate ka e mong, le bue lintho tse monate ka e mong, 'me joale Molimo o tla le hlohonolofatsa.

<sup>88</sup> Joale hoseng hona, ha Morena a ratile, ka thuso ea Hae le mohau, Ke tšoere sehlopha lipotso mona, tsa Mangolo, ke rialo. 'Me joale pele re E atamela...Ke kholoa ke utloile lihatisi li tobetsoa ka mono. Re tlil'o hlahisa Molaetsa joale, ka mohau oa Molimo.

Pele, lentsoe la thapelo.

<sup>89</sup> Morena Jesu, ho bua le 'mele ona oa Kereke, ho thoe ba tšoare 'moho letsoho le sa fetoheng la Molimo, Bonnete ba bona, Lentsoe; ho ba lemosa, joalokaha Pauluse a lemositse mohlape oa hae, ho re, "ho ne ho tla kena liphiri." U sa le Molimo oo kajeno se sa mehleng ea Hau mohlang oo, 'me sera seo se a tšoana. Ekare setsoalle sena le littlamo tsa lerato li ka lula har'a batho bana, ka ho Kreste Jesu.

<sup>90</sup> Thusa, hoseng hona, Morena, ha re bala Lentsoe. Moea o Halalelang o re senolele Lona, ho re Kereke e tle e theoe ka botlalo "tumelong e neng e fuoebahalaleli khetlo le leng," ho ba tšoara. 'Me ho be joalo, joaleka ha U hlahisitse pono lilemong tse peli tse fetileng, "ho boloka Lijo," meroho e metle, e phetseng hantle eo ke e boneng ponong, e neng e bolokoa ka har'a tabernakele ena, re tle re fuoe kajeno serotohali sohle se tletseng Hoo (Aba seo, Morena.), kapa, teipi e tletseng: hore E tle e re senolele Jesu Kreste horeng eo re phelang ho eona, ho re otla ka matla a sa timeng, matla a moea a mosebetsi o larileng ka pele. Aba sena, Ntate.

<sup>91</sup> Hlohonolofatsa bana, bana ba Hau. Ba teng ka mona hoseng hona ho tsoa likarolong tse ngata tse fapaneng tsa sechaba. Hoseng ho chesang, ho qamachelang, empa koana re utloa Boteng ba Moea o Halalelang, hara tsena tsohle.

<sup>92</sup> Re nahana ka John Wesley, le Calvin, le Sankey, le Knox, Finney, le ba bangata bao, ba ne ba sa hokela sefehlamoea sa motlakase, batho ba lule liholong, mofufutso o kolla lifahlehong tsa bona. Basali bao, ba ikhurumelitse hantle, ba apere hantle, ba lutse mekhuping hofihlela ba fufuleloa liaparo tsa bona li kolobe, ho mamela Lentsoe la Molimo, ho fepa meea ea bona. Joale, re a ikutloa, Morena, hore ba phomotse tao-tao koana, ba emetse ho Khutla ha Morena.

<sup>93</sup> Re phuthe 'moho, Ntate. Moea o Halalelang o re tataise le ho re supisa tsela. Re fe bophelo bo bolelele ba tšebeletso ho Uena. Re fe Molaetsa o moholo ona hoseng hona oo re o lebelletseng ho tsoa Lentsoeng la Hau, hore O tle o fihle pelong e 'ngoe le e 'ngoe. Etsa hore melomo e buang, Morena, e bue 'Nete. Etsa hore pelo e utloang e none ho amohela 'Nete, 'me E ke e hole e be lifate tse kholo tsa Bophelo Bosafeleng, ho ba maseli a khanyang le mangolo a baloang ke batho bohole; ba tle ba tsebe hobane Jesu Kreste o tsohile bafung 'me o phela hara rona. Re tlale lerato hakaalo le litholoana tsa Moea ho fihlela banna le basali ba bang, bashanyana le banana ba bona liphetho tsa Bophelo Kreste bo ntseg bo phela ka ho rona, ka mora lilemo tse likete tse peli ho qala ketsahalong e kholo. Aba sena, Ntate, ho hlompha Uena. Re kopa ka Lebitso la Jesu Kreste. Amen.

<sup>94</sup> Joale ke batla ho bala tse ling ho tsoa Mangolong. 'Me ke a tšepa joale le tšoere lipensele le lipampiri tsa lona, le ntho e 'ngoe le e 'ngoe, e lokile.

<sup>95</sup> 'Me, Moena Neville, u lule u se sisinyehe. Ke tilo hlobola jase ea ka feela. Hoo...[Moena Neville o re, "Ho lokile. Amen."—Mohl.] Ke a...Ntšoareleng ka ho hlobola jase ea ka, empa hona—hona ho futhumetse hampe mona.

<sup>96</sup> Joale ke batla hore le phetle Bukeng ea Bakolose, khaolo ea 1 ea Bakolose. 'Me e re sa bala sena, ho qala ka...Ke batla lona, ha le fihla hae, le bale khaolo eohle ea Bakolose bana. Empa ke batla hore le bale hoseng hona, le 'na, ho tloha temaneng ea 15, 29, moho.

<sup>97</sup> 'Me joale mamellang kamoo le ka khonang, hoba ke utloa hore mona, ha Molimo o ka nthusa, e tla senola le ho khutlisetsa kelellong tsa lona lintho tse ling tsena tsohle tseo ke buileng ka tsona mehleng eohle ea tabernakele; hobaneng ha ke buile seo ke se buileng, le hobaneng ha ke entse seo ke se entseng. Lebaka ke lena.

<sup>98</sup> Joale ho tloha temaneng ea 15.

*Eo e leng setšoantšo sa Molimo o sa bonoeng, letsibolo la libopuaa tsohle:*

*Hobane tsohle li hloliloe ka eena, tse leholimong, le tse lefatšeng, tse bonahalang...sa bonahaleng, leha e le literone,...mebuso,...lihlooho,...matla: tsohle li hloliloe ke eena, 'me li etselitsoe eena:*

*'Me o kapele ho lintho tsohle, 'me tsohle li entsoe ka eena.*

*'Me ke hlooho ea 'mele, ea kereke: ke eena qalo, letsibolo la bafu; a tle a be le maemo a pele nthong tsohle.*

*Hobane ho khahlile Ntate hore bottlalo bohole bo ahe ho eena—bottlalo bohole bo ka aha;*

<sup>99</sup> Ereng ke toboketse seo hanyenyane hape, temana ena ea 19.

*Hobane ho khahlile Ntate hore bottlalo bohole bo lule ho eena;*

*'Me, eitse hobane a etse khotsa ka mali a sefapano sa hae, hore ka eena a boelanye lintho tsohle ho eena; ka eena, leha, e le tse lefatšeng, leha e le tse maholimong.*

Shebang moo poelano eo e ileng teng.

*Le lōna, bao ka nako e 'ngoe le neng le ikarotse, 'me le le lira likelellong tsa lōna ka mesebetsi e khopo, joale o le boelantse*

*Ka 'mele oa nama ea hae ka lefu, ho le hlahisa le halalela...hloka molato...le amoheleha mahlong a hae:*

*Ekare ha le tiisetsa tumelong le theiloe le tiile, le sa sisinyehe tsepang ea evangeli, le e utloileng, ea ba ea bolellooa libopua tsohle tse tlasa leholimo; eo 'na Pauluse ke entsoeng mosebeletsi oa eona;*

*Lona bao joale le thabelang mahlomola a ka bakeng sa lona, 'me le tlatse se tlamiloeng...ka morao ho lerato la Kreste ka...nama ka baka la 'mele oa hae, e leng kereke:*

*Ke entsoe mosebeletsi oa eona, ho ea ka tsamaiso ea Molimo seo ke se neiloeng bakeng sa lona, ho phethahatsa lentsoe la Molimo;*

*Le e leng sephiri se neng se patiloe ho tloha mehleng le melokong, empa joale se senoletsoe bahalaleli ba hae:*

<sup>100</sup> 'Me ke batla ho bala temana eo hape.

*Le e leng sephiri se neng se patiloe ho tloha mehleng le melokong, empa joale se senoletsoe bahalaleli ba hae:*

*Bao Molimo o ratileng ho ba tsebisa monono oa khanya ea sephiri seo hara Balichaba; e leng Kreste ka ho lona, tsepang ea khanya:*

*Ke eena eo re mo bolelang, re lemosa motho e mong le e mong, 'me re ruta motho e mong le e mong ka bohlale bohle; re tle re hlahise motho e mong le e mong a phethehile ho Kreste Jesu:*

*Ke sona seo le 'na ke se sebeletsang, ke ntse ke loana ho ea ka tsebetso e sebetsang ka ho 'na ka matla.*

<sup>101</sup> Joale bakeng sa temana eo ke batlang ho e ntša mono, sehlooho sena, ke se thea holima Bibele eohle, empa ke batla ha re reella sehlooho sena: *Kreste Ke Sephiri Sa Molimo Se Senotsoeng*. Kreste e leng sephiri sa Molimo se senotsoeng! Joale, ke se nkile ka mokhoa oa thuto ea sekolo sa Sontaha, re tle re bale bohle 'moho le—le ho kenela botsoalle bona 'moho.

<sup>102</sup> Joale, lekunutu la sephiri sa Molimo, O ne o se bolokile le pele lefatše le qala. Joale, motšeо ho karolo ea mohopolo oa Molimo, ntho e teng eo O neng o e leka 'me o tla e finyella, 'me O ne o bolokile sepheo sa ho e etsa, hore o tle o Ipepes. Hobane, pele, ho ne ho se le khueli, naleli, athomo, molek'hule, kapa eng. E ne e le Molimo. Empa hantle-ntle E ne e se Molimo mohlang oo, hoba Molimo ke "tlotla e khumamotoang," 'me ho ne ho se letho ho Mo khumamela.

<sup>103</sup> Ka hona, mohopolong oa Oona o moholo, O ne o batlile ho pepesa litšobotsi tsena. 'Me ka ho Oona e le lerato; ka ho Oona e ne e tla ba Ntate; ka ho Oona e ne e tla ba Mora; ka ho Oona e tla ba Mopholosi; ka ho Oona e tla ba Mofolisi. 'Me limelo tsena tsohle tse kholo tseo re li bonang li se li bonahalitsoe, li ne li ahile ka ho Molimo.

<sup>104</sup> Ka hona, mohopolong oa ka, ntho ea pele O entseng e ne e le Mangeloi. 'Me eaba a Mo khumamela, 'me hoo hoa Mo etsa "Molimo." 'Me Oa qala ho tloha moo. Joalokaha Melaetseng e fetileng ke lekile ho e hlalosa, ho e qhaqholla. 'Me joale, ka hona, eitseha Mangeloi a qala ho Mo khumamela, mono e le pele molek'hule o hlaha lefatšeng. Ho ne ho se letho. Lefifi le aparetse hohle. Ho se letsatsi, leha e le khoeli, ho se linaleli, ho se letho, mohlang oo E ne e le Molimo. Joalokaha O botsitse Jobo, "U ne u le kae mohla Ke theang metheo ea lefatše, le a bona, mohla linaleli tsa meso li binang hammoho, bara ba Molimo ba utloahatsa mehoo ea thabo? Le a bona? Joale, u ne u le hokae?" Le a bona? Mono e ne e le motšeou le pele ho lefatše.

<sup>105</sup> Joale, Molimo o ne o bolokile morero le sephiri se patiloeng. 'Me ke seo ke batlang ho bua le Kereke ka sona hoseng hona, sephiri se patiloeng sa Molimo seo O neng o se bolokile mohopolong oa Oona le pele lefatše le qala, le ka moo se iphutholotseng hantle ho fihla horeng ena eo re phelang ho eona. Le a bona? Joale le tla utloisisa ka ho hlaka ke hona, le a bona, ka eona, ke a lumela, se ntseng se etsoa.

<sup>106</sup> Sephiri se seholo sa Molimo, sa mokhoa, ke lekunutu. Oa se boloka e le lekunutu. Ho se motho ea tsebang letho ka sona. Esita le Mangeloi a sa se utloisise. Le a bona, ha O a ka oa se senola. Ke lona lebaka, tlasa sephiri sa rona sa bosupa, mohla Tiiso ea Bosupa e neng e manolloa, ho hlahleng khutso. Jesu, mehleng ea Hae lefatšeng, ba ne ba batlile ho tseba mohla A tla khutla. O itse, "Ha se... Esita le Mora ka Sebele ha a tsebe mohla e tla hlaha." Le a bona, Molimo o ne o Ipoloketse eona eohle. Ke lekunutu. 'Me ke ka hona ho bileng le khutso Leholidong sebaka sa halofo ea hora, 'me lialuma tse supileng tsa utloahatsa mantsoe a tsona, 'me esitile le Johanne a hanetsoe ho e ngola, le a bona, ho Tla ha Morena. Ke ntho e le 'ngoe eo A esong ho e senole, kamoo A tlang ho tla kateng, le hore O tla tla neng. Ke ntho e ntile ha A sa e etse hoo. Che.

<sup>107</sup> O e bontšitse kapa ho e senola ka papiso ea mofuta o mong le o mong e ka Bibeleng. Ka baka leo, Bibele eohle ke tšenolo ea sephiri sa Molimo ka ho Kreste. Hum! Bibele eohle ke tlhaloso ea pheo e le 'ngoe eo Molimo o neng o e bolokile, morero o le mong oo O neng o batlide ho o finyella ka Bibeleng eohle. 'Me liketso tsohle tsa—tsa balumeli ka Bibeleng li hlahile ka papiso, li hlalosa seo pheo e kholo ea Molimo e neng e le eona, 'me joale letsatsing lena la ho qetela O e senotse le ho e bonahatsa. 'Me ka thuso ea Molimo, re tla e bona hantle mona hoseng hona, seo Morena a neng a se bolokile mohopolong oa Hae ka nako eohle 'me se hlalositsoe.

<sup>108</sup> Ka hona, le ka bona moeelo o moholo esale e le oona ho tseba sena, le ho leka ho se tlisettsa batho. Le a bona? 'Me joale le se... Ha ke eso kena lintlheng ho leka ho E hlalosa kamoo Molimo o ntšenoletseng eona.

<sup>109</sup> Joale, haeba u batla ho e tšoaea. Ke tšoere libaka tse ngata ke batla ho li bala. 'Me joale koana—koana Bukeng ea Santa Luka, khaolo ea 24 ea Santa Luka, re fumana e le . . . Ke baapostola ba babeli ba tseleng e eang Emmause. 'Me eaba Jesu o a hlaha, ka morao ho tsoho ea Hae, 'me ba ne ba le tseleng ea bona—ea bona e eang Emmause, ba tsamaea tseleng, ba ntse ba nahana, ba bua, ba lla, ka lebaka la Hae—lefū la Hae, le ka moo ba Mo boneng a sotleha athe ba ne ba hopotse ho ne ho se bohlokoa ho hang; ba nkile Morena oa bona 'me ba Mo thakhisa. 'Me—'me ba ntse ba tsamaea mono, ba lla.

<sup>110</sup> 'Me A bitoha a hlaha kathoko ho tsela 'me a qala a bua le bona ka Kreste. A re, "Oh, maoatla ting le liehang ho utloisisa. Na ha le tsebe hoba baprofeta bohole le Lipesaleme . . ." Le a bona, O ne a etsa'ng? O ne a Itsebisa ho baapostola bana, hore baporofeta bohole, le Lipesalema tsohle, le ntho eohle, e ne e le Eena, a hhalositsoe. Le a bona?

<sup>111</sup> 'Me joale lebaka leo ke sa kang ka lekanya ho rera hoseng hona, ka hobane, ke ile ka nahana, thutong, re ne re tla e utloisisa ha molemo ho feta ho nka mohloithero le ho e tlola. Re ne re tla e ruta feela.

<sup>112</sup> Joale, O na a re Lipesalema tsohle le baporofeta bohole ba buile ka Eena. Be, mono, ha ho le joalo, hoo ho a supa hobane Testamente ea Khale eohle, Testamente e Ncha eohle, le Lipesalema tsohle, lipina, lifela tse neng li binoa, li binnoe ka Eena.

<sup>113</sup> Nkang Pesaleme ea 22, 'me le e bine, 'me le e bapise le hoseng ha thakhiso. Le a bona, "Molimo oa ka, Molimo oa ka, U Ntloheletse'ng na? Masapo a Ka kaofela, a lepalapaleng ho 'Na. Ba hlabile maoto a Ka le matsoho a Ka." Koana, lintho tseo tsohle mono, ba ne ba bina Pesaleme eo tlase mono ka tempeleng, 'me ba ntse ba thakhisa eena Eo. Le a bona? Le a bona, baetapele ba baholo bao ba bolumeli, banna bao ba baholo, baruti bao ba baholo, 'me koana ba foufetse hona, ba neng ba bala baporofeta 'me ba bina lifela, 'me ba ntse ba tlola molao oo ba itseng ba tla u tlola.

Eona ntho eo e etsahala hoseng hona!

<sup>114</sup> Joale mamelang ka hloko, hoba . . . Joale ha ke sa tla tsotella seo tšupanako eo e se buang. Ke batla hore le tšoare taba ena. Le a bona? Ke batla lona, le e fumane. Le a bona? [Phutheho e a nyakalla 'me e re, "Amen."—Mohl.]

<sup>115</sup> Kahoo mona le ka bona, ha e le hantle, qalong, oona mohopolo oo Molimo o neng o o bolokile mohopolong oa Oona, O ne o patetse barutehi bao bohole. 'Me e . . . Haese paloana feela, palo e khethiloeng e reriloeng pele, batho ba reriloeng pele, ke bona feela ba o utloileng. 'Me joale le batlisise Lengolo morao ho theosa le mongoaha oa baporofeta, 'me le bone haeba e se ntho e tšoanang. Le a bona?

<sup>116</sup> Joale, 'me Jesu mona o ba supisa baporofeta le Lipesalema, O itse tsohle li buile ka Eena. Le a bona? 'Me mona baruti bana ba Bajude, borabi, lingaka tsa molao, liprofesa, ba ne ba entse hantle feela joalokaha bao ba entse pele.

<sup>117</sup> Joale hlokomalang, hape, O itse, "Batlisang Mangolo, hobane ke Oona a Mpakang." Batlisang Mangolo, Mangolo, Mangolo 'ohle. Ke ntse ke leka ho etsa'ng? Ho le bontša hore Bibebe ena ke eona ntho e nepahetseng.

<sup>118</sup> Tsatsi le leng, ha ke eme ka phaposing ea kokelo, ke bua, khaitseli e mong o ne a nkopile ho hlalosa mabapi le liphutheho tsa bolumeli, hobaneng re ne re—re ne re eme khahlano le liphutheho tsa malumeli, 'moho le batho ba bang ba liphutheho tsa malumeli.

<sup>119</sup> Le a bona, e loketse ho khutlela Lentsoeng, hoba Lentsoe ke Molimo. Le a bona? 'Me Jesu o ntse a tlaleha hona hoo mona, hore Lentsoe ke Eena. O ke ke oa etsa hore Lengolo le Ikhanyetse. "Lentsoe le ne le le tsimolohong, 'me Lentsoe le ne le le ho Molimo, 'me Lentsoe e ne e le Molimo. 'Me, Lentsoe, le entsoeng nama!" Le a bona?

<sup>120</sup> Joale mona O re, "Batlisang Mangolo, ke Oona a Mpakang. Ho Oona le nahana hobane le na le Bophelo Bosafeleng," 'me ke 'nete, "athe Ke Oona a Mpakang. 'Me le 'na Ke paka ka Oona. 'Me ekareha Ke sa etse mesebetsi e tsepisitsoeng hore Ke tla e etsa, le se ke la Nkutloa. Empa ekareha Ke etsa mesebetsi, 'me le sa lumele ho 'Na, le mpe le lumele mesebetsi, hobane a paka hore Ke Lentsoe." Oh, e bonahala e ne e ke ea hlaka ho feta. Le a bona? Ho lokile. Joale, "Batlisang Mangolo." O boletse Moshe le melao eohle, le joalo-joalo, le baporofeta, le Lipesalema, li buile ka Eena. 'Me, hape, O itse Mangolo a paka ka Eena.

<sup>121</sup> Ke eena sehlooho sa motheo sa Bibebe eohle. Ha u bala Bibebe, 'me u sa bone Kreste temaneng e 'ngoe le e 'ngoe ea Eona, khutlela morao 'me u E bale hape. Le a bona? Haeba u sa bone Kreste temaneng e 'ngoe le e 'ngoe ea Bibebe, E bale hape, hoba u fositse ho hong. Bibebe ke Kreste. Ke Lentsoe. Ha u bala, "Tsimolohong Molimo o hlolile," Kreste ke eo. Le a bona? Ntho ka 'ngoe... Ho qala moo, ho isa ho "Amen" ho Tsenolo, ke Lentsoe le leng le leng le ntseng le paka ka Jesu Kreste.

<sup>122</sup> Ke ka baka leo libuka tsena tse ekelitsoeng tseo ba li bitsang *Buka ea Bobeli ea Daniele*, le e—e *Buka ea Maccabees*, ho ekeletsa pelekatori le lintho tse joalo, le a bona, ha li boleloe ka Lengolong. Le a bona? Ha e amane le Lona kaofela. Ha ho sebaka sa ho beha pelekatori mono. Ha ho sebaka sa ho beha kopano ea bahalaleli, le lintho. Ha ho sebaka sa ntho eo ka mono. Ha ho sebaka sa mokhatlo oa bolumeli. Ha ho sebaka sa—sa litumeloana kantle ho—ho Bibebe. Le a bona? Kahoo ha le bona lintho tseo, ha li—ha li kene feela setšoantšong. 'Me ke ka hona batho ba kentseng lintho tseo, 'me ba fihetse malataliana

a bona—a bona—a bona a kaofela a ferekane. Le a bona? Ha ba khone ho e lokisa, “eenmaobane, kajeno, le kamehla.”

<sup>123</sup> Empa, haeba ntho eo e teantsoe hantle, ho hlahella setšoantšo sohle sa tlolo le sa nchafatso. Setšoantšo sohle sa popo, le leano lohle la Molimo le senotsoeng hantle ka ho Jesu Kreste. Amen! Ke seo setšoantšo sohle se teantsoeng ’moho, khutloana ka ’ngoe hohle le kounyana. Ho joalo ka... Joale, ha ke a ikemisetsa ho nyelisa ka sena, empa ho tšoana feela le ho teanya malataliana ’moho.

<sup>124</sup> Ke kahoo re fumanang litšoantšo tse tšabehang kajeno. Ho re, “Re balumeli,” athe khomo e fula joang holim’ a sefate. Ha e sebetse. Ke mohla ba reng, “Yaa, O a tšoana ka mekhoa eohle, haese feela ka mokhoa o itseng... Ke Oa maobane, kajeno, le kamehla, tsohle kantle ho ntho e itseng.” Le a bona? Mono u senya setšoantšo sa hau.

<sup>125</sup> Bibebe e Mo tlalehile a tšoana! Santa Johanne 5, kapa Santa Johanne 14:12, O itse, “Eena,” eena, mang kapa mang, “ea lumelang ho ’Na, mesebetsi eo Ke e etsang o tla e etsa le eena.”

“Be, seo se ne se baletsoe mongoaha o mong.”

<sup>126</sup> Mono u fositse setšoantšo sa hau hape. U fumana monna ea tšoasang lehoatateng, a batla lihlapi, har’ a lehlabathe le chesang moo hlapi e leng sieo. Le a bona? Le a bona, u tlameha ho mo khutlisetsa moo a tšoasang lihlapi, Galelea, moo lihlapi li leng ngata, le a bona. Le a bona.

<sup>127</sup> U—u tlameha ho hlophisa setšoantšo se shebehe hantle. Ke setšoantšo se seholo sa Molimo. ’Me u ka se bona ka tsela e le ’ngoe feela, ke ha u bona Jesu Kreste. Bibebe eohle ke eo. Ke mokotaba oa sehlooho oa Bibebe.

<sup>128</sup> Joale na le a hlokomba tulo efe ea tsena mona u ka ntša ther, ’me ho thata ho moreri ho ikhutsetsa. Ekare o batla ho lula a tsoelapele ka eona, empa u tlameha ho khutlela ho seo re se rutang.

<sup>129</sup> Ke mokotaba oa sehlooho oa Bibebe. O ne a le ka har’ a baporofeta. O ne a le ka har’ a Lipesalema. O ne a le ka har’ a nalane ea Bibebe. Bibebe ke Buka ea boporfeta. Ke Buka ea nalane. Ke Buka ea lerato. Ke Buka ea—ea lifela. Ke Buka ea Bophelo. ’Me ka hare ka mono u fumana Kreste. O ne a le ka har’ a baporofeta. O ne a le ka har’ a Lipesalema. O ne a le ka har’ a nalane. ’Me Eena hape, ka Bibeleng, ke lintho tse tlang ho tla. Ka hona, O ne a le teng pele le ho fihlela ka morao. Seo se Mo etsa’ng ke hona? “Eena maobane, kajeno, le kamehla.”

<sup>130</sup> ’Me ha u sunya ntho ka Mono, ha e Mo etse “eenmaobane, kajeno, le kamehla,” Moena Lee, o ea ho kae ke hona? U tšoere setšoantšo se tšabehang mono. Hoba, E ne e le nalane, le a bona, ’me Ke Moporfeta. Ke Lipesaleme. Ke tsohle. ’Me ha u sa khone ho Mo etsa ntho e ’ngoe le e ’ngoe, le ntho e tšoanang, teng, ebe

setšoantšo sa hau se shebeha joang? Le a bona? [Phutheho e re, "Amen."—Mohl.] Ho lokile.

<sup>131</sup> Ke eena ntho eo! E ne e le baporofeta. O ne a le ka har'a bona. O ne a le ka har'a Lipesalema. O ne a le ka har'a nalane, 'me Eena ke lintho tse tlang ho tla, "eena maobane, kajeno, le kamehla." Baheberu 13:8, haeba le ntse le e ngola fatše. O loketse joalo, ke hona, O loketse e be e le sehlooho, haeba e le seo A leng sona. 'Me re a e lumela, ha re etse joalo na? [Phutheho e re, "Amen."—Mohl.] Joale, haeba A le hoo, O tlamehla e be mokotaba oa sehlooho oa puo ea rona, oa monahano oa rona, oa lifela tsa rona, oa metsamao ea rona. ["Amen."] E lokela ho ba mokotaba oa sehlooho oa bophelo ba rōna. Haeba E le mokotaba oa mantlha oa Bibele, 'me Bibele e le ka ho rona, joale E ka khona e be mokotaba oa sehlooho oa sohle seo re se etsang, seo re se buang, kapa re se nahananang; e loketse e be Kreste. Na ho joalo? ["Amen."] Ho lokile.

<sup>132</sup> Ho tloha, re nahana sena, ho tloha A entsoe—entsoe Hlooho ea "lintho tsohle," ho rona. Bakolose ba boletse joalo mona. Ke Hlooho ea "lintho tsohle," ho rona. Hobane O entsoe... bakeng sa rona, entsoe re nkuoa re le "lintho tsohle." U re, "Ho ka thoe'ng ka moetsalibe?" O entsoe Moahloli oa moetsalibe haeba a sa E amohele. O entsoe khanya ea molumeli ea E amohelang. Ka hona mono, ntho, "lintho tsohle li entsoe ke Eena, 'me li etselitsoe Eena."

<sup>133</sup> 'Me ho hlokua bosiu, ho hhalosa khanya ea motšeare. Ho hlokua sejana se sa hlomphuoeng, ho hhalosa e—e lerato le pabalio ea sejana se hlomphuong. Ho nka mosali ea khopo, ea ka aparang liaparo tse hananang le boitšoaro 'me—'me a rekisa ka maitšoaro a hae, ho hhalosa bokhabane ba mofumahali oa sebele. Le a bona? Ho hloka molotsana le lesholu, ka ho monna, ho hhalosa bokhabane ba molumeli oa makhonthe, Mokreste oa sebele. Ho nka moikaketsi, ho bonahatsa molumeli, seo a leng sona.

<sup>134</sup> Kahoo, "Lintho tsohle li entsoe ke Eena." 'Me erekaha A entsoe lintho tsohle... entse, etselitsoe rona bohle, lintho tsohle li entsoe, ke Eena. Joale, erekaha hoo e le 'nete, re lokela ho iketsa setlama (ho loketse joalo) le Eena. Re lokela ho etsoa setlama, ka borona, le Eena, hobane O Itsebahalitse le rona. Re lokela ho etsoa setlama le Eena. Joang? Ka ho Mo phelela; e seng maipolelo feela.

<sup>135</sup> Batho ba bangata hakaale ba nka maipolelo, ho thoe... Ke re e fihlile sebakeng sena hona joale. Na u Mokreste? "Ke Methodise." Be, e hole le eona haholo, le ho itsebahatsa u le Mokreste. Be, shebang seo Mamethodise a se etsang. "Ke Mobaptise." Be, shebang seo Mabaptise a se etsang. "Ke Mokatolike." Shebang seo ba se etsang. Le a bona?

<sup>136</sup> Empa mokhoa feela oo u ka bang Mokreste ruri ke ha Kreste a Itsebahatsa ka ho uena. Mona re tšoere tse ling, tsenene mono! Ke tšepa mang le mang ea teiping a e fumana, le eena. Le a bona? Le a bona? Le a bona?

U re, "Ke Mopentekosta." Seo ha se bolele letho.

<sup>137</sup> Ke Kreste ea bonahalitsoeng ka ho uena. Ke mohla A u lemohileng.

Ho re, "Ke buile ka lipuo." Liabolosi o etsa joalo, le eena.

<sup>138</sup> "Ke hlabile litlatse." Mahamedane, Mabuda, le ntho tsohle li hlabi litlatse. Maindia a hoeletsa ha ba chaea motjeko oa noha. Le a bona? Ehlide. Bohle ba etsa joalo. Maquloana, bora-seng le ntho eohle ese, e a hoeletsa e hlabi litlatse. Ba hlabi litlatse ba hooa papaling ea beisebolo.

<sup>139</sup> Empa ha Kreste a bonahatsoa ka ho uena, ho Itsebahatsa, ke mohla u bang joalo-ka-Kreste. Etsoe, lentsoe *Mokreste* le bolela ho ba "joalo-ka-Kreste." Ke boo boitsebiso ba hau. Ho lokile. Joale, 'me haele moo E le boitsebiso ba rona, joale re lokela ho amahamangoa le Eena, ka ho Mo phelela.

<sup>140</sup> Hlokamelang, Molimo o ne o bolokile morero o menahaneng hararo lekunutung lena la sephiri se seholo. Molimo, lekunutung la Oona le leholo la sephiri seo esale O se bolokile pele lefatše le qala, O bolokile morero o menahaneng hararo ho sona. 'Me joale seo re batlang ho kena ho sona, hoseng hona, ke, ebe morero oo o menahaneng hararo ke ofe? Le a bona? Joale, ke a lumela, ka thuso ea . . . ea Molimo, O leng teng, 'me O—O tla re bontša eona. Joale, efela haeba O ne o bolokile morero ona o menahaneng hararo, re batla ho fumana hore ebe morero ona o menahaneng hararo ke ofe.

<sup>141</sup> Ntho ea pele, e ne e le ho re, Molimo o ne o batla ho Itšenolela batho.

<sup>142</sup> O ne o ka sitoa joaloka Jehova Molimo o moholo O neng o tletse sebaka sohle, nako, le Bosafeleng. O ne a ka sitoa. O moholo haholo ho ka senoleloa batho le ka mohla, hobane e ne e ka ba mohlolo o fetisang ka boholo. Ho ka tla joang hore Boleng boo bo boholo bo sa kang ba qala le ka mohla . . . hoba u fetele mose oane ho mopotoloho oa lilemo tse makholo a libilione le litrilione le litrilione tsa sebaka sa leseli, le ho kena kantle koana ho bohlokapehetso, ho kena Bosafeleng, 'me 'Mopo o moholo e neng e le tseo tsohle, 'me o sa ntse o le teng.

<sup>143</sup> Empa seo A neng a batlile ho se etsa, O ne a rata bo-ntate, hoba E ne e le Ntate. 'Me mokhoa o le mong feela A beng a ka e hhalosa e ne e le ho ba Mora, Motho. Lebaka leo Jesu a neng a sa phetse ho re, "Mora motho." Le a bona, ba ne ba sa tsebe seo A neng a bua ka sona, bongata ba bona. Empa na joale le a e utloisia? [Phutheho e re, "Amen."—Mohl.] Le a bona? O ne a batlile ho Itlhalosa. Seo e ne e le sa Hae, o mong oa merero

ea Oona e menahaneng hararo, e ne e le ho Itlhalosa, ho Iketsa setlama le batho, ho Itšenola ka ho Kreste.

<sup>144</sup> Bobeling, ho rua maemo a pele ka har'a 'Mele oa Hae oa balumeli, ke ho re, Monyaluoa oa Hae, A tle a phele ka har'a batho.

<sup>145</sup> Joale, O ne a ka etsa hoo ka ho Adama le Eva, empa sebe se ba arotse, ka hona joale ha lokela ho ba le mokhoa oa ho e khutlisa hape. Oh, khili! Oh, ha ke . . . Sena, taba ena e enne, ho 'na, ho nahana ka eona feela. Le a bona? Na le bona seo morero oa Molimo e neng e le sona? Joale hobaneng A sa ka a baballa Adama le Eva ba le joalo? Joale O be a ka sitoa ho hlalosa botlalo ba Oona, semelo sa Oona se tletseng. Hobane, mono E ka be e bile Ntate, hoo ke 'nene, empa hape Ke Mopholosi. U re, "U tseba joang hore E ne e le eena?" Ke eena, hobane ke fumane boiphihlelo boo. Le a bona? Le a bona? Ke Mopholosi, 'me O ne a lokela ho hlahisa seo. 'Me O ne a ka khonba ho e etsa joang? Ka Kreste feela. E ne e ka ba Mora joang? Ka Kreste feela. E ne e ka ba Mofolisi joang? Ka Kreste feela. Le a bona, lintho tsohle li lihela likhala ho Motho a le mong eo, Jesu Kreste. Oh, khili! Ha ke—ha ke . . .

<sup>146</sup> Ha ke e nahana, ke—ke bona mekhatlo ea liphutheho e nyamela temeng, le ntho e 'ngoe le e 'ngoe e feta feela, le a bona, ha ke bona morero o moholo oa Molimo. Ho Itšenola, le ho ho fumana, pele, ho Itšenola ka ho Kreste, "botlalo ba Bomolimo ka 'mele." 'Me, hape, ho kenya "botlalo boo ba Bomolimo ka 'mele" ka ho batho, hore A tle a be le maemo a pele, bolebeli, boetapele.

<sup>147</sup> E 'ngoe, bosiung boo, haeba le sa thola teipi, ke rerile mona ka bosiu bo bong, ka "Motšoaruoa oa Jesu Kreste." Pauluse, motšoaruoa! Le a bona? Ha Molimo o u fetola motšoaruoa oa Oona, u sitoa ho etsa letho haese seo Moea o reng u se etse. Pauluse, ka lihlalefo tsohle tsa hae tse kholo, o ne a ruta . . . o rutiloe ke Gamaliele hore e be moprista e moholo kapa rabbi, ka letsatsi le leng. 'Me litabatabelo tsa hae li ne li phahame. E ne e le monna oa kelello e qahameng, bolaoli bo boholo, monna e moholo sechabeng. Empa a tlameha ho tela karolo e 'ngoe le e 'ngoe ea eona, le a bona, ho fetoha karolo ea Lentsoe, ho hlalosa Jesu Kreste. O tsebile hore e ne e le eng ho re . . .

<sup>148</sup> Eneraha a hopola ho ea tulong e itseng, baena ba mo bitsitse, empa a haneloa ke Moea ho etsa thato ea hae. Oh, holane—holane batho ba ruileng moea ka halofo ba ka e thonaka! Le a bona? O ne a thibeloe ho etsa thato ea hae. A ka etsa feela . . . "Moea o a nthibela." Le a bona? E ne e le moholehuoa oa Kreste.

<sup>149</sup> Eaba, senohenyana sena tsatsi le leng, seo a se tsebileng, Pauluse o itsebile a ruile matla ho leleka liabolosi eo, empa a ka etsa feela kamoo Molimo o ratileng kateng. Se ba latetse letsatsi le letsatsi, se hoeletsa se mo setse morao, empa ka tsatsi le leng Moea oa mo lumella. Eaba o a se khalemela, moea o neng o ahile

ka ho sona. Le a bona? O tsebile seo ho ba motšoaruoa e neng e le sona.

<sup>150</sup> Moshe, mahlale a hae, a lokela ho a lahla, ho fumana Kreste, ho ba motšoaruoa. Eare hobane Molimo o batole lefatše lohle ho eena, le monna oa senatla kaofela eo e neng e le eena, 'me a eme ka pel'a Sefahleho sa Topallo eo ea Mollo tsatsing leo, a fihleloa feela a hlokile puo. A bile, a hloka puo, o boletse. Molimo o ne o itholetse motšoaruoa mohlang oo. Le a bona? U ke ke ua leka ho sala patlisiso ea hau morao. Eaba Molimo o tlatsa monna enoa, kapa, ho mo otla ka matla a lekaneng ho theohela mono.

<sup>151</sup> 'Me a re, "Morena, ke boleletse Faro seo U se buileng, 'me le joale o hanne ho se etsa."

<sup>152</sup> A re, "Joale nka hona, lere la hau," Molimo o ntse a bua, leo ke Lentsoe la Molimo, "tsoela teng 'me u e supe nqa Bochabela, 'me u bitse lintšintši." Ebile lintšintši lia boptjoa, hobane O ne a fumane motšoaruoa eo Faro a neng a ka sitoa ho mo lefa letho. Ho se motho ea ka mo faposetsang nqa efe. E ne e le motšoaruoa ka bottlalo a le mahlaahleng a Lentsoe la Molimo, a bofeletsoe feela ho HO RIALO MORENA.

<sup>153</sup> Oh, hola Molimo o ka Itholla batšoaruoa ba joalo! Joale, ke mohla O ka hhalosang maemo a pele, le a bona. Eena, O fumane monna, kapa motho, hore a se ke a tseba letho haese Kreste. Na le utloisia seo ke se bolelang? [Phutheho e re, "Amen."—Mohl.] Ho lokile. Mono ke bobeling.

<sup>154</sup> Pele, ho Itlhalosa ka bottlalo, Molimo ka ho Kreste.

<sup>155</sup> Bobeling, ho fumana maemo a pele, ka sena, Kerekeng ea Hae, e leng 'Mele oa Hae, Monyaluo, ho fihlela A fua maemo a pele ho Itlhalosa ka bona. Ho lokile.

<sup>156</sup> 'Me, borarong, ho busetsa 'Muso boemong bo nepahetseng, bo oeleng ka sebe ka Adama oa pele, ho busetsoa moo A tsamaileng mantsiboea ha ho pholile, le batho ba Oona, a qoqa le bona, ho buisana le bona.

<sup>157</sup> 'Me joale sebe le lefu li ne li ba arohantse le Boteng ba Oona le ponahatso eohle ea Oona. Na le khona ho e bala? Pele ho motheo oa lefatše, ho hhalosa litšobotsi tsohle tsa Oona—tsa Oona—tsa Oona, seo O neng o le sona.

<sup>158</sup> Ka hona, haeba motho ofe kapa ofe oa Botrintase mona a ka itokolla motsotsa feela, u bona hore Ntate, Mora, le Moea o Halalelang hase Melimo e meraro. Ke litšobotsi tse tharo tsa Molimo o le mong. Le a bona, ke tlhaloso. Ntate, O ne a le joalo, a batlile ho ba Ntate, E ne e le Ntate. E ne e le Mora. 'Me Ke Moea o Halalelang. 'Me Ntate le Moea o Halalelang ke Moea o le mong. Ha le bone na? Le a e fumana? [Phutheho e re, "Amen."—Mohl.] Hase Melimo e meraro. Liabolosi o le boleletse lintho tseo, ho le fetola morapeli oa melimo ea bohata. Le a bona? Ke Molimo o le mong o hlasisitsoeng ka litšobotsi tse tharo. Ho ba Ntate, ho ba

Mopholosi, ho ba Mora, ho ba Mofolisi, le a bona, ke liponahatso tsa Oona.

<sup>159</sup> Ke batla ho sesisa nakoana feela hore le batho ba mametseng teipi ba tle ba fumane mohopolo, bao ba ka bonang. Taba ena e ka mpotisa, ea ba ea mpotisa nako eo, se seng le se seng sa lihlooho tseo. Empa ke t̄sepa hore ke e hlakisa ho lekaneng hoo le ka bonang seo ke se atamelang. Le a bona?

<sup>160</sup> Molimo, o bonahalitsoeng ka ho Jesu Kreste, Eena e ne e le Ntate, Mora, le Moea o Halalelang 'moho, "botlalo ba Bomolimo ka 'mele."

<sup>161</sup> Joale "botlalo bo felletseng ba Bomolimo ka 'mele" bo ahile Kerekeng ea Oona, maemo a pele. Sohle seo Molimo o neng o le sona, O se t̄setse ka ho Kreste; 'me sohle seo Kreste a neng a le sona, se t̄setsoe ka har'a Kereke, balumeli.

<sup>162</sup> Eseng phutheho ea bolumeli! Re tla fihla ho eona metsotsong e 'maloa, 'me e tla se nt̄sha kelellong ea hau kamehla, le a bona; ho le bont̄sha na seo se bakoa ke'ng, ka thuso ea Molimo, ha O ka re lumella feela.

<sup>163</sup> Morero oa Oona ke ofe joale? Ho Itlhalosa joaloka Mora, le a bona, 'me, joale, hore ka ho Eena ho tle ho ahe "botlalo ba Bomolimo ka 'mele." Ke a, ke t̄soere Bakolose ba robetse mona, hantle ka pel'a ka. Le a bona? Hoo, ho haola le Lengolo lohle, e ne e le morero oa Molimo oo. Joale, ka Bophelo bona ba Mora enoa, sefapano sa Hae, "Mali," e a e bolela mona, "a sefapano sa Hae," hore O tle o khutlisetse ho Oona 'Mele, Monyaluo; e leng Eva, Eva oa bobeli. 'Me Molimo o e takile ka papiso, joaloka ha O entse ka Moshe le bao bohle. Eona ntho eo O e entse ho Adama le Eva, ho taka papiso, hore bona ne e le Kreste le Monyaluo. Ke Adama oa bobeli; Kereke ke Eva oa bobeli.

<sup>164</sup> 'Me ha feela Eva oa bobeli a ngoaetsa khahlano le Lentsoe, na ha a etse se entsoeng ke Eva eo oa pele? [Phutheho e re, "Amen."—Mohl.] Ho leka ho re, "Be, e ne e baletsoe mongoaha o mong." 'Me re tla fihla ho eona metsotsong e 'maloa, haeba A e tlalehile e ne e baletsoe mongoaha o mong. E ka ba mongoaha o mong joang, athe Ke "oa maobane, kajeno, le kamehla"?

<sup>165</sup> Empa Molimo o ne o rerile seo 'me "sa pateloa mahlo a ba bohlale le ba masene, le ho e senolela masea a reriloeng pele" ba neng ba rereloe ho e amohela.

<sup>166</sup> Ke ka lebaka leo, shebang ho theoha le mongoaha, enereha Leseli leo le chabela ba bang, ba ne ba Le furalla, 'me ba Le halimisetse hosele. 'Me barutehi ba baholo le baprista bao ba baholo ba emeng mono, borabi ba tsoang ho baruti ba baholo le balaoli, joaloka ba fapaneng, joaloka Nikodema le bao, monna ea koetlisitsoeng borutehing, 'me ha a khona le ho E utloisia.

<sup>167</sup> 'Me kantle mono ho eme baprista bao ba baholo, le borabi ba neng ba rutehile Lentsoeng leo. Khele, ba ne ba Le tseba,

ka kelello! 'Me O itse, "Le bana ba ntata lona, liabolosi, 'me le tla etsa mesebetsi ea hae." E nahaneng, banna ba halalelang, le ke ke la ba supa ka monoana nqa efe bophelong ba bona, kapa bophelong ba ntat'a bona, kapa bophelong ba ntatemoholo oa bona, kapa bophelo ba ntata-ntata-ntata-ntata-ntata bona moholo. Haeba ba entse, ba ne ba eshoa ka lihlong, ba ne ba bolaaoa ka ho tlepetsoa ka majoe. Empa Jesu ke enoa o eme, a bitsa sehlopha seo, "mphi ea batemona," batho ba barapeli.

<sup>168</sup> Joale, oh, tšenolo e kholo joale! Joale ho khutlisa lesika la Oona, ho khutlisa... Joale, Oa na oa lokela ho ba lumella ho lahleha. Le a e utloisia na? Oa lokela ho ba lesa ho etsa sebe, ho ba lesa ho ikhethela ka bolokolohi... O—O ke ke oa ba etsisa sebe, 'me oa lula e ntse e le Molimo, le ho ba otlela seo O ba etsisitseng sona.

<sup>169</sup> Empa mohla O neng o etsa motho molekoane oa Oona, le ho lesa motho ho ikhethela ka bolokolohi, le a bona, le lona O le behile hona moo kajeno. Le a bona? Le a bona? U ka itšoara ka boithatelo ba hau; u motho ea lokolohileng ho ikhethela. Ka hona, ka baka leo, efela ha O behile ba pele joalo, O loketse ho beha ba bobeli joalo, O loketse ho beha e mong le e mong joalo, ho seng joalo O sebelitse ka phoso khetlo la pele. Le a bona? Empa bohle ba behiloe holim'a motheo o tšoanang.

<sup>170</sup> Joale hlokamelang, ho khutlisetsa seo; le ho lumella motho eo ho etsa hoo, ka ho tseba hore o tla e etsa, ho tseba hore o tla e etsa. Empa e ile ea etsa'ng? E pepesitse semelo sa Oona joaloka Mopholosi. 'Me morero 'ohle ka hona o setse ka ho Jesu Kreste, ho ba... Molimo ka Sebele oa ipelesa kotlo ea molao oa Oona ka Sebele, lefu, ho shoa, ho lopolla mosali ea neng a lahlehile ka ho Mo latola.

<sup>171</sup> Mohla Eva a ne a tloha Lentsoeng, o ile a tloha ho molekane oa hae. 'Me ha kereke e tloha Lentsoeng, ho ea mokhatlong oa bolumeli, e a latola 'me e feba le lefatše la bohlale ba motho, e latola boholo ba Lentsoe la Molimo. Na e utloahala e hlakile? [Phuthetho e re, "Amen."—Mohl.] Bibele e boletse, "Ho etsa bohlola ba moea." Lentsoe lefe ka Bibeleng, le latoloang, kapa haeba Le toloko ka boithhalosetso ba motho, ruri ke hona hona ho hanela le ho feba khahlano le Molimo e leng Monna oa hau. Sehlola hase kene 'Musong oa Leholimo le ka mohla, re tseba seo. Le a bona? Joale, le a bona, ke seo Eva a se entseng qalong.

<sup>172</sup> Joale hlokamelang hape, joale, morero oa Oona o menahaneng hararo ke ofe? Ho Iponahatsa ho Jesu Kreste; ho kena 'Meleng, ka Jesu Kreste, ho inkela maemo a pele; ho (eng?) khutlisa Edene hape, ho busetsa se lahlehileng. E ne e le eona feela ntho e tsoileng taolong. Lintho tse ling tsohle tsa Oona li ne li lutse taolong.

<sup>173</sup> Empa Oa lokela ho lumella, ho beha motho ho ikhethela ka bolokolohi, ho tlola, hore E tle e be Mopholosi, ho bonahatsa se

leng ka Eena, le a bona, bokhethehi ba Oona ba Mopholosi. Ntho e ne e tlamehe ho lahleha. 'Me eona ntho eo, ea hore motho eo tlole 'me a lahlehe, ebile O fetoha Mopholosi oa seo, ho ipelesa molao oa Oona ka Sebele. 'Me O ke ke oa e phethisa joaloka Jehova eo e moholo ea neng a tlatsitse sebaka sohle, nako; le a bona, O ne o ka sitoa ho e etsa. 'Me Oa lokela ho fetoha Motho. 'Me Oa fetoha moha'bo motho ea lahlehileng, amen, 'me oa fetoha Monna: Molimo, o entsoeng nama!

<sup>174</sup> Alleluia! Le nahana hore ke roalehile; empa ha ke joalo. Ntho e leng ka hare!

<sup>175</sup> Molimo o ile oa fetoha, ho tsoa ho Molimo, ho fetoha 'na, ho Ipelesa sebe sa ka, O tle o nketse Oona, amen, morao morerong oa Oona o moholo oa bara le barali ba Molimo, hoba Ke Ntate Rabosafeleng. Bokhethehi boo bo ne bo ahile ho Oona, le a bona, ka baka leo hoo ha na ha lokela ho bonahatsoa.

<sup>176</sup> Joale na le bona morero o menahaneng hararo? Le a bona, ho Itlhalosa, O batla ho ba... Joale, e—e lefatše le lahlehile, joale O tlameha ho Itlhalosa ka ho Motho, ho fetoha Mopholosi, ka poelano ea Mali a tsoang sefapanong sa Oona. Joale, O ne a tlamehe ho fetoha seo, ho shoa, ho pholosa le ho Ikhutlisetsa ka har'a Kereke, ho ithuela maemo a pele Kerekeng ea Oona.

<sup>177</sup> Joale le hopole, e ke ke ea khona, 'me ha e ka ke ea khona, 'me e ke ke ea hlola le ka mohla, 'me ha e-so be joalo, ho ba mokhatlo oa bolumeli! O lokela ho ithuela maemo a pele, 'me Ke Lentsoe. Amen! Ebe tumeloana efe e ka entelo ka Mono joang? Ke a... e fetola kereke seotsoa, ho nka mantsoe a monna ofe a tumeloana efe ea mokhatlo oa bolumeli. E tšoauoe ka potlako, ho Tšenolo 17, e le seotsoa le lihlola; Kereke ea Roma e Katolike e le seotsoa, 'me Maprotestanta e le lihlola. E hlakile ruri joaloka ha motho ofe a ka e bala. Re haotse Mengoaha ea Likereke, 'me le ka bona hobane linthong tseo—liteiping tseo haeba le li batla. Hantle feela. Ka hona, ntho efe e ikhomahanyang le tumeloana ka thoko ho Bibele, ke seotsoa mahlong a Molimo. 'Me ho entsoe se entsoeng ke Eva; ho tloha Lentsoeng, e leng Kreste. Oh, khili! Ho lokile.

<sup>178</sup> Joale re bona sephiri sa Oona seo esale O se patile mohopolong oa Oona pele ho motheo oa lefatše. Joale na le ka rata ho bala lethoana ka taba ena? Ha re e baleng feela. Na le na le nako e ngata? [Phutheho e re, "Amen."—Mohl.] Re tla—re tla e bala. Joale ha re phetleng bohole, ho bala hang feela, le hona, Bukeng ea Baefese, 'me ha re qaleng ho—ho khaolong ea 1 ea Baefese, ho bala. 'Me joale e re thuto ea sekolo sa Sontaha e sa tsoela joale, ponahatsong ena e menahaneng hararo ea Kreste, ha re baleng.

*Ke le Pauluse, moapostola oa Jesu Kreste ka thato ea  
Molimo, . . .*

<sup>179</sup> Joale hlokomelang, ha e a lebisoa lefatšeng, empa:

*... ke ngolla bahalaleli ba Efese, le ho ba lumelang ho  
Kreste Jesu:*

<sup>180</sup> U kena joang ka ho Kreste Jesu? Ka ho kena kereke? [Phuthetho e re, “Che.”—Mohl.] Ka Tsoalo! “Ka Moea o le mong,” 1 Bakorinthe 12, “bohle re kolobeletsoa ‘Meleng o le mong.’ Le a bona?

<sup>181</sup> Ho lokile, ke bona bao a buang le bona. Taba eo ha e a lebisoa lefatšeng le kantle. Re ke ke ra bua le moetsalibe ka taba ena, hoba a sa tsebe letho ka eona. Pauluse o ne a sa e ngolla baetsalibe bafe. O itse, “Taba ena e lebositsoe ho bao—bao—seholpha seo mono se leng ka ho Kreste Jesu.”

*A le ke le neoe lona mohau, le khotso, ke Molimo Ntata rōna, le ke Morena Jesu Kreste.*

*Ho bokoe Molimo, Ntata Morena oa rona Jesu Kreste,  
o re hlohonolofalitseng ka mahlohonolo ‘ohle a moea (ho  
kiae?) libakeng tsa leholimo ho Kreste:*

<sup>182</sup> “Libaka tsa leholimo.” Oh, ekare nka be ke fumane nako! Ke e tšoaille hantle mona Bibeleng ea ka, mabapi le libaka tsa Leholimo, libaka tsa Leholimo ke eng. *Libaka tsa Leholimo*, nakoana feela, ke “maemo a molumeli ka ho Kreste,” le a bona, “moo molumeli a emeng teng ka ho Kreste,” libakeng tsa Leholimo.

*Kamoo o re a re khethileng kateng... (mamelang  
ka hloko)... o re khethileng ka oona ho eso theoe  
lefatše,...*

<sup>183</sup> O re khethile neng? “Pele ho motheo oa lefatše,” mehleng ea sephiri sa Oona se seholo se patiloeng, lekunutu la Oona le leholo.

*... O ne o re khethe ka ho Kreste ho eso ho theoe  
lefatše, hore re tle re halalele ‘me re hloke sekoli pel’  
oona (eng?) leratong:*

*Haele moo (eng?) o ne o re rere pele ho beoa bana ka  
Jesu Kreste ho oona, ka boithatelo ba thato ea oona,*

<sup>184</sup> “Ho reroa pele!” Sephiri ke seo. Eena, pele Kreste kapa ntho efe feela e fihla lefatšeng, le bona sephiri sa Oona se seholo, hore O khethile Monyaluoia. Ka ho tseba Eva a ne a tla tlola, ho se lumele Lentsoe, ka ho tseba hobane o ne a tla tlola; empa O ne a tla khetha Monyaluoia ea sa tl’o oa, ea neng a tla tiisetsa Lentsoe leo ho sa tsottelehe seo lefatše lohle le se buang ka Lona. Ba ne ba tla tiisetsa Lentsoe leo! Ba ne ba reroe pele ho ema mono, “ho beoa bana ka Jesu Kreste,” ho rera Kereke pele o beoa boemong boo bo boholo, bo tlotlehang!

<sup>185</sup> Joale na le bona lekunutu la Hae? Ho etsa’ng? Ho khutlisa Eva ea tlotseng, joalokaha e ne e le seriti sa Kereke. ’Me joale hlokomalang, joalokaha ha Molimo o ne o bula lehlakore la Adama le ho ntša Eva, ka nama le mali a hae ka sebele; le ho arola

moea oa hae ho tloha ho botona le botšehali, ho ea ho botšehali, le ho o bea ka ho Eva. Ho nka lehopo le tlas'a lehlakore la hae, le ho etsa Eva ka lona; le joalo Molimo o entse hona hoo, ho ntša lehlakoreng la Kreste, Mali le metsi. 'Me Kreste ke Lentsoe, le ho nka Lentsoe le ho bopa Kereke ea Oona, Eva; le a bona, ho khutlela ho Oona hape, ho lopolloa ka Mali a tsoileng 'Meleng oa Hae. Le a bona joale? [Phutheho e re, "Amen."—Mohl.]

<sup>186</sup> Sephiri se seholo sa Molimo joale se ntse se senoloa, esale se patiloe haesale ho theoa lefatše, empa oa se tšoantša tsela eohle ho theosa. Joale hlokamelang, re fumana seo, hore O—O entse seo. 'Me mona ho Baefese, le libakeng tse ling tse ngata, empa hoo ho tla le neha ho lekaneng... Joale, ho theosa le mengoaha, esale O ntse o manolla sephiri sena butle. Na le ka bona joale? Joale, tlase ho theoha le...

<sup>187</sup> O entse joang...? Ho etsahetse'ng seriting joale? O ile a phetla lehlakore la Adama ho nka karolo ea nama ea hae, eona e ne e le Adama, ho etsa Eva. Monyaluoa eka khona e be Lentsoe, hoba Oona ke Lentsoe. A ke ke a ema holim'a litumeloana. A ke ke a ema holim'a phutheho ea bolumeli. A ke ke a ema holim'a boitšoaro bo botle. O tlameha ho ema holim'a Lentsoe le inotši, hoba Ke karolo ea Lona. O ntšitsoe ho Kreste. Le a bona?

<sup>188</sup> 'Me ho ba le bonnete, ho re, Hloibili eohle joale: Luthere e ne e le karolo, Wesley e ne e le karolo, baporofeta e ne e le karolo. Haeba bona—e se karolo... Feela tšenolong eo ba neng bopa ka eona, 'mele, maoto, menoana ea maoto, matsoho, le joalo-joalo, ho fihlela Hlooho (etsoe re tla e finyella metsotsong e 'maloa), le a bona, hoo ho etsa Hloibili eohle. Ke 'Mele oa Lentsoe, e leng Kreste. Amen!

<sup>189</sup> Ka ntle ho Hono, u lahlehile. Ha ke tsotelle ho loka ha hau hakae, kapa kamano ea hau ke efe, kapa setsoalle sa hau ke sefe, kapa mokhatlo oa hau ke ofe, u lahlehile, ka ntle le hore Lentsoe leo le be ka ho uena.

<sup>190</sup> "Ekareha le lula ho 'Na, Lentsoe, Lentsoe la Ka le lula ho lona, le ka kopa seo le se batlang," hobane uena le Lentsoe le a tšoana. O nkile maemo a pele. O ithuetse puso. U a—u motšoaruoa ho Oona. Lefatše le shoele. Ha u sa na letho hape... U bona batho ba bang bohile ba iphelela a mokhoa oa bona, empa uena ha u e etse. U motšoaruoa. U jere joko le Eena. "Joko ea Ka e bobebe." Ho jara joko le Kreste, ka Lentsoe la Hae. "Ke etsa feela seo... se khahlisang Ntate. 'Me ekareha le sa lumele hobane Ke Eena, lumelang Lentsoe." Ka ho phethahetseng! Hlokamelang.

<sup>191</sup> Lemohang joale, ho theosa le mengoaha, O 'nile a ntša taba ena butle-butle, ho manolla sephiri butle, ka baporofeta le ka lipapiso. Joale re ka tloha feela ra ea ho eona, 'me, ho Itlhalosa.

<sup>192</sup> O Itlhalositse ka ho Moshe. Shebang Moshe. Ho tsoaloa nakong ea lihloriso tsa bana. O ne a tsoaletsoe ho ba moloaneli.

O ne a patoe lihlahleng, joalokaha Jesu a ile a theoleloa Egepeta. A tsoa. A nyolohela thabeng, a khutla le melao.

<sup>193</sup> Jesu o nyolohetse thabeng, therø ea Hae ea pele, Thuto ea Thabeng, a khutla a theoha ka melao. “Le ba utloile ha ba bua, bao ba mehleng ea khale, ‘U se ke ua feba.’ Na Ke re ho lona, ea talimang mosali, ho mo lakatsa, o se a febile.” Moabi-Molao, Moprista, Morena, Moetapele, hantle feela!

<sup>194</sup> O Iponahalitse ka ho Josefa, ea tsoetsoeng hara phutheho ea bolumeli, baena ba hae. Ba mo hloile, ntle le lebaka, hoba e ne e le motho oa moea. O bone lipono. Molimo o e-na le eena. O khonne ho koaholla litoro. ‘Me banababo ba mo hloea. O ile a rekisoa ka bony-... ke banababo, ka lichelete tse ka bang mashome a mararo tsa silifera. Hantle feela joalokaha A rekitsoe ke Judase Iskariota, e mong oa bana Habo, ka likotoana tse mashome a mararo tsa silifera. A liheloa lemeneng ‘me a lekanngoa a shoele. Ke hantle. Ntate le bao ba bolelloa hoba o shoele. Hore o lahletsoe ka sekoting sena; ho nyolloa, ho ea letsohong le letona la Faro.

<sup>195</sup> Ka sekoting, kamoo a kileng a hlrisoa mono! ‘Me—‘me ho bolokehile ba babeli... Moqhatsetsi le moapehi, e mong oa bona a timela athe e mong a pholoha, ke rialo. ‘Me e—e moqhatsetsi... E mong oa bona a timela athe e mong o bolokehile. Joaloka sefapanong, mohla A ne a le tlung ea Hae ea chankana, A thakhisitsoe sefapanong ka baka la libe tsa rona, a fetoha Motšoarua, lesholu le le leng le timetse athe le leng la bolokeha. Le a bona, hantle feela.

<sup>196</sup> Eaba o lula letsohong le letona la Faro, khosi eo a kileng a e lora, a kile a bona pono e reng o tla lula maotong a khosi, ‘me a fuoa boholo bohole Egepeta. Pono ea hae e ne e loketse ho phethahala. E ka ba o ‘nile a e hlahluba, khafetsa, a sa le ka—ka chankaneng eo tlase mono. Litelu tsa hae tsa hae tsa hola, le joalo-joalo, empa a e hlahluba. Ka tsatsi le leng pono ea hae ea tlameha ho phethahala.

<sup>197</sup> Leha e ka lieha, e tlameha ho etsahala! Joalokaha ke buile maobane bosiu, kapa bosiusing bo fetileng, Laboraro bosiu mona tšebeletsong. Le a bona, e tlameha ho etsahala. Ha Molimo o rialo, e tlameha ho etsahala. Ke moporofeta ea netefalitsoeng, ‘me e tlameha ho etsahala, hoba ke Lentsoe la Molimo.

<sup>198</sup> ‘Me Lentsoe le tla ho moporofeta feela. Lentsoe *moporofeta* le bolela “mosenoli oa Lentsoe le Khethehileng le ngotsoeng,” joalokaha le e etsa ho “senohe,” le a bona, kapa “seboni.” Hlokomelang. ‘Me seboni, ka mokhoa, eo le mo tsebang a bolela esale pele, o netefatsoa ka Khalalelo ka ho bonelapele, ‘me e a etsahala. “Ekareha e mong e leng moporofeta, a le bolella lintho tse itseng tse tla etsahala. ‘Me ekareha e sa etsahale, le se ke la mo utloa. Empa ha e fela e etsahala, joale Ke na le eena. Le mpe le mo tšabe, hobane Ke na le eena, le a bona.” Ke hantle feela.

Netefatso ke eo, ke hona moo le tsebang ha e le 'Nete kapa e se eona.

<sup>199</sup> Molimo o buela o bua ka Lentsoe la Oona, ho batho ba Oona, ka batho. Le a bona, Molimo o bua feela ka motho. "Ke 'na sefate sa Morara, lona le makala." Ha se Morara o beang tholoana. Makala a bua, a beha tholoana ea Morara. Hlokamelang, haesale ho le joalo.

<sup>200</sup> Joale re fumana Josefa, ke hona, ho se motho ea ka amang kapa ho tla ho Faro haese ha a bone Josefa pele. "Ha ho motho ea ka tlang ho Ntate, haese ka Mora feela." "Me enereha Josefa a tloha teroneng, ba letsa literompeta, "lengole le leng le le leng la khumama! Josefa o a tla!"

<sup>201</sup> Khanya! 'Me ka tsatsi le leng lengole le leng le le leng le tla khumama, le leleme le leng le le leng le tla bolela, mohla A tlohang Teroneng ea Ntate oa Hae, le a bona, ho tla. E mong le e mong o tla Mo paka e le Mora oa Molimo. Lona le tla . . . E se e le morao haholo mohlang oo. E etseng hona joale.

<sup>202</sup> Joale re a eleloa ka lipapiso, re ka nka esita le Davida, joalokaha ke buile nakoana e fetileng, ea tlohang teroneng ea hae, a khesitsoe ke batho ba habo; a nyoloha thaba eona eo, Thaba ea Mehloaare, a ntse a ea chankaneng ea hae. O ne a ea tlung ea hae ea chankana hobane a ne a khesitsoe ke banababo le batho ba habo. A nyoloha, a ntse a lla. Oo e ne e le Moea oa Kreste ka ho eena, ho khesuo, mohla a ne a shebile holim'a Jerusalema 'me a lla, le ho re, "Jerusalema, Ke ratile hakae . . ." Morena ea khesuoeng. Lilemo tse makholo a robeli hamorao, Mora Davida a ema holim'a Jerusalema, holimo mono holim'a Jerusalema, 'me a latotsoe, a llela Jerusalema, le ho re, "Joale hora ea hau e tlide." Ke hantle. Le a bona?

<sup>203</sup> Lintho tseo tsohle li ne li Mo bapisa, ka papiso feela, empa koana sephiri se ne se patiloe. Banna bao ba ne ba sa tsebe seo ba se etsang. Ba itsebile feela ba ne ba tsamaisoa ke Moea ho etsa tse ling. Joale, ho e koetla matsatsing a qetelo, bakeng sa tšenolo e kholo. Empa, ho e lhahisa, ho Itlhalosa ka ho Moshe, le Davida, le Josefa, le Elia, le ho theoha joalo. Uena . . . re be re ka nka e mong le e mong oa baporofeta bao, le ho hotolla maphelo a bona le ho e bontša e hlausitse Jesu Kreste ka ho phethahala, hantle. Koana, feela ho se abe sephiri sa Hae ka botlalo; ho emela ho se tsebahatsa matsatsing a qetelo joalokaha A tšepisitse, ho emela hore se utloisisoe ka botlalo, le a bona, pele O ka se hlausitse. Holane Oa bolela ntho eohle . . .

<sup>204</sup> Hobane, Bibele e ngotsoe ka liphiri. Jesu o lebohile Ntate ka eona, le a bona, haele moo E ngotsoe ka liphiri.

<sup>205</sup> Joale, ho Tla ha Morena ho ka sephiri. Ha re tsebe mohla A tlang, kamoo A tlang kateng, empa re a tseba O tla tla. Le a bona? 'Me le liphiri tsohle tsa Molimo li ne li emetse letsatsi lena la ho qetela. Ka mora hoba se phethehe, ke mohla O senolang le ho

bontša seo A se entseng. Oh, khili! Ha O a ka oa hlahisa sephiri sa Oona ka botlalo.

<sup>206</sup> Ho tjena feela, ho bapisa Litiiso tse Supileng Joale, mohla Molimo o ne o sebelisa Martin Luther bakeng sa ho tsoa ha kereke eo ea pele kapa mongoaha oo oa kereke, 'me mohla O neng o sebelisa John Wesley, 'me O ba ntšitse butle-butle, 'me o ne o senola ka ho bona mongoaha oa kereke eo. Ha re . . . ha e khutlela morao e haola le Bibebe joale le ho fumana. Empa matsatsing a ho qetela, lebaka leo e neng e le ntho ea tonana hakana, ke hore O buile ka eona mona le ho bontša Lialuma tse Supileng tseo. 'Me Look le Life ma- . . .

<sup>207</sup> *Life* magazine ea ntano hlahisa Selikalikoe seo sa Leru le Leseli mono leo ba sa khonang ho le utloisia, 'me le joale ha ba tsebe. Empa mona ho bolela, "E-ea mono u emele liphiri tsena ho senoloa," 'me mona ke likhoeli pele e etsahala, 'me eaba e etsahala kamoo A e boletseng hantle e tla etsahala. Na le hlokometse setšoantsong seo? Esita le Lengeloi leo ka ho le letona, ha le ne le hlahi, theoha, mapheo a lona a le morao 'me hlooho ea lona e sokoletsoe ka mathoko, ke eo hantle *mono* setšoantsong, hantle feela. Likhoeli pele e etsahala, ho boleloa mona, ho re, "O tla phutha 'Mele oa balumeli 'moho; ho senola, ho thonaka lintlha tseo tse lahlehileng."

<sup>208</sup> Luthere ke enoa a hlahella, a rera tokafatso feela, ho batolaka feela mongoaheng oo. O ne a sa tsebe hore mongoaha ke ofe. Wesley ke enoa a fihla, 'me a batolaka mongoaheng oa hae a feta. Le a bona? Maqhetsoana a mangata a tsoile ho ona, ha hlahi likereke tse ling. Eaba mona ho fihla Pentekosta, ea otlaka joalo, 'me ba hlaphisa 'me ba khutlela hantle lefung hape; joalokaha re tla fihla ho eona metsotsong e 'maloa, ho khutla hantle ho kena "lefung."

<sup>209</sup> 'Me ho ntoo fihla tšenolo ea sephiri, ho senola sohle seo esale e le sona. Moo, lithutonyana tsena, joalokaha Luthere a tsoile ka katekisima le ntho eohle ese; 'me Wesley a tlisa *sena, sane*, le se *seng*, le lintho tsena tse ling; 'me eaba Pentekosta e tlisa mokhatlo ka ho tšoana feela, le "Ntate, Mora, Moea o Halalelang" kolobetso, le lintho; ba sa tsebe hofe ho fapaneng, hoba . . . Le ho khutla hape matsatsing a qetelo le ho thonaka liphiri tsena tsohle le ho e hlahosa ka ho hlaka, ho e senola. Hobaneng? Ntho eohle ke matsatsi a ho qetela mohla sephiri sena se seholo seo Molimo o neng o se bolokile pelong ea Oona se senoloang.

<sup>210</sup> Na le a e fumana? [Phutheho e re, "Amen."—Mohl.] Ha le ka hloleha, khutlelang teiping ena hape. Ha ke tsebe hore ke qeta nako e kae le lona. Hopolang, ena ke 'Nete, ea HO RIALO MORENA. Ke 'Nete. Ke Lengolo.

<sup>211</sup> Joaloka liphiri tse supileng tsa Litiiso tse supileng tsa ho qetela, liphiri tsa tsona. Litiiso li ne li se li manolotsoe, 'me

mongoaha ka mong o ne o theohile, 'me mono ba siile lintho tse ngata li hasane. 'Me Molimo, o ne o sa rate hore Se hasane, O a khutla le ho thonaka lintho tseo, lithuto tseo ba li qalileng, le ho e hlahisa le ho senola ntho eohle. O etsa ntho e tšoanang joale ka ho senola sephiri sa Kreste, kamoo E neng e le morero oa Molimo o menahaneng hararo bakeng sa Kereke! Oh, khili! Ho Mo ntša. Senola!

<sup>212</sup> *Senola*, Webster o re, ke ho “Tsebahatsa. Ho tsebahatsa, 'me, haholoholo,” Webster e re, “ka 'Nete e Mokhethoa,” *tšenolo* eo e bolela hoo. Tšenolo, ke mokhoa oa Kreste ho Itsebisa Kereke ea Hae.

<sup>213</sup> Joale re tla re, “Joale, Moena Branham, u mpa u bua taba ena feela.” Joale, re ke ke ra re, ho *bua* sena feela.

<sup>214</sup> Joale hlokamelang, O ile a Itsebisa ho Petrose. Joale haeba le batla ho tšoaea sena, 'me re... Haeba le batla ho e bala, re tla—re tla e bala, ha le batla, ho Santa Mattheu 16:15 le 17. Ke tla e qotsa. Mohla ba tsoang Thaba Phetoho, O re, “Ke le Mora motho batho ba re Ke mang?”

<sup>215</sup> “Ba bang ba re, oh, ba hopola U le ‘Elia,’ athe ba bang ba re U ‘e mong oa baprofeta,’ ‘Jeremia,’ kapa ba bang ba bona.” Empa e ne e se seo A se botsitseng.

<sup>216</sup> A re, “Lona le re Ke mang joale?” Joale ke eo Kereke eo A buang le eona. Le a bona?

“Batho ba re Ke mang?”

<sup>217</sup> Kajeno, “Ke mofilosofi; bolumeli bona ba sechaba. E ne e le monna ea lokileng. Re a lumela thuto ea hae e nepahetse. Ke temana eo ho ka pheloang ka eona. Ke kholoa e ka re ntlafatsa bohole, hola re ka e phethissa. Re lokela ho ba le likereke tsa rona, tsa rona—tsa rona joalo-joalo.” Eo ke Santa Klause, joaloka pale ea Santa Klause.

<sup>218</sup> Ha se litlhaloso tsa kereke e itseng hore re tlameha ho hlalosa ntho e itseng. Ke bophelo boo u sa ipheleleng bona, empa O kena ka ho uena le ho Iphelela, 'me uena u ba motšoaruo; nqa bohlalefi bofe ba kelello ea motho ho hang. U tsamaisoa ke Moea. 'Me u tseba joang?

<sup>219</sup> Joale, u re, “Nka tseba hore ke ne ke lahleheloa ke kelello ea ka. Ekaba motho ea lahleheloang ke kelello o etsa joalo.”

<sup>220</sup> Empa haeba u ruile mohopolo oa Kreste, Kreste o Itlhalosa ka uena, ho bontša hore ke Eena 'me e seng... ha u a lahleheloa ke kelello.

<sup>221</sup> Batho ba bang, tlasa thetso le lintho, baa tsoa 'me ba hlanya. Be, hoo, re a tseba hoo ho fosahetse. Eo ke liabolosi ea lekang ho etsisa ntho ea makhonthe pele e fihla mona, le a bona, kamehla ke moshaqane. Le a bona?

<sup>222</sup> Empa monna oa makhonthe o lokela ho lahleheloa ke menahano ea hae le mohopolo oa hae! Ha se ho nyoloha ka ho tlatselela joalo. Che, monghali. U nyoloha ka lithokutlo tsa hau tse hlaphohetsoeng, 'me Kreste o a u hapa a ntoo Itlhalosa. 'Me joale, ho lefatše, u lehlanya la motho.

<sup>223</sup> Joale, haeba u hlanya, u hlile u a hlanya, ke moo ho seng letho... liabolose a ke ke a u hapa ka botlalo. O tla u etsisa sohle se khahlano le Lentsoe lena.

<sup>224</sup> Empa ha Kreste a u hapa, O tla hhalosa Lentsoe leo ka uena hantle, hoba ke Eena. Ke Lentsoe! Le a bona? 'Me ke moo u ka bonang ponahatso ea Kreste. E seng sethetsa-kelello sa mofuta, empa Kreste oa sebele oa makhonthe ea Itlhalosang ka uena hantle. E ntle hakakang!

<sup>225</sup> Joale hlokamelang. O itse, "Lona le re Ke mang?" O ntse a botsa Kereke, ba Hae ba leshome le metso e 'meli. Har'a limilione tsa letsatsi leo, O botsitse ba leshome le metso e 'meli, Kereke ea Hae.

Ho limilione matsatsing a Nohe, O botsitse ba robeli. Uh-huh. Le a bona?

<sup>226</sup> 'Me O itse, "Joaloka mehleng ea Nohe, ho tla ba joalo ho tleng ha Mora motho, le a bona, moo ho bolokehileng meeaa e robeli."

<sup>227</sup> Ha ke re ho tla bolokeha ba robeli joale. Joale le se ke la fosa seo. Ha ke eso rialo le ka mohla. Ha ke tsebe ba tla ba bakae, ba tlang ho bolokeha nthong eo, oo ke e... motsotso oo oa ho qetela ho—ho Hloibila sehlotšoana seo. E tla ba sehlotšoana, mono ke tla le bolella. "Hobane monyako o patisane, le tsela e tsesane, empa e tla fumanoa ke ba seng bakae."

<sup>228</sup> Empa mohla ho nyolohang 'Mele o moholo o rekiloeng mengoaheng eohle, ho tla ba le terone e kholo mono! Tšenolo 7 e hhalosa seo, "Palo e kholo, eo ho seng motho ea ka e balang," esale e nyoloha mengoaheng eohle, bao ba tsamaileng Leseling la Bibele latela kamoo ba neng ba Le senoleloa. 'Me joale re a tseba Wesley o ne a fupile Leseli le fetang la Luthere. Re a tseba Pentekosta e phatsimme ho feta Wesley. Le a bona? Ruri, e etsa joalo.

<sup>229</sup> Hobane, e ile ea lokolla hanyane-ka-hanyane, joaloka ha e entse ho theoha le baporofeta, le ba joalo, ho fihlela e tsebahatsoa ka botlalo, "Bomolimo ka 'mele ho Kreste."

<sup>230</sup> 'Me joale Kreste ka har'a Kereke o ntse a tsebahatsoa feela. Ntho eohle ke tšenolo ea Molimo, ho khutlisetsa Eva maemong a hae a nepahetseng hape le Monna oa hae. Hlokamelang, 'me Molimo ke Monna oa Kereke, 'me Kereke ke Monyaluoaa Hae.

<sup>231</sup> Joale, Petrose, ha a arabela, o itse, "U Kreste, Mora Molimo o phelang."

<sup>232</sup> Joale hlokamelang. "U lehlohonolo, Simone Bar-Jona," ho re, ho bolelang, "mora Jona." Le a bona? "U lehlohonolo, hobane

nama le mali ha li a u senolela Sena. Ha u a ithuta Eona sekolong sa mofuta. Empa Ntate oa Ka ea Leholimong o u senoletse Eona.” Hlokamelang seo A se buileng ho eena, “Holima lefika lena . . .” Eo ke Petrose, Peo e reriloeng pele ea Molimo e amohetseng Leseli lena, le ho fuoa linotlolo tsa ‘Muso. “Holima lefika lena la tšenolo ea hore Jesu Kreste ke Mang,” Ke Molimo o bonahetseng, ka botlalo. “Holima lefika lena . . .” E seng Ntate, Mora, le Moea o Halalelang; ‘me Eena e le Motha oa bobeli. “Holima lejoe lena Ke tla haha Kereke ea Ka, ‘me likhoro tsa lihele li ke ke tsa E sisinya, le ka mohla li ke ke tsa E hlola.” Le a bona? “Ke tla haha Kereke ea Ka holima lefika lena,” tšenolo ea Jesu Kreste.

<sup>233</sup> Shebang, Kreste ka ho uena hoo ho Mo fetola setsi sa Bophelo sa tšenolo. Le a bona? Bophelo ba Kreste ka ho uena bo Mo fetola setsi sa tšenolo. Kreste, ka Bibeleng, o fetola Bibele tšenolo e felletseng ea Kreste. Kreste ka ho lona u le fetola tšenolo e tletseng ea ntho eohle, le a bona, seo Molimo a lekang ho se etsa.

<sup>234</sup> Tsoalo e ncha ke’ng joale? U ka re, “Be, Moena Branham, Tsoalo e ncha ke’ng?” Ke tšenolo ea Jesu Kreste ho uena ka seqo. Amen! Le a bona? Hase ha u ingolisitse kerekeng, u tsukutlike letsoho, u entse ntho e fapaneng, u thothokisitse tumeloana, u tsepisitse ho phela ka—ka molao oa boitšoaro. Empa Kreste, Bibele, Ke Lentsoe le senoletsoeng uena. ‘Me ho sa tsotelehe seo motho a se buang, se etsahalang, ke Kreste; molisa, moprista, seo e ka bang sona. Ke Kreste ka ho uena, ke tšenolo eo Kereke e ahiloeng holim’ a eona.

<sup>235</sup> U re, “Be, ke Moluthere. Ke Mobaptise. Ke Mopresbeteriene.” Hoo ha ho bolele letho, hoo ha ho bolele [Moena Branham o thanya monoana oa hae—Mohl.] hoo ho Molimo, le letho, hase le ho thanya monoana oa hau.

<sup>236</sup> Ke’ng? Ke Kreste ea senoloang, ‘me Ke Lentsoe. ‘Me ha Lentsoe le senotsoe, Le a Itlhalosa. Le a bona? Oo ke morero oa Molimo bakeng sa Jesu Kreste, e ne e le ho Itlhalosa, ho nka melao ea Hae ka Sebele le ho phela ka melao ea Hae, . . . le ho phethahatsa molao oa Hae, ka lefu. ‘Me Kreste, Molimo, o shoele nameng, hore ho tle ho tsuoe sebe nameng, hore A tle a tlise ho Eena Monyaluo ea tlotlehang, ea lopolotsoeng hape, ea tla lumela Lentsoe la Molimo feela; ‘me e seng ho Le fapanyetsa, joalokaha Eva a entse, bakeng sa mehopolo ea bohlalefi ba motho. Le a e bona? Oo ke mohopolo oa Kreste. Ke mohopolo oa Molimo oo. Tsoalo e ncha e senola sena.

<sup>237</sup> ‘Me motho ha a itlaleha a tsoetsoe labobeli, ‘me a leka ho fetisetsa litšepiso tsena tsa Kreste, matsatsing ana a qetelo, ho mongoaha o mong, ho mo etsa Kreste maobane empa eseng kajeno, e tla ba monna eo kapa motho eo o—o thetsitsoe ke Satane. ‘Me ha monna eo a itlaleha a lumela Hoo, ‘me e sa iponahatse ka eena?

<sup>238</sup> Jesu o boletse, ho Mareka 16, “Mehlolo e tla tsamaea le ba lumelang ke eona ena; ho ea ka lefatše lohle, le ho mongoaha o mong le o mong.” Ho leleka batemona, le ho bua ka lipuo, le—le liponahatso tseña tsohle tse kholo tsa lineo tse neng li tla latela, tseo, “ba tla etsa hoo!” Che, “ba ka khona; ba loketse joalo;” “Ba tla etsa joalo!” ’Me maholimo le lefatše li tla feta, empa Lentsoe la Hae le ke ke.

<sup>239</sup> Ka hona ke Kreste ea Itlhalosang ka motho ka bomong, leha eba a hlalefile kapa a—a sa tsebe di-ABC tsa hae. Halofo ea baapostola ba ne ba sa e tsebe, ke hantle, empa ba ne ba tseba Kreste. Ha ba ka ba lemoha Petrose le Johanne, kahobane ba ba tsebile ba tsoa seminaring ea mofuta. Ba itse, “Ba ba lemohile, ’me ba hlokometse hoba ba tsamaile le Kreste,” mohla ba folisang monna ea holofetseng, le a bona, khorong. Ba tsebile hobane ba—ba tsamaile le Kreste.

<sup>240</sup> Tsoalo e ncha ke Kreste, ke tšenolo. Molimo o u senoletse sephiri se seholo sena, ’me eo ke Tsoalo e ncha. Joale u tla etsa’ng ha u kopanya seholpha seo sohle? moo tšenolo e utloanang ka phethetho, ’me Molimo o e hhalosa ka Lentsoe la Oona ka tsona liketso tseo, tsona lintho tseo A li entseng, ho bonahatsa Lentsoe. Oh, holane Kereke e tsebile maemo a eona feela! E tla khona, ka letsatsi le leng. Ebe moo, Hloibilo e tla thakhoha mohla e tsebang seo e leng sona. Joale hlokomelang.

<sup>241</sup> U re, “Moena Branham, empa seo—ha se . . .” Oh, e, se joalo, hape. Ke ’Nete.

<sup>242</sup> Na le hlokometse? Pauluse ha a tseba Jesu, nameng. Pauluse ha a Mo tseba le ka mohla. Mokhoa o le mong oo Pauluse a Mo tsebileng e ne e le ka tšenolo, ka pono. Na ho joalo? [Phutheho e re, “Amen.”—Mohl.] Pauluse o tsebile Jesu ka tšenolo feela, joalokaha Petrose a entse.

<sup>243</sup> Petrose o ne a ’Mone ka nama, empa ha a Mo tseba ka nama, hoba Jesu o itsalo. “Hase nama le mali tse u senolelang eona. Esita le bophelo ba Ka ka Sebele ha bo a u senolela eona. Empa ke Ntate oa Ka ea Leholimong o u senoletse eona,” hore Ke Lentsoe la Molimo, “me holima lejoe lena Ke tla haha Kereke ea Ka.” Petrose o ne a sa Mo tsebe ka nama. Motho o tsamaile, ’me a Mo ama, le ntho eohle.

<sup>244</sup> Pauluse o ne a tšoere ntho e fetang efe e neng e entsoe ke baapostola. Le a bona?

<sup>245</sup> Ba re, “Be, ke—ke tšoere tšenolo e fetang ea hau, Pauluse, hobane, u a tseba, ’na ke tsamaile le Eena. Ke tšoasitse lihlapi le Eena, tsatsi le leng. Ka Mo utloa a bua. O ile a lula sekepeng le ’na, hantle-ntle a mpolella, ‘Tloo re ee mona ho tšoasa lihlapi sebakeng sena, ’me re tla fumana lihlapi tse ngata.’ ’Me re e entse.’ Le a bona? Le a bona? “Re ’Mone a etsa lintho.”

<sup>246</sup> Empa Pauluse o ’Mone kamora hoba A shoe, ho patoa, ho tsoha hape, le ho Itlhalosa ka har’a Topallo ea Mollo e

tsamaisitseng bana ba Iseraele. Ho tseba... Pauluse, ka ho ba Mojuda, a ka be a sa bitsa seo “Morena” haese a ne a sa bona ponahatso, O ne a khutlile, eena maobane le kamehla. A re, “Pauluse,” ka mantsoe a mang, “Ke oona Molimo oo kajeno oo Ke neng ke le oona maobane. Ke ’na enoa, ka lona Leseli le tšoanang, Topallo ea Mollo eo Moshe a buileng le eona, sehlahleng se tukang.” Ha ho makatse a khonne ho arola molao ho mohau, koana Bukeng ea Baheberu; o kopane le eona Topallo eo ea Mollo. A re, “Ke ’na Jesu eo u Mo hlorisang.”

<sup>247</sup> ’Me ke Enoa kajeno, ka mokhoa o tšoanang, ka eona Topallo ea Mollo, ho Itlhalosa le ho Inetefatsa ka ho tšoana, ho senola sephiri sa Molimo se neng se patiloe haesale lefatše le theoa. Le a e bona?

<sup>248</sup> Pauluse o Mo tsebile feela ka—o Mo tsebile ka tšenolo. Petrose o Mo tsebile ka tšenolo.

<sup>249</sup> O tsamaile le Eena, o buile le Eena. Ka baka leo, u ka tsepama Lentsoeng lena. Joale, ke sa tsoa bolela hore eena E ne e le Lentsoe. Joale, moithuti a ka lula fatše a bala Lentsoe leo a ba a hlamel a kelello ea hau ka mokhoa ofe, le a bona, haeba a batla ho e etsa, hoba o bohlale, o hlalefile. Ho nka moprista oa Katolike, kapa, e seng hoo hakaalo, joaloka moithuti ea khabane, ea koetlisitsoeng Bibeleng. Moena, Mobaptise, kapa Presbeteriene, kapa ho hong, a ka etsa u nahane hore ha u tsebe letho, le a bona, ka mokhoa oa puo. Eng? Le a bona, hobane o Mo tsebile nameng, Lentsoe. [Moena Branham o phathatsa Bibele ea hae—Mohl.]

<sup>250</sup> Empa u ka bolokeha feela ka ho Mo tseba ka tšenolo!

<sup>251</sup> Ha nka tšoara, nka kokosa thuto ea Presbeteriene ka le tlama lona Pentekosta ho fihlela le ke ke la tseba. Nka tšoara thuto ea Baptise ’me ka bontša lona Mapentekosta a milione lintho tseo le sa tsebeng letho ka tsona. Ke hantle, empa eo ha se eona. Eo ha se Kereke ea Hae. Eo ha se Kereke ea Hae.

<sup>252</sup> Kereke ea Hae ke Eena ea senotsoeng, (Amen! Le a bona?) le ho bonahatsoa ke Lentsoe Bolona, hore Ke Molimo. Le a bona?

<sup>253</sup> U rialo joang, “Ntate, Mora, le Moea o Halalelang,” ke hona, le ho kolobetsoa ka eona? Bahetene! Hantle! U ka ipolela u joang u tseba Jesu Kreste, Ke Lentsoe, athe, ha ho Lengolo ka Bibeleng, ha ho sebaka moo motho a kileng a kolobetsoa ka lebitso la “Ntate, Mora, Moea o Halalelang”?

<sup>254</sup> ’Me lona—’me lona batho ba Jesu Only, le sebelisa feela lebitso “Jesu” kolobetsong! Ke tsebana le bo-Jesu ba bane kapa ba bahlano, ka seqo. Na le bona moo liphuthetho tsa malumeli a lona li le isang teng? Ke lona lefifi leo, ponahatso ea Kaine, ea hlahisitseng litholoana sebakeng sa mali. Le a bona?

<sup>255</sup> Empa tšenolo e tlile ka Mali, le a bona, ka Jesu Kreste, E leng Mali a Molimo, Mali a bopiloeng ka popelong ea Maria. ’Me

Pauluse o Mo tsebile ka tšenolo. Re Mo tseba joalo kajeno, le ka Mo tseba ka mokhoa oo feels. Hase ho re, "Ke Momethodise." Seo ha se bolele letho. "Ke Mobaptise." Seo ha se bolele letho. "Ke Mokatolike." Seo ha se bolele letho. Empa ka tšenolo, e reng Molimo o u senoletse Lentsoe! Eena Ke Lentsoe. 'Me Lentsoe, kamoo u tsebang hoba Le senotsoe, Le Iphela le bile le Itlhalosa ka uena. Oh!

<sup>256</sup> Likereke khale li lebetse tšenolo eo e kholo. Ke hantle. Tšenolo ea 'Nete, ba e lebetse. Ba ile ho . . .

<sup>257</sup> Joale, mohla Luther a neng a hlaha, e ne e le monna e moholo. O ne a kakatletse tšenolo ea letsatsi leo. Empa ha etsahala'ng? Ho kene mphi ea bo-Ricky, ka mekuto ea moriri o motsitsa, re ka o bitsa joalo kajeno, le bo-Ricketta, le bao bohle, ba fihla tikolohong eo mono. 'Me—'me—'me, ntho ea pele le a tseba, e teng.

<sup>258</sup> Tlhaloso eo. Holane feelsa—feelsa u tsebile lipalo tsa Bibebe, le ho tseba seo *Elvis* kapa—kapa *Ricky* e se bolelang, ho ea ka Lengolo! Uh-huh. Joalo feelsa, hobaneng Jesu . . . U re, "Ha ho letho nthong eo, lebitsong la hau." Ha ho letho? Lebitso leo le ne le ka hlaha feelsa matsatsing ana a qetelo, bakeng sa batho bana ba matsatsi a qetelo.

<sup>259</sup> Hobane'ng Jesu a fetoletse lebitso la Abrame ho Abrahama, ke hona, Sarai ho Sara? Hobaneng A fetoletse Saule ho Pauluse? Hobaneng A fetoletse Simone ho Petrose, le joalo-joalo? Le a bona, ruri le bolela ho hong.

<sup>260</sup> Lebitso leo le ne le ke ke la boleloa haese ho fihlela letsatsing lena. Ke ka lebaka leo re fumanang ntho ena eohle ea lihele eo re e fumanang lefatšeng kajeno, ka baka la lintho tse joalo. Morabe 'ohle oa batho o bolile. O—o timetse, le a bona, 'me ke ka lebaka leo ho leng joalo.

<sup>261</sup> Hlokamelang joale, o ne a itoketse, o ne a le matsatsing a hae, Luthere, 'me o ne a tšoere tšenolo; empa hang hoba a tlohe, shebang seo ba se entseng. Wesley o ne a tšoere molaetsa; shebang seo e se entseng. Mapentekosta a khale a mesong a ne a tšoere molaetsa; shebang seo ba se entseng. Ba ile ba kopanya sehlopha sa banna, eona hantle ntho eo e . . .

<sup>262</sup> Molimo, ka mohau, o romeletse Israele Topallo ea Mollo, moporofeta, sehlabeled, le ho Iponahatsa har'a bona, 'me oa ba ntša Egepeta, ho tšela Maoatle a Mafubelu. 'Me ba ne ba batlile molao, ba tle ba iphehele batlotlehi ba baholo, ba tle ba khone ho kenya letsoho teng. 'Me ba ile ba etsang? Ba tlohetsoe lehoatateng lilemo tse mashome a mane, ho lelera, 'me ha ho le a mong oa mokhatlo oo ea tšetseng.

<sup>263</sup> Kalebe le Joshua, ba babeli feelsa ba kileng ba ema 'me ba re, "Re khona ho le hapa, ho sheba Lentsoe la Molimo."

<sup>264</sup> E mong le e mong oa bona o shoetse lefeelleng. 'Me Jesu o itse ba timete ka Bosafeleng, hantle, ka mora hoba A bontše mahlohonolo a Hae le matla mengoaheng ea bona; joaloka Luther, Wesley, le joalo-joalo. Na O entse hoo?

Ha thoe, "Bontata rōna ba jele manna feel leng."

<sup>265</sup> A re, "'Me bao, e mong le e mong, ba shoele." Mono, ke ho arohana le Molimo ka Bosafeleng. Litopo tsa bona li timetse lefeelleng. Le a bona? "Ba shoele. Empa ke 'Na Bohobe ba Bophelo bo tsoang ho Molimo Lehelimong." Ha ba khona ho e bona. Ba mpa ba sa khona feels ho e bona.

<sup>266</sup> Ho lokile, khale kereke e e lebetse. Ba amohetse molaetsa oa bohlalefi, barutehi, mangolo a botho, tsebo, sebakeng sa tšenolo ea 'Nete ea Lentsoe.

<sup>267</sup> Joale shebang mona, ba bua kajeno. Na le a lumela Molimo o re laetse ho ea ka lefatše lohle, le ho folisa bakuli, le ho bolela Evangel, le ho leleka mademona? "Oh, oh, e, ke a kholoa ho joalo, empa . . ." Le a bona?

<sup>268</sup> Mofumahali e mong, ea qoqileng le 'na ka letsatsi le leng, o itse, "Be, likereke tsohle li utloana."

<sup>269</sup> Ka re, "Ha ho le e 'ngoe ea tsona e utloanang le e 'ngoe." Makatolike a ne a eme mono. Ka re, "Ho ka thoeng ka lona? Uena u Momethodise athe eane ke Mokatolike, ana le a utloana?" Ka re, "Mopapa enoa o tlie ho ba teanya 'moho, ke ntho e ntle bakeng sa batho bao bohole ba mofuta oo."

<sup>270</sup> Empa Kereke ea Molimo ha e amane le eona ka letho, le letho. E kantle ho sehlopha sohle. Uh-huh. Hantle. E, monghali.

<sup>271</sup> Le batla ho teanya seo 'moho, athe e mong o lumela ho *itseng* le se seng; Methodise e amohela hofafatsa, Baptise e a qoelisoa, 'me bobeli ba latola Moea o Halalelang ka botlalo ba Oona ba matla. Ba itse, "Re amohetse Moea o Halalelang *mohla* re neng re lumela."

<sup>272</sup> Bibele e itse, "Na le amohetse Moea o Halalelang ho *tloha* le lumetse?" Phapang ke eo. Le a bona? Ke hantle. Le a bona?

<sup>273</sup> 'Me ba re, "Rona re kereke ea Katolike. Re qalile mesong. Re entse *senā*." Mamethodise a re, "Re itsetlehile holim'a Bibebe."

<sup>274</sup> Jesu o itse, "Mehlolo e tla tsamaea le ba lumelang ke eona ena." Joale e hokae? Uh-huh. Le a bona? Yaa. "Mesebetsi eo Ke e etsang le tla e etsa le lona," sebopuo se seng le se seng, motho e mong le e mong ea lumelang ho Eena. Joale e hokae? Ao ke Mantsoe a Hae. "Maholimo le lefatše li tla feta, empa Lentsoe la Ka le ke ke la hloleha." Joale e hokae? Le a bona? Oh, e bontše feels!

<sup>275</sup> Ke eng? Ke maemo a lenyalisoa. Shebang mona, ha u nka thootse e kholo ea poone ea lenyalisoa, 'me u nka poone eo ea lenyalisoa, ke poone e ntle. Empa u a e lema, u fumana'ng?

Tlhaka e nyenyane e nyoloha ka mokhoa *ona*, 'me e a sehlefala 'me e a pona e a shoa. Mokhatlo o mong le o mong oa bolumeli o joalo, haeba e le lenyalisoa, ka mantsoe a motho a tsoakiloeng le Mantsoe a Molimo. O tla nyolohela lipontšong le meeka, le seo Jesu a se buileng ka ho lumela Lentsoe, 'me o ntoo sehlefala, le ho re, "Re ke ke ra E amohela," le ho khutla morao.

<sup>276</sup> Joalokaha lihloela tse ling tseo tsohle li entse tsa tšeleta moo le ho sheba Kanana. Ba fihlile mono ba re, "Oh, re tšoana le mehloenyane mabapa le bona! Re ka sitoa ho ba hapa! Baamaleke ba tla, bana bohle, seo ba tlang ho se etsa!" 'Me ba khutlela morao.

<sup>277</sup> 'Me Kalebe le Joshua, erekaha e ne e le bana ba peo, amen, ka Lentsoe la Molimo, ba tsebile hoba Molimo o itse, "Ke tla le neha naha eo." Ba itse, "Re khona le ho hapa ka ho fetisisa!"

<sup>278</sup> E itšetlehile ka hore na u tsoetsoe ho tsoa hokae. Haeba u tsoetsoe ke Lentsoe la Molimo, Lentsoe la Molimo le ithuela maemo a pele ka har'a Kereke ea Oona. Ke seo A se shoetseng. Oo ke morero oa Oona, hore O tle o khone ho finyella, ho ruu maemo a Oona a kapele a sebetsang Kerekeng ea Oona. Ho lumella Lentsoe la Molimo ho chaba, pele, ho sa tsotellehe na ntho efe e shebahala joang. Ha ke tsotelle haeba bahlalefi ba bua *sena*, *sane*, se *seng*, ha se amane le Eona ka letho. Lentsoe la Molimo le boletse joalo, 'me re khona ho le hapa ka ho fetisisa!

<sup>279</sup> "Ha nka rera taba eo kerekeng ea ka," moreri a a mpolella, ho re, "Ke tla be ke rerela litšiea tse 'ne ka kerekeng."

<sup>280</sup> Ka re, "'Na nka li rerela." E, monghali. Lentsoe la Molimo le boletse joalo. Re ka e khona. Molimo o e laetse ho etsoa. Amen!

<sup>281</sup> Oh, yaa, ba itatola ka sena. Le a bona? Ke ka hona ba foufetseng nqa Molaetsa oa nako ea qetelo, matsatsing ana a qetelo, mohla Molimo o Ipakang. Ba leka ho E hlophisa e le sehlopha sa mofuta oa linohe, kapa ntho e itseng, oh, (ebe nka e bitsa'ang?) ntho ea kelello, qhekanyetso, kapa ntho ea mokhalo oo. Le a bona, ba—ba leka ho E etsa ntho eo E seng eona.

<sup>282</sup> Joalokaha ba entse mohla A neng a le mona, mohla Jesu a neng a le mona, ba 'Mitsitse "Belsebule; senohe," joale ba e bitsa ntho e kang ho bala kelello. Le a bona? Athe, ba tseba hore O ne a khona ho ema mono le ho sheba holim'a batho le ho lemoha eona mehopolo e pelong tsa bona. Bibele e itsalo.

<sup>283</sup> Be, na Baheberu khaolo ea 4 ha, e bolele, "Lentsoe la Molimo le matla le bohale ho feta sabole e leolitsoeng ka nqa tse peli, 'me le ahlola eona mehopolo ea kelello"? 'Me Eena e ne e le Lentsoe leo. 'Me ekareha Lentsoe leo le nkile mamemo a kapele ka ho motho, ntho eo boela e etsahala hape, hoba ke Lentsoe! Amen! . . . Bonang kamoo le ka khoptjoang ke sena ho tloha joale ho ea pele. Athe ke eo e hlakile ka phetheho. Le a bona? Ho lokile.

<sup>284</sup> Ba foufetse ke hona, joaloka mehleng ea Kreste lefatšeng. Oh, khili! Ba thekesela ka ho tšoana. Ba itse, “Ke Belsebule. Beel-...” Ba ’Mone a khona ho e etsa, ka hona ba itse, “E mpa e le... O tsoetsoe e le ngoana bonyatsi, lethaka la mofuta o khesehang. O mpa a hlohlioe liabolosi oa mofuta. Ke e—ke Mosamaria mono, ’me o na le liabolosi ka ho eena. Ke ka hona a etsang seo.”

<sup>285</sup> Jesu o itse, “Ke tla le tšoarela hona,” le a bona, ka ho bitsolla Lentsoe la Molimo, mesebetsi ea Molimo, moea o mobe. ’Me A re, “Ke tla le tšoarela hona. Empa mohla Moea o Halalelang a tlileng, ’me lentsoe le le leng khahlano le Oona le ke ke la tšoareloa hona, leha e le lefatšeng lena kapa lefatšeng le tlang ho tla, kapa Letsatsing le leholo leo. Ha e ka ke ea tšoareloa.” Ka hona, le a bona, taba eo e ngoliloe ka ho hlaka Lengolong.

<sup>286</sup> Kahoo mohla batho ba fihla Letsatsing leo, ho sa tsottelehe bohlalefi bo bokakang, le boholo ba phutheho ea bona ea bolumeli, e ahlotsue. Ba tlameha joalo! Ba nyefotse Moea o Halalelang, ho E bitsa “mohalaleli-mothethethi” le ntho e ’ngoe esele e reiloeng lebitso le sa khahleng, kapa ntho e kang eo. ’Me Kereke ea Molimo e ile ea lokela ho e jara ka linako tsohle.

<sup>287</sup> Esita le Pauluse, ka pel’ a Aggripa, o itse, “Ka mokhoa o reiloen ‘bokhelohi,’” bo lekanyang “bohlanya,” “ke ka mokhoa oo ke rapelang Molimo oa bontata rona.” Setsebihali se hloahloa seo sa mothuthi se ne se fihlile maemong ao, “ka mokhoa o bitsoang ‘bokhelohi.’”

<sup>288</sup> Hobaneng? O ne a e senoletsoe. Topallo eo ea Mollo e leketlileng ka pel’ a hae, ha thoe, “Ke ’Na Jesu, Molimo o moholo o neng o le lefeelleng mono le Moshe. Ke Eena, ’me ho thata ho uena ho raha litsenene.”

<sup>289</sup> Eaba Pauluse o eme mono, ho tseba hobane bophelo bo ne bo le kotsing, a re, “Ka mokhoa reiloeng ‘bokhelohi,’ ke kamoo ke rapelang Molimo oa bo-ntat’ a rōna kateng.” E ne e bitsoa joalo. Hobane o ne a senoletsoe seo ’Nete e kholo ea Kreste e neng e le sona.

’Me kajeno, batho ba re, “Ke phutheho ea bolumeli.”

<sup>290</sup> Ke Jesu Kreste, Tsoalo e ncha, e senotsoeng ka ho uena, hore O ruile maemo a kapele, hore A tie a hlalose Mantsoe a Hae. ’Me ntho efe A e tsepisitseng matsatsing ana a qetelo, A ka e phethisa, ka ’Mele oa Hae ha A ntse a sebetsa. Amen! Ke Lentsoe la Molimo hantle feela le bonahatsoang. Hlokamelang. Ho lokile.

<sup>291</sup> Ho tšoana le matsatsing a Kreste, ke Molimo o tšoereng senotlololo sa tšenolo ena ea Kreste, ka Sebele. Na le lumela seo? [Phutheho e re, “Amen.”—Mohl.] Likolo tsa thuto ea bolumeli li ke ke tsa E fumana le ka mohla. Jesu o boletse joalo. Haeba le batla ho e bala joale, ho Santa Mattheu 11:25 le 27. “Ke a U leboha, Ntate, Molimo oa maholimo le lefatše, hobane taba ena U

e patetse mahlo a ba bohlale le ba masene, le ho e senolela masea a batlang ho ithuta.” Le a bona? Le a bona? Ha ke tsotelle . . .

<sup>292</sup> Shebang barutehi bao ba letsatsi leo, Bajuda bao, banna ba khabane haholo, mekhatlo ea bona ea Bafarisi, Basadusi, le Maheroda, le seo ba ka bang sona. Le a bona? Mekhatlohalia ea bona eohle, ’me Jesu o itse, “Le lifofu; le tsamaisa lifofu. Esaia o buile hantle ka lona, ‘Le na le litsebe, ’me ha le utloe; le mahlo, athe ha le bone.’ Hobane, Esaia o buile ka mokhoa ona ka Moeea, ka baka leo Molimo oa Leholidu u le foufalitse mahlo. Le ntse le etsisa Eva, ka ho amohela lehlakore la bohlalefi, ’me ha le tsebe letho ka Moea oa Molimo. Ha ho le joalo, na bohle ba ke ke ba oela ka selomong, moetapele le sefotu, le eena?” Moetapele o tla oela le lifofu, hoba le eena o foufetse. Moetapele o a oela, oa sefotu, ea tsamaisang sefotu, bobeli ba oela selomong.

<sup>293</sup> ’Me ke Molimo o inotši o tšoereng senotlolo sena! O hhalositse hona hoo Lengolong le fetileng mono re balileng teng nakoana e fetileng, mohla A neng a re, “Ke le Mora oa motho batho ba re Ke mang?”

<sup>294</sup> ’Me Petrose a re, “U Kreste, Mora Molimo o phelang.”

<sup>295</sup> A re, “U lehlohonolo uena Simone, mora Jonase. Nama le mali ha li a u senolela sena. Ntate oa Ka ea Maholimong! Holim’ a tšenolo ena mona, e inotši, Ke tla haha Kereke ea Ka. Likhoro tsa lihele li ke ke tsa e hlola le ka mohla.” Le a bona? Joale na le a bona?

<sup>296</sup> Ka hona ha ho sekolo, ha ho bo-rathutamolimo, ha ho thuto tsa Bibele har’ a sekolo sefe, tse tsebang letho ka Eona. Ba ke ke ba tseba letho ka Eona. Ha se ntho e ka etsoang hore ba tseba letho ka eona. Molimo o rebile lithokutlo, ho E tseba, ho qala ka bona baruti ba thontsoeng le ntho eohle esele.

<sup>297</sup> Ke taba ea motho, ke taba ea motho ka bomong, hore Kreste a senoloe ho bona.

<sup>298</sup> ’Me haeba u re, “O senoletsoe ’na,” ’me Bophelo boo Kreste a bo hlahisitseng mona ka Bibeleng, Bophelo bona boo bo ka ho Eena, bo sa Itlhahise ka ho uena, e tla ba u tšoere tšenolo e fosahetseng.

<sup>299</sup> Ha nka entela bophelo ba mokopu ka har’ a bophelo ba sefate sa pere, bo ne bo tla beha maphutše. “Le tla ba tseba ka litholoana tsa bona.” Hantle haholo. ’Me haeba sa pele . . . u hlahisa sefate, sefate sa morara, ’me se beha morara o mongata; lehlomela la pele le behoang, le behile merara, le hlahlamang la hlahisa lilemone, le hlahlamang la hlahisa lipere, le latelang le ntšitse liapole, ntho e teng e hlomathisitsoeng mono, e behang bophelo ba eona. Mokhatlo o mong le o mong o tla beha bophelo ba oona. Empa ha morara oo oa mantlha o ka hlahisa lehlomela le leng, o tla beha morara joaloka ha o entse khetlo la pele.

<sup>300</sup> 'Me haeba Bophelo—Bophelo ba Jesu Kreste bo ntša 'mele o mong oa balumeli, o tla beha tholoana tse behiloeng ke oa pele. Ba tla ngola Buka ea Liketso ka mora oona, hoba O tla be o tšoana, Bophelo bo tšoanang. Le bona seo ke se bolelang? U ke ke ua tloha ho eona. Ke Bophelo ba Kreste ka ho uena, bo entetsoeng ka ho uena, ka Moea o Halalelang ka Seqo o Iphelelang Bophelo ba Oona ka uena.

<sup>301</sup> "Baetaapele ba foufetseng ba lifofu!" Hlokomelang, Molimo o tšoere senotlolo sena, a le mong. Ha ho moithuti oa thutabomolimo ea ka u bolellang; ha E tsejoe. E patetsoe bona. Ha ba tsebe letho ka Eona.

<sup>302</sup> Kahoo likolo, ha u re, "Ke apesitsoe Ph., LL.D," u mpa u etsa feela . . . Ho 'na, 'me, ke a lumela, le ho Molimo le ho molumeli ofe feela oa 'nete, seo se bolela hore u hole hakaalo, u ritselitse morao feela. Molimo ha o tsejoe ka thuto. Ha o tsejoe ka mokhoa oa ho E hhalosa.

<sup>303</sup> Molimo o tsejoe ka ho nyatseha le ka tšenolo ea Jesu Kreste ho motho ea sa tsebeng ho bala ka ho fetisisa le ho ngola. Le a bona? Ha se thutamolimo ea hau. Ke tšenolo ea Jesu Kreste. "Holim'a lefika lena Ke tla haha Kereke ea Ka." Mafika a mang ha a amoheloe, lintho tse ling ha li amoheloe, ha ho lefika le leng la Roma, ha ho lefika le leng la Protestanta, ha ho sekolo se seng, ha ho letho le leng, empa feela hantle holim'a tšenolo ea Jesu Kreste ka Tsoalo e ncha. O tsoalloa ka mono, 'me O entela Bophelo ba Hae ka Sebele, 'me bophelo ba hau bo tsoile. 'Me Bophelo ba Kreste bo itlhahisa ka uena, ka ho inkela maemo a kapele, ho batho; hoo ba bonang bona Bophelo, le mesebetsi, le meeka, le lipontšo tseo A li entseng, bo etsa ntho e tšoanang ka uena. Ka ntle ho moo, tse ling tsohle ha li tsotelloe, ho hang. Shebang tšenolo e kholo ea Molimo ha e phutholoha!

<sup>304</sup> Khaello ea tšenolo ena ke sesosa sa likarohano tsa rona tse ngata hakana tse fapaneng har'a rona, le sesomo se se ngata hakana. Karohano e ngata hakana har'a rona, ke hobane batho ba haelloa ke tšenolo eo. Le a bona, ba haelloa ke tšenolo eo, baruti.

<sup>305</sup> Pauluse, kamora tšenolo ea hae e kholo ea Kreste, o boletse, ho Bakorinthe ba Pele, khaolo ea 2. Etsang bonnete ho e bala le sa ntse le e ngola fatše. Shebang! Oh! O itse, "Ha ke a tla ho lona ka bohlale." Shebang monna eo ea bohlale, kapa, shebang monna ea neng a apesitsoe thuto, "Ha ke a tla ho lona ka mantsoe a mofuta oo." Bakorinthe ba Pele, khaolo ea 2 ea Bakorinthe ba Pele. Oh, e ka re . . .

<sup>306</sup> Be, ha re e baleng feela. Joang . . . Na le ka ema motsots'o 'me re bale temana kapa tse peli feela? [Phutheho e re, "Amen."—Mohl.] Ke kopa ho le bala hore le tle le—le se ke la con . . . Le batho ba teiping ba ka khona ho khutlela ho lona, le hona, ho ba fa monyetla.

<sup>307</sup> Bakorinthe ba Pele, khaolo ea 2. Mamelang moapostola enoa e moholo mona, Pauluse, mohlanka oa Molimo ea hlalefileng. Ha re shebeng mona.

...Nna, Pauluse, *mohla ke tlang ho lona, ha ke a ka ka tla ka puo e khabane...ea bohlale, ea le bolellang bopaki ba Molimo*. Ha ke eso re—ke Ngk. Sekete-kete. Le a bona?

*Hobane ke pheheletse hore ke se ke ka tseba letho le leng har'a lōna, ha e se Jesu Kreste, le hona e le ea thakhisitsoeng.*

*Ke bile har'a lona ka bofokoli, le tšabo, le thothomelo e kholo.*

...*puo ea ka 'me—'me khotatso e ne e se ka mantsoe a hohelang a bohlale ba motho, empa ka ponahatso ea Moea le ea matla...ea matla.*

<sup>308</sup> Ke moo, le a bona, Evangelie ke eo. Le a bona? Jesu o itse, “E-eang ka lefatše lohle le bolele Evangelie.” Ha ho a thoe, “E-eang le rute.” A re, “E-eang le bolele.” Ka mantsoe a mang, “Ho bontša matla, ’me mehlolo ena e tla ba latela.” Ho ruta feela ha ho sebetse. Ho nka Moea oa makoma ka Sebele ho bontša lipontšo tsena. Le a bona? Mamelang sena.

*Hore tumelo ea lōna e se ke ea theoa bohlaleng ba motho, e mpe e theoe matleng a Molimo.*

<sup>309</sup> Oh, khili! Le a bona, ho fetola monna! Ha se ka seo nka le hhalosetsang sona, le ho re, “Ha A tšoane,” athe O a tšoana. Ha nka etsa joalo, se a bontša, ho ’na, se—se... Ehlide, ha monna a mpolella hoo, taba eo e ka mpontša hobane ha a na tšenolo, tšenolo e menahaneng hararo ea Molimo. Le a bona? Joale, ’me...

*Leha ho le joalo ka bofokoli...har'a lona ba phetheleng: leha ho le joalo ha se ka baka la bohlale ba lefatše, empa ba marena a lefatše lena, boo e leng lefeela:*

*Empa re bua bohlale ba Molimo ka hare...sephiri, (le a bona, sephiri sa Molimo se menahaneng hararo) e leng bohlale bo patiloeng, boo Molimo o bo laetseng pele ho mehla ea lefatše e tle e be khanya ea rona:*

*Eo ho seng le a mong oa marena a lefatše lena a bo tsebileng: ha ho le ea mong oa baprista, rebbi—borabi... (ntšoare leng)... kapa le letho, ea tsebileng letho ka eona; hobane hoja ba ne ba tsebile, ba ka be ba sa ka ba thakhisa Morena oa khanya.*

<sup>310</sup> U itse, “U fositse ka bo-rabbi le bareri mono.” Ke mang ea Mo thakhisitseng? Uh-huh.

<sup>311</sup> Oh, joalo le joalo le joalo, re ka tsoella. Ho e bala, le a bona, ho tsoelapele, ho boloka nako, hoba re mpa feela . . . Nako ha eso phirime le joale, empa mona re loketse ho bua ho hongata ha Morena a ka re thusa. Joale, khaello ea sena, joale . . .

<sup>312</sup> 'Me Pauluse, monna e moholo enoa oa hlalefo, ha a ka a leka ho hhalosa lipolelo tsa a hae tse kholo tsa thutamolimo holim'a batho. O amohetse Lentsoe la Morena ka boikokobetso, 'me a phela Lentsoe ho fihlela Le itlhahisa ka eena. O phetse borapeli hakana—hakana ho fihlela ba bone Jesu Kreste ka ho eena, hakana, ba ne ba batla sakatuku ea hae, ho e nka le ho e bea holim'a bakuli. Bophelo ba Kreste ke boo.

<sup>313</sup> Joale shebang ba bang ba re, "Oh, be, le a bona, Elia o entse seo, khale, ho beha molamu oa hae; empa, oh, ao e ne e le matsatsi a Elia." Joale, lefatše le ile la nahana seo. Baprista ba hlalefileng le lintho, le likereke tsa nako eo, ba ne ba nahana seo.

<sup>314</sup> Empa ho balumeli bao, ba tsebile ka ho fapaneng. Ba bone tšenolo ea Kreste e neng e le ka ho Elia, eona ntho eo e ne e le ka ho Pauluse, ho hlahisa Bophelo ba mofuta o tšoanang, hoba e ne e le moporofeta. Le a bona? O boletse esale pele lintho tse etsahetseng ka mokhoa oo, 'me ba tsebile hoba boo e ne e le boitsebiso ba Molimo ba moporofeta. 'Me ba tsebile hobane e ne e le moporofeta oa Molimo. Le ke ke la ba sisinya ho eona, ho hang. Esitile le mohla ba boneng Petrose a bolela lintho tseo tse tlang ho etsahala, ba itse, "E reng feela seriti sa hae se sirele holim'a ka." Amen! Ke Kereke eo. Ke bona ba e lumelang. E, monghali. E ne e senotsoe ke . . .

<sup>315</sup> Hobaneng Pauluse a itse, "Hobane ke—ke apasitsoe Ph., LL.D., joalo-joalo, ba a ntumela? Che," a re, "Ke lebetse lintho tseo tsohle, bohlale ba motho," ho re, "ka lokela ho shoa, 'me ke Mo tseba matleng a tsoho ea Hae, ke seo ke tlang ho lona ho lona ka sona, ka ponahatso ea matla a Molimo"?

<sup>316</sup> E ne e le eng? Ho etsa Jesu Kreste eena maobane, kajeno, le kamehla. Eona mesebetsi eo Jesu a e entseng, Pauluse o e entse. 'Me ba bone Molimo, Ntate e moholo ea neng a bonahalitsoe sehlahleng se tukang, E ne e bonahalitsoe ho Pauluse, 'me ke ena E ne e bonahatsoa.

<sup>317</sup> 'Me O a tšoana mongoaheng o mong le o mong. Mokhoa oa Molimo o menahaneng hararo, "maobane, kajeno, le kamehla." Eng? Molopelli; ka Kerekeng ea Hae; maemo a pele 'Musong o tlang. Amen! Le a e bona? E phethahetse feela kamoo e ka khonang!

<sup>318</sup> Oh, hlokomelang! Moea o Halalelang a inotši ke Mosenoli oa tšenolo e Mokhethoa ea Kreste. Ha ho sekolo se ka e etsang. Ha ho serutehi se ka e etsang. Ha ho motho, leha a rutehile hantle, borapeli bo bo kakang, kapa ntho efe feela, ha ho motho ea ka e etsang.

<sup>319</sup> Hona mona nka hlaba ka thata. Ke Bakreste ba bakae, ba tsoetsoeng labobeli; phahamisang matsoho a lona, ba tlatsitsoeng ka Moea o Halalelang? Ho lokile. Ke rona bana re a tloha ke hona. Ho lokile. Hlokamelang.

<sup>320</sup> 'Me O tla e etsa feela ho ba reretsoeng pele. Ke hantle feela. "Bohle bao Ntate a 'Neileng bona ba tla tla, 'me ha ho ea ka tlang Ntate a sa Mpha eena pele." Le a bona?

<sup>321</sup> Shebang baprista bao, ba re, "Monna enoa ke Belsebule. Ke senohe. Ke liabolosi."

<sup>322</sup> 'Me mosajana oa khale ea ntseng a itsamaela mono, a phela le banna ba tšeletseng; o ne a phela le ba bahlano, 'me a se a nkane le oa botšeleta mohlang oo. 'Me Jesu o itse, "Ea lata monna oa hau, le tle koano."

A re, "Ha ke na monna."

<sup>323</sup> A re, "E, u na le ba tšeletseng. U bile le ba bahlano, le eo u lulang le eena joale ha se monna oa hau."

A re, "Monghali!" Eng? Leseli leo le ile la otla Peo eo.

<sup>324</sup> Eitseha Le otla baprista bao, ba itse, "Monna enoa ke senohe." Le a bona, ha ho Bophelo mono. Lenyalisoa, ho nyolohela bohole ba mokhatlo feela, empa ho shoa ho tloha moo.

<sup>325</sup> Empa mosali enoa e ne e se lenyalisoa. O itse, "Monghali, ke a lemoha!" Ke bona mahlohalia hae a matle a benya joalo, likeleli li theoha marameng a hae. Ho re, "Monghali, ke a lemoha hobane U Moporofeta. Ke ntse ke batla Messia. 'Me mohla Messia eo a tlang, O tla etsa eona ntho eona ena. O tla re bolella lintho tsena."

A re, "Ke Eèna."

<sup>326</sup> Oho Morena! A siea nkho ea hae. "Ke Enoa! Tloong, le bone Monna ea mpoleletseng lintho." E ne e le eng? Leseli leo le ile la otla Peo eo. Bophelo boo bo ne bo le teng. Bo hlahile.

Ho a tšoana le kajeno!

<sup>327</sup> Empa moithuti oa thutabomolimo o tla re, "Joale bea butle motsotsa. Ke tla fumana haeba *Sekete-kete*, Molisa Moody o itse, kapa . . ."

<sup>328</sup> Molisa Moody o amana joang le see, letsatsi lee? Molisa Moody o phetse letsatsing la hae, empa e seng joale. Ka sebele. Luther o phetse letsatsing la hae, empa e seng letsatsing la Wesley. Wesley o phetse letsatsing la hae, e seng letsatsing la Pentekosta. Pentekosta e phetse letsatsing la bona, empa ba hole le Sena horeng ena. Re nakong ea ho qetela. Ehlide.

<sup>329</sup> Mekhatlo ea bona, le ho futahana, e paka hore ha E eo mono. Lentsoe ha le eso netefatsoe ka nepo; haese ka matla a Lona feela. Lipeo, mekhatlo ea malumeli . . . 'Me ba ne ba haha phutheho ea bolumeli, le ho tsoaka lipoeo tseo tsa khale tsa lehola la jimsone le koro eo ea makhonthe; ea ichoella hantle feela. Sejalo sa fetoha mofoka oa jimson, hantle, meutloa e metala le bobatsi, uh-huh,

le a bona, ho khutlela morao ho seo. Ea ichoella hantle. Eaba ba phethola tšimo 'me ba qala hape, ba lema Lipeo tse ling tsa 'nete, 'me tse ling tsa tsona tsa mela, tsa E pupetsa.

<sup>330</sup> Empa hape, Molimo o boletse, matsatsing ana a qetelo O tla ntša batho ba hlatoitsoeng Maling a Oona, 'me ba ne ba rerore pele ho ba teng mono. Ba tlameha ho ba teng mono. Molimo o itsalo. 'Me E ne e tla senola . . . 'Me eona pontšo, "Ke tla se- . . ." Malakia 4, le seo a neng a tla se etsa, "khutlisetsa hape," ho busetsa, matsatsing a qetelo, lintho tse kholo tsena tseo A li tšepisitseng, li ne li tla tlisa tšenolo. Ebe e tla . . . O ne a tla etsa'ng, Malakia 4? E ne e le ho khutlisetsa Tumelo ea bontate, ho bana. Le a bona? Ke hantle, ho tlisa ntho eona eo, eona Topallo ea Mollo, temeng; tsona lipontšo tseo, meeka e tšoanang, Jesu eena eo; ho Mo etsa eena, ho Mo rera ka ho tšoana, ho Mo netefatsa esale Eena maobane, kajeno, le kamehla.

<sup>331</sup> "Ke tla khutlisetsa," ho bolela Morena, "lilemo tsohle tseo seboko sa Methodise, le lerutle, le Baptise, le Katolike; 'me liboko tseo tsohle li jele tsa—tsa qeta Tumelo eo," sa ba sa fetoha kutu ea phutheho ea bolumeli ka mono ho sa sala lipo life. "Empa Ke tla khutlisetsa hape," ho bolela Morena, "lilemo tsohle." Eng? "Lipontšo tsohle le meeka eo ba e hlobohileng. Ke tla e khutlisetsa hantle Sefateng seo sa mantlha hape, 'me Ke tla Se khutlisetsa," ho bolela Morena. Moporofeta eo e ne e le moporofeta ea netefalitsoeng. Mantsoe a hae a tlameha ho phethahala. Amen.

<sup>332</sup> Moea o Halalelang, o inotši, ke Mosenoli oa tšenolo e Mokhethoa ea Kreste, 'me esale ho le joalo mengoaheng eohle. Hopolang, mengoaha eohle! Lentsoe la Morena le fihletse mang? Moporofeta, a inotši. Ke hantle. Na ho joalo? 'Me moporofeta o ne a loketse ho netefatsoa, pele. Eseng hobane a ipoletse ho ba ke moporofeta; hobane o tsoetsoe e le moporofeta, le ho pakoa e le moporofeta, 'me ntho e 'ngoe le e 'ngoe eo a e boletseng e ne e le khema le Lentsoe hantle 'me ea etsahala, eaba ntho e 'ngoe le e 'ngoe e a lesa. Le a bona? Ho bile joalo, Lentsoe la Morena le tlie feela ka Moea o Halalelang. Bibele e boletse, "Banna ba mehleng, ba susumetsoang ke Moea o Halalelang, le a bona, ba ngotse Lentsoe."

<sup>333</sup> Shebang. Johanne Mokolobetsi a ka be a sa tseba Jesu hoja Moea o Halalelang o sa Mo supa. Ho joalo? [Phutheho e re, "Amen."—Mohl.]

<sup>334</sup> Johanne Mokolobetsi, moporofeta eo e moholo ea ileng a hlaha, le ho re, "E Mong o eme har'a lona joale. 'Me ke Monna oa tloaelo ea emeng mona kae-kae, ke eena Konyana ea Molimo." Johanne o itse, "Eaba ke a bona. Ke ile ka bona. Ka bone Moea oa Molimo, Moea o Halalelang, o theoha Leholidong e ka leeba, 'me Oa theohela holim'a Hae. 'Me Puo ea re, 'Enoa ke Mora oa Ka ea ratoang eo Ke khahlisoang ke Eena."

E ne e le eng? Moea o Halalelang o itse, “Ke tla Mo qoholla.”

<sup>335</sup> U ka Mo tseba ka mokhoa oo feela kajeno, ona feela mokhoa oo u ka fumanang tšenolo e menahaneng hararo ea Molimo, ke mohla Moea o Halalelang. ’Me mokhoa o le mong oo e ka etsahalang le ka mohla, ke ha u reretsoe pele ho e bona. Haeba e se joalo, u ke ke ua e bona le ka mohla. Ha u sa rereloa pele ho e bona, u ke ke ua e bona; hoba Leseli leo le ka halima ’me u ka tloha oa le soma, le ho le tlosa ka litlhaloso, ka mohopolo o itseng oa hlalefo. Holim’ a oona Molimo oo, ka Sebele, o ntse o Iponahatsa le ho e paka, le a bona, empa, haeba e sa lula holim’ a hau ho e bona, u ke ke ua e bona.

<sup>336</sup> Molimo ha o a re feela, “Ke tla khetha *enoa*, khetha *eane*,” empa O tsebile ka ea Hae... Lebaka leo O neng o ka rera pele, hobane ha O na pheletso, ’me O—O tseba tsohle... Ke mohlokapheteletso, ka hona O tsebile tsohle. O tsebile pheletso, ’me oa khona ho bolela qetello esale qalong. Ke Molimo. Haeba A sa khone ho etsa hoo, ha se Molimo. E, monghali. Ha O na pheletso. Ho lokile.

<sup>337</sup> Johanne a ka be a sa Mo tseba, che, monghali, hoja Moea o Halalelang o sa ka oa supa. Le bona kamoo Molimo o patang sephiri sa Oona ho ba phahameng, ba rutehileng le ntho e ’ngoe le e ’ngoe? Shebang, e mong le e mong oa batho bao ba reng... ka ho nyatseha ho e senolela bao O ba reretseng pele ho e bona. Sheba monang! Ba bang ba ne ba eme haufi athe ha ba bona leeba, ha ba ka ba utloa Puo ea letho, hoba e ne e romeletsoe Peo eo e reriloeng pele feela. E reriloeng pele! Ka sebele, e ne e reriloe pele!

<sup>338</sup> Khele, Esaia, lilemo tse makholo a supileng le leshome le metso e ’meli pele a tsoaloa, ka Moea, o ne a haptjoe a phahamisoa lithokutlong tsena tsa motho, ’me a re, “Lentsoe la ea hooang lefeelleng, ‘Lokisang tsela ea Morena, ’me le etsetse ea Hae...”

<sup>339</sup> Joale, efela ha Esaia a bone, na Malakia o ne a ke ke a bona eona ntho eo ka mopropfeta oa ho qetela ea reriloeng pele, tiiso ea bapropfeta bohle ba Testamente ea Khale, eo oa sehlooho... moperoffeta eo e moholo ea emeng mono qetellong ea mongoaha? Le a bona? O ipolela a reriloepele. Ka sebele, o ne a le joalo. Malakia o ’mone, le eena.

<sup>340</sup> Jesu o itse, “Haeba le ka e amohela, ke eena ea boletsoeng, ‘Ke romela lenqosa la Ka ka pel’ a sefahleho sa Ka,’ Malakia 3, ‘ho hlekla tsela pel’ a Ka.’” Le a bona? Ehlide, o ne a reroepele ho bona molaetsa oo. Ha ho makatse ha a khonne ho sheba le ho bona Leeba leo le theohang, Leseli leo le neng le le lehoatateng le Iseraele, le etla, le theoha.

<sup>341</sup> Molimo ka sebele, oa re, “Enoa ke Mora oa Ka ea ratoang eo Ke khahlisoang ke ho lula ho Eena.” Molimo le motho ba eba Bang.

<sup>342</sup> “Ke pakile,” Johanne o itse, “Ke ’Mone, ea tsoetsoeng a ’notši oa Ntate. Ke paki ea eona.” Amen!

<sup>343</sup> Ke uena eo. Ho nyatseha! Ka moreri oa khale, ntatae; ntatae e ne e le mothuti e moholo oa thutabomolimo, le a tseba, o ne a tsoa sekolong. Ea ka o ne a tla khutlela morao mokhatlong oa bolumeli ba ntatae. Eo e ka be e sa ba thato ea Molimo.

<sup>344</sup> Mohla Molimo o ne o mo ama tsaalang ea hae morao mono, le ho a amohela Moea o Halalelang likhoeli tse tharo pele a hlahla. E, monghali. Mohla Maria a nyolohelang mono, ’me Johanne e monyenyane a le likhoeli tse tšeletseng, popelong ea mmae, ’me le ka mohla ho eso . . . Mesifanyana eo eso sisinyehe. ’Me Maria a tšoha . . . Mesifanyana e ne e hola, empa a eso ho utloe bophelo, Elisabeta, ’m’ae, ke rialo. ’Me eitse ha Maria a nyoloha a mo tšoara, a mo haka, ho bea matsoho a hae, a bea matsoho holima hae. Le a bona? ’Me o itse, “Molimo o buile le ’na, ’me ke tla fuoa Lesea, le ’na.”

“Na uena le Josefa le chatile?”

“Che.”

“Maria, ho ka ba joalo joang?”

<sup>345</sup> “Moea o Halalelang o tla nkhurumetsa, ’me ka ho ’na ho tla boptjoa. ’Me ke tla Mo rea Lebitso la ‘Jesu.’ E tla ba Mora oa Molimo.”

<sup>346</sup> ’Me hang feela ha Lentsoe leo ‘Jesu’ le boletsoe, Johanne e monyenyane a qala a tlolaka, le ho hoeletsa, le ho qhoma hohle ka popelong ea mmae.

<sup>347</sup> A re, “Ho bokoe Morena Molimo! Hobane ’ma Morena oa ka o tsoa kae?” ’Ma Morena oa ka! Oh, khili! “Ma Morena oa ka o tsoa kae? Etsoe, hang ha tumeliso ea hau e fihla litsebeng tsa ka, lesea la ka la tlolaka pôpelong, ka thabo.”

<sup>348</sup> Ha ho makatse a ne a sa batle seminari ea letho, ntho e ka mo rutang ntho e itseng, le ho hong. O ne a kakatletse mosebetsi oa bohloko. E ne e le monna oa nahathothe, a tsoa a kena lefeelleng ’me a leta. Molimo o ’moleletse kantle mono, ha thoe, joale, le ho mo senolela. Oh, tšenolo ea lona ke eo hape! “’Me Ke tla u bolella hore Ke Mang. U moporofeta. Lentsoe le tla ho uena. Ua tseba hore na u mang. U tlameha ho tla.” Hoo ho arabu potso ea Sontaha se fetileng. Le a bona? “Ua tseba hore na u mang, Johanne. Ikhutsetse; u se bue letho. Tsoela koo. Me etlare ha u bona Enoa, pontšo e tla tsoa Leholidong, joaloka Leseli, leeba le tla theoha. E tla ba Eena mohla u ’Monang.”

<sup>349</sup> Ke ka baka leo, eitse ha Jesu a tsoa metsing, Johanne a lelala ’me a bona leeba leo le theohang, a re, “Bonang Konyana ea Molimo! Ke eena Eo! Ke Eena ea tla tlosa sebe sa lefatše.”

<sup>350</sup> Jesu o tlohilie a tsoa metsing, a mo tobile. Mahlo a mabeli ao a Johanne a kopana le mahlo a mabeli ao a Jesu. E ne e le bomotsoala ba bobeli, ka nama. Maria le Elisabetha e ne e le bo-

motsoala ba pele. Mahlo a bona a kopana. Molimo le moporofeta oa Hae e ne e le bao, amen, ba eme mono.

<sup>351</sup> Johanne o itse, "Ke hloka ho kolobetsoa ke Uena. U tlela'ng ho 'na?"

<sup>352</sup> Jesu a re, "Lumella hore ho be joalo joale, empa, hopola, re loketse ho phetha ho loka hohle."

<sup>353</sup> Hobaneng Johanne a entse hoo? Hobane E ne e le Sehlabelo. Johanne e ne e le moporofeta, o tsebile; 'me Sehlabelo se loketse ho hlatsua pele Se hlahisoa. Oh! Oh! 'Me a Mo lumella, 'me a Mo kolobetsa.

<sup>354</sup> 'Me ha a etsa joalo, bonang, Maholimo a phetloa, oh, khili, 'me leeba leo la theohela holim'a Hae, 'me Puo ea re, "Enoa ke Mora oa Ka ea ratoang eo Ke khahlisoang ke ho lula ho Eena." King James o re, "Eo ho Eena Ke khahlisoang ho lula." Kahoo e kamoo u batlang ho e fetola feela, ho a tšoana, "lula ka hare," kapa . . . "Enoa ke Mora oa Ka ea ratoang eo Ke khahlisoang ke ho aha ho Eena," kapa, "ho lula teng," efe eo u batlang ho e beha, ho a tšoana. Ho lokile.

<sup>355</sup> Re a bona hobane o e senoletsoe ke hona. Ba emeng mono ha ba utloa letho la eona. Moea o Halalelang, o inotši, o a e senola.

<sup>356</sup> Ho a tšoana mohla A neng a Itšenolela Pauluse, Peo e 'ngoe e reriloeng pele.

<sup>357</sup> Pauluse o ne a likoloha hohle, a ka be a itse, "Ha nka tšoara sehlopha seo, ke tla se khabela likotoana, hobane 'na ke Ngk. Saul. Ke tsoa tlas'a Gamaliele. Ke tsoa Moody Bible . . ." kapa ntho efe, le a bona. "Ke, 'na ke morutehi. Ke tseba seo ke buang ka sona. Ke tla tabola sehlopha seo sa bahalaleli ba thethehang likotoana. 'Me ke tla u bolella, ntate e moholo ea halalelang, ntumelle ho theohela mono, 'me ke tla tšoara e mong le e mong oa bao ba etsang lerata tlase mono. Linyee tsena tsohle tsa pholiso ea Khalalelo, re tla e emisa."

Ho le kenya pokothong ea hae, ho re, "Ke tseleng ke a theoha."

<sup>358</sup> 'Me letsatsing leo, khili, ha e batlile ho ba hora ea leshome le motso motšeare, e—e Leseli la mo chabela sefahlehong, 'me a oela fatše.

<sup>359</sup> Hobaneng? E ne e le Peo e reriloeng pele. Molimo o itse, "Ke mo khethile. Yaa. 'Me ke tla 'montša lintho tse kholo tseo a tla utloa bohloko ba tsona ka baka la Lebitso la Ka. Ke tla mo romela ho Balichaba, le ho mo hlabisa lihlong ka mekhoa eohle eo ba ka bang ka—ka hlabisoang lihlong, empa koana o tla jara Lebitso la Ka."

<sup>360</sup> Pauluse a theoha, ke hona, ho fihlela a mo pomme linyee tsohle tsa boruti ba hae, tlase motšeо ho lehoatata, ka lilemo tse tharo le halofo. Tlase mono ka har'a Arabia, ho fihlela a ithutile Lentsoe, 'me Lentsoe la fetoha eena. 'Me a fetoha motšoaruoа; ke

enoa a khutla a tlamiloe ka mahlaahlela a lerato! “Boiphihlelo bohole ba ka ba seminari bo felile! Ke mohōlehua oa Jesu Kreste. Amen! Filemone, mgoaneso, ke mohōlehua oa Jesu Kreste. Nka bua feela le ho bolella seo A mpolellang sona.”

<sup>361</sup> Molimo kajeno o hloka batšoaruoa ba tlang ho ikholehela thatong ea Oona, Lentsoeng la Oona.

<sup>362</sup> Ke seo Pauluse a neng a le sona. Ho sa tsotelehe o ne a ithutile bohlale bo bokae, o tsebile Molimo ka tšenolo. E, monghali. Khoebo ea bohlalefi ea na ea putlama mohlang oo, mohla tšenolo e neng e fihla; etsoe, Kereke e ahiloe holim'a Lefika. E, monghali. Lemohang, e ne e le Peo e reriloeng pele.

<sup>363</sup> Moea o Halalelang, o le mong, o u bontša hore Ke Mang. Ha ho motho; ba tla u etsa “Ntate, Mora, le Moea o Halalelang,” le ntho eohle ese, ka eona. Le a bona? Empa Moea o Halalelang o tla Mo senola joaloka Morena Molimo oa Leholidmo ea bonahalitsoeng, hore eo ke, oh, Eena!

<sup>364</sup> Joale hlokomelamg. E seng baporofeta, e seng marena, e seng letho le sele; empa mona, khetlo la pele, Molimo o ile oa senoloa ka ho Kreste, ka bottlalo ba Bomolimo nameng, nameng ea motho. Eo ke tšenolo. Oh, khili! Ke tla le binela temana joale:

Lichaba lia pshatleha, Israele e a phaphama,  
(Na li etsa joalo?)  
Lipontšo tseo baporofeta ba li boletseng;  
Balichaba (kereke ea mokhatlo,) matsatsi a  
bona a baliloe, ka litsietsi tse phophothang;  
“Khutlang, oho ba hasaneng, ha habo lona.”  
(Uena u ntšitsoe ho bona.)

Tsatsi la topollo le haufi,  
Pelō tsa banna li qhibilisoa ke tšab;

<sup>365</sup> Metlae eohle ea bona ea Hollywood ha e khone ho e koahela. Joaloka moshanyana ea letsang mololi, a feta pel'a mabitla bosiu. Le a bona?

Tlalang ka Moea, mabone a lona a kutoe a  
hlake,  
Lelalang! Topollo ea lona e haufi.

Baporofeta ba bohata ba thetsa, Lentsoe la  
Molimo ba le latola,  
Hore Jesu e leng Kreste ke Molimo oa rōna; (Ke  
hantle.)

Moloko ona o nyelisa tšenolo ea Molimo,  
Empa re tsamaea moo baapostola ba hatileng.  
Tsatsi la topollo le haufi,  
Pelō tsa banna li qhibilisoa ke tšab;  
Tlalang ka Moea, mabone a lona a kutoe a  
hlake,  
Lelalang! Topollo ea lona e haufi.

<sup>366</sup> Fumana tšenolo, moena. Moloko ona, o nyelisa tšenolo ea Molimo! Le a bona? Baporofeta ba bohata ba etsa hoo. "Le tla ba tseba ka litholoana tsa bona." Bao ke—ke manyalisoa. Ba hlahetse ba tsoeletsoe mokhatlong; sebakeng sa Lentsoe la Molimo, tšenolo ea Molimo e Itšenolang ka Kreste, Eo e leng Lentsoe. Oh, khili!

<sup>367</sup> Re ka emisa mona, empa haeba... ho fumana hape mohla ke khutlang, haeba le rata. Joale ho na le... Na le batla ho tsoelapele, ho ho lona. [Phutheho e re, "Amen."—Mohl.] Ho lokile. Nthoana feela... Ke tla potlaka, e le hore, empa ho nka nako e lekaneng hore le tle le... Le tle le fumane nakoana ho phomola, ka mora mona. Ho lokile.

Ho a tšoana, lemohang, Peo eo e reriloeng pele!

<sup>368</sup> Moea o Halalelang, o le mong, o le bontša hore Ke Mang; ha ho baporofeta kapa marena a Hae. 'Me Molimo o bonahatsoang nameng ke oona. Botlalo ke bona. O senotsoe ka botlalo le ho tsebisoa lefatše. Oh, khili!

<sup>369</sup> Shebang Thabeng ea Phetoho, mohla bopaki ba Molimo ka Sebele, "Enoa ke Mora oa Ka ea ratoang. Mo utloeng!" Moshe o ne a eme mono a emetse molao. Elia o ne a emetse baporofeta. Empa Eena... Ba fetile, 'me A re, "Enoa ke Mora oa Ka ea ratoang. Mo utloeng!" Mono ke ha ho eme ba bararo; molao, baporofeta, le Mo... le Kreste. 'Me A re, "Enoa ke Eena." Molimo, ka botlalo; a sa bonahatsoa ka ho baporofeta, a sa bonahatsoa ka molao; empa ho bonahatsoa ka ho Kreste, Ke eena.

<sup>370</sup> Kreste o na le mohau. Molao o u hlahletse chankaneng, empa o sitiloe ho u ntša. Baprofeta ke toka ea Molimo, ho u ahlola le ho u bolaela eona. Ke hantle. Empa Jesu e ne e le lerato la Molimo le tšenolo, ho tsebisa, ho Peo e reriloeng pele, hore O u bitsitse. "Enoa ke Eena. Mo utloeng!"

<sup>371</sup> Tseba! Botlalo ba BoMolimo bo a tsebahatsoa. Lekunutu lena la sephiri joale le senotsoe, hore Molimo o a bonahatsoa. Molimo le motho ba eba Bang, Monna ea tlotsitsoeng, Kreste! Kreste e bolela'ng? "Motlotsua," Motlotsua ea neng a tlotsitsoe ka botlalo ba Bomolimo nameng. Oh, khili! Batho ba ka e belaela joang?

<sup>372</sup> Athé khetlo le leng, ka karolo, Moshe o ne a e-na le Eena; ka karolo, Davida o ne a e-na le Eena; oho, khili, empa ke Enoa o bonahatsoa ka botlalo, Bomolimo ka Seqo bo eme lefatšeng. Molimo, botlalong ba Oona, ho shoela sebe sa batho, O tle o tlise Kerekeng ea Oona Bophelo bo halalelitsoeng; hore O tle o ithuele maemo a pele, ka botlalo, Kerekeng ea Oona, ho bonahatsa tšepiso e 'ngoe le e 'ngoe matsatsing ana a qetelo, eo A e tšepisitseng bakeng sa matsatsi a qetelo. Le a bona? E ne e le...

<sup>373</sup> Mamelang joale. Na le a khona? Joale inyatheng nakoana joale. Shebang.

<sup>374</sup> Jesu o bonahalitsoe bakeng sa'ng? Ho bontša Molimo. E ne e le Molimo. O ne a loketse joalo; ha ho motho ea neng a ka shoa, ha ho moporofeta ea neng a ka shoa. E ne e le Molimo. E ne e le Molimo oa baporofeta. E ne e le baporofeta. E ne e le marena. E ne e le histori. E ne e le Ea neng a tla tla. Ea neng a le teng, Ea leng teng, le Ea tla ba teng tsatsing lena; eena maobane, kajeno, le kamehla. O ne a bonahatsoe ka morero oo.

<sup>375</sup> 'Me ka morero oo Oa sibolla Kereke, hore Oona, botlalo ba Molimo, bo tle bo phethahatse Lentsoe ka leng le tsepisitsoeng la Molimo matsatsing ana a qetelo; etlareha O fumana maemo a pele, boemo ba pele ka har'a Kereke, boemo, sebaka sa Oona ka har'a Kereke. Jesu o itse, "Ea lumelang ho 'Na, mesebetsi eo Ke e etsang o tla e etsa le eena; o tla etsa le e mengata ho ena, hobane Ke ea ho Ntate." Le a bona, oo e ne e le morero oa Oona. Ponahatso e ne e le eo. 'Me joale, kajeno, O batla ho fumana motho ea ka e bonang hakaale, hore ba tle ba lumelle Lentsoe . . .

<sup>376</sup> Le a bona, Jesu o e bone hakaale, a tsoaletsoe letsatsi leo ka ho phethahala hakaale, ho fihlela Molimo o hlalositse khato ka 'ngoe A e nkileng. Eena ne e le tsenolo ea Molimo; Molimo, o senotsoe.

<sup>377</sup> Joale O halalelitse, ka Moea oa Oona le Mali, Kereke, hore A tle a etse hore tsepiso ka 'ngoe letsatsing lena la ho qetela e senoloe. Joale, le a bona, O ne a ka khutlela morao le ho thonaka seo mathaka a mang ana a se siileng mona, matsatsing a qetelo, 'me ka Moea oa Oona o Halalelang oa senola liphiri tsohle tsa Litiiso tse Supileng. Le a bona, O ntse a Itlhalosa. Oo ke morero oa Oona. Ke ka hona A ileng a shoa. Leo ke lefapha labobelis la ponahatso ea Oona e menahaneng hararo. Pele, ho Itlhalosa ka ho Kreste, e ntoo ba ho Itlhalosa ka Kereke. 'Me eona ntho eo, Kreste e ne e le Lentsoe, 'me Kereke e fetoha Lentsoe ha e lumella Lentsoe ho haola har'a bona.

<sup>378</sup> Empa mohla ba neng ba amohela mokhatlo oa lenyalisoa, Lentsoe le ka feta joang har'a oona? E tsetetsoe fatše, e a qhomma e phatlola feuse. Le a bona?

<sup>379</sup> Empa ha molapo o phalla ka bolokolohi, Lentsoe la Molimo, Le a Itlhalosa. "Mesebetsi eo Ke e etsang le tla khona, le lona." 'Me mehleng ea bofelo e tla etsahala: "Bonang Ke le romela moporofeta Elia, 'me o tla busetsa lipelo tsa e—tsa bana morao Tumelong ea bontate."

<sup>380</sup> 'Me ka hare ka mono, ho tla fihla mohla A ka Itlhalosang ka botlalo ba Bomolimo ba Hae, Bomolimo, ka Kereke ea Hae, ho ithuela maemo a pele ka har'a Kereke ena. Oh, khili! Eng? Monna ea tlotsitsoeng; joale batho ba tlotsitsoeng; oho, khili, ho khutlisa Monyaluo ea tlotsitsoeng le Monyal. Ho tlotsoa ka (hobaneng?) ho amohela seo Eva a se hanneng, le Adama; ho khutla ka tlotso

ea Lentsoe, hobane O itse, “Lentsoe la Ka ke Moea.” Le a bona, ba tlotsitsoe ka Lentsoe. Seo Eva a se hanneng, O a khutla ’me re a amohela.

<sup>381</sup> Ho bona kamoo boemo boo ba lenyalisoa, hape, hantle feela seo a se entseng Eva.

<sup>382</sup> O boleletse Eva, “U se ke oa etsa *sena*, ’me u se ke oa etsa *sane*; ’me u ka etsa *sena*, le *sane*.”

<sup>383</sup> ’Me Satane a re, “Oh! U a tseba . . .” Empa a retoloha ’me a mo mamela.

<sup>384</sup> Empa Eva letsatsing la ho qetela a ke ke a e etsa, hoba O reriloe pele ho se e etse. E, monghali. Molimo o tla e etsa. O a tseba. O tla ba le eona. O boletse ea Hae, letheba . . . “Ho ne ho tla hlaha Kereke e se na letheba kapa letsika.” O tla ema mono ka phatsimo ea Hae, Lentsoe la Oona le bonahatsoang.

<sup>385</sup> Eena e tla ba letšoao ho lefatše. E tla ba mohl- . . . E tla ba ntho eo lefatše le ka e shebang le ho re, be, lefatše lohle le re, “Ah, Ke mothethehi-mohalaleli. Ke motoala oa bobeli. Ha se setho sa sehlopha sa rona.” Ke a tseba. Ke ntho e ntle eo, le a bona. Eena—Eena ke setho sa Sehlopha sena holimo *mona*.

<sup>386</sup> Monna e mong o buile tsatsi le leng, le ’na, a eme ’me a bua, a re, “Be, u setho sa mokhatlo ofe oa bolumeli?”

Ka re, “Le letho.”

“Eng?”

“Le letho.” Ka re, “Ke setho sa ’Muso.”

“Be, ebe u ingolisa joang mono?”

“Ha u inglolise teng. U tsoalloa ho eona.” Uh-huh.

“Ke ’Muso ofe oo?”

Ka re, “Mele o mohlolo oa Jesu Kreste.”

<sup>387</sup> “Ka Moea o le mong re kolobeletsoa ’Meleng ona,” ho tsoaloa ke Moea oa Hae, ebe moo re leng litho tsa ’Muso. ’Me maphelo a rona ha se Maamerika, ha re Majeremané, ha re letho; re Bakreste. Re tsetetsoe, ’me re tsamaea ka Moea, makhoba a lerato. Ho tsoa linthong tsa lefatše, le litokelo tsa rona ho lefatše, re li rekisitse ’me ra reka Perela ena ea Theko e Kholo, le ho tsamaea le ho lumella Moea o Halalelang ho Iponahatsa. Ke seo Kereke ea Hae ea sebele e leng sona. Ke seo u leng sona, seo ke leng sona, ha re ka itumella ho ea le ho sebeletsa Molimo, le ka Lentsoe la Hae, ’me e seng ka seo tumeloana e itseng e se bolelang.

<sup>388</sup> Hlokamelang, Monna ea tlotsitsoeng, Kreste ka Sebele mona, oho Molimo, o a tsebahatsoa. Empa joale, shebang, empa—empa joale (Helang!) O nkile maemo a pele. Molimo o bonahalitsoe ka botlalo, ka ho Jesu Kreste, sephiri se seholo sa Molimo sa tšenolo ea Hae.

<sup>389</sup> Leseli le leholo lena la tšenolo esale le foufalitse bohlale ba lefatše lena.

<sup>390</sup> Matsatsing a Jesu Kreste, mohla A neng a le lefatšeng mona, ba—ba ne ba ba foufalitse. Ba itse, "Hobaneng, u bile u iketsa Molimo! U iketsa ea lekanang le Molimo!" O ne a sa lekane le Molimo feela; E ne e le Molimo ka Sebele. Le a bona, ha ba e fumane. 'Me ebole, ba bang ba lona le ka . . .

<sup>391</sup> Ke utloile bahanyetsi khetlo le leng ba re ho 'na Jesu ha a eso ipitse Mora oa Molimo. Ehlile o entse joalo. O entse joalo ruri. Le mpa le sa tsebe Bibele ea lona. O itseng ho mosali selibeng? Le a bona? O itseng ho eena?

<sup>392</sup> "Ke a tseba Messia o a tla. 'Me mohla A tlang, O tla etsa lintho tsena."

A re, "Ke Eena, le ea buang le uena."

Le ho Pauluse, hape, le ba bang ba fapaneng.

Hlokomelang. Empa joale Kereke e nkile maemo a pele.

<sup>393</sup> Sephiri se seholo sa Molimo esale se foufalitse bohlale ba lefatše. Ha ba khone ho e fumana. Ha ba se utloisise feela. Satane ha a utloisise. Ha ho le a mong oa bona ea utloisisang, haese feela ba reretsoeng pele ho se utloisia, kamoo Molimo le Kreste ba leng Bang kateng. Ba tla Mo etsa boraro nako le nako. Le a bona? Ka sebele ba tla etsa joalo.

<sup>394</sup> Hlokomelang, se latelang, bobeling, Kreste ea bonahalitsoeng ka ho lona, tšepo ea khanya. Molimo o moholo oo, o bonahalitsoeng ka ho Kreste; joale Kreste o bonahatsoa ka ho uena.

Re tla potlaka.

<sup>395</sup> Bonang! Se kileng ea e-ba sephiri se seholo sa Molimo, sephiri se seholo se mahlolo kelellong ea Hae, joale se kentsoe lipelong tsa molumeli, ke hore, 'Mele oa Kreste. Seo ekileng ea e-ba sephiri se seholo sa Molimo mohopolong oa Hae, pele lefatše le theoa, se a bonahatsoa. E nahane, motsoalle. Oh, oh, ke a . . .

<sup>396</sup> Ke a kholoa ha re e fumane, ha re e fumane. Be, ke—ha ke e bone kamoo ke tšoanetseng, le—le lona kea kholoa ha le khone. Le a bona?

<sup>397</sup> Empa sephiri se seholo sa Molimo, seo Molimo oa Bosafeleng o neng o se bolokile e le sephiri, joale se manollotsoe ka ho Jesu Kreste, eaba se theoloa se fuoa Kereke ea Hae hantle. Se kileng sa lula mohopolong oa Molimo joale se 'Meleng oa Kreste. Jesu o hlakisa lerato ho Kereke, Monyaluoa oa Hae, ho Mo sebelia liphiri.

<sup>398</sup> U tseba kamoo u bolellang mosali oa hau litaba, a tseba, ngoanana o tla mo nyala. U mo rata haholo, u mo joetsa liphiri feela, 'me u mo atametsa haufi, le ho mo rata le sohle. Le tseba kamoo ho leng kateng.

<sup>399</sup> Ke seo Molimo, Kreste, a se etsang ho Kereke. Le a bona? O E tsebisa makunutu, makunutu feela. Eseng bana babonyi bana; ke bolela Mosali oa Hae (Le a bona? Ho lokile, joale shebang.) ho tseba, ka ho tsebisoa tšenolo ea lekunutu la Hae ho bona, ka mohau oa Hae! Mohau oa Molimo o joang! Batho, ke a e tseba . . . Ke tšepa le sa nahane taba ena e lebositsoe ho 'na, ho e—e sehlopha sa batho, kapa *sena, sane*; empa lekunutu leo Molimo o le arolang le Kereke eohle, hola feela ba ka le amohele. Le a bona? Ha e bolele 'na feela kapa uena feela. E bolela Kereke, eo A—A ntseng a leka ho kena ho eona.

<sup>400</sup> 'Me u re, "Joale, ke hobaneng ba sa e amohele?" Ba ke ke ba e amohele. O boletse, hape, O boletse lintho tsena. "'Me ba ne ba ka khona joang?" Hobane Esaia o ba boletse ba ke ke ba e bona. Le a bona?' Me kamehla O boletse . . .

<sup>401</sup> Moprefeta Pauluse o itse, "Matsatsing a ho qetela batho ba tla ba manganga, baikhohomosi, ba ratang menate ea nama ho feta ba ratang Molimo, ba se nang ho tšepeha, le baetselletsi, ba sa khoneng ho itšoara, le ba hloeang ba molemo; ba mangata, baikhohomosi, le a bona; ba nang le sebopreho sa borapeli, ba mpa ba latola Matla a jona; le ba joalo u ba furalle. Hobane har'a bao ke ba kenang matlung, ba tšoasang basali ba masaoana, atetsoeng ke litakatso tse ngata," ka marikhoana, le moriri o ponngoeng, le ntho eohle. "Ba imetsoeng ke litakatso tse ngata, ba re, 'Ho lokile. Oh, ba hlanya ka ntle mono. U se ke ua tsotella che . . .'" Le a bona? "Ba sa finyelleng tsebong ea 'Nete le ka mohla. 'Me banna bana ba E hanetse, joaloka Jambrese le Janese ha ba hanetse Moshe," ba khona ho hlahisa kereke, le ho hlahisa sehlopha sa batho. E, monghali.

<sup>402</sup> "Empa bothoto joa bona bo tla bonahala," mohla Jesu a nkang Monyaluoa oa Hae 'me a 'mea holimo mona, le ho re, "Enoa ke Eena," 'me O tsamaea le Eena. Ke hantle. 'Me boootla joa bona bo tla tsebahatsoa.

<sup>403</sup> Ho e sheba, ho tsebisoa tšenolo ea sephiri sena ka mohau oa Oona! Bonang! Ha tšenolo e kholo ena, sephiri se senotsoeng, se tsebisoa uena, ke moo u nyatsang lintho tsohle tsa lefatše.

<sup>404</sup> Joale ke sa tla khutla hang hape. Nka mpa ka e bua, ke ntse ke e supile, ka lebaka la teipi, le bao ba parolang; teipi ena e phatlalla le lefatše. Le a bona?

<sup>405</sup> Lona basali ba ipolelang kolobetso ea Moea o Halalelang, le se sebete ho holisa moriri oa lona; holim'a Bibele e nyatsa 'me e re oa mosali . . . monna o na le tokelo ea ho hlala mosali oa hae ka hlalong haeba a poma moriri oa hae. Ke hlompho pel'a Molimo, ho etsa joalo. Bibele e boletse, ekareha a kuta moriri oa hae, o tlottolla hlooho ea hae. 'Me ha se tšoanelo; feela, le a tseba, tšoanelo efe ea khale, ho mosali ho rapela ka moriri o ponngoeng. Le a bona?

<sup>406</sup> Ho apara marikhoana, le lileke tsena, le lintho tse joalo! Bibele e boletse, “Mosali ofe oa mofuta oo,” (oh, u re...) “ea aparang seaparo sa monna, ke manyala ho Molimo,” litšila, tšila, joaloka ntloaneng ea khale e nkhang kae-kae. Le a bona? Oh, khili! Litšila linkong tsa Molimo! ’Me u leka ho rapela kapa ho hlahisa lithapelo ka ntho e kang eo? Molimo o a e hanela, ho e furalla. Ke hantle.

<sup>407</sup> “Be,” u re, “joale bea butle motsotsso, Moena Branham, u bua ka Testamente ea Khale.”

<sup>408</sup> E sa le eena maobane, kajeno, le kamehla. Ke tšenolo e tletseng ea Molimo. Molimo ha o bolela taba le ka mohla, O ke ke oa e fetola le ka mohla. O a e holisa, e seng ho e fetola. Molao o ile oa matlafatsoa, ha oa ka oa fetoloa. O matlafalitsoe!

<sup>409</sup> “Ekare ha e mong feba o tla le molato oa lefu,’ empa e ka re ha e mong,” joale e matlafalitsoe, “a sheba mosali ho mo lakatsa!” Ha O a ka oa fetola moalo. O o matlafalitse.

<sup>410</sup> “Hopolang letsatsi la sabatha; ho le halaletsa,” letsatsi le le leng ka vekeng; joale O e matlafalitse, eona “phomolo” e tsoa nqa ho boloka Moea oa Molimo. “Molao holim’ a molao, le taelo holim’ a molao; hanyenyane mona, le hanyenyane mane. Le tiisetse tse molemo. Hobane ke ka melomo e kokotletsang le ka lipuo lisele Ke tlang ho bua le sechaba sena. ’Me eo ke nqalo ea phomolo. Ke eona khatholoho e tsoang pel’ a Sefahleho sa Morena.”

<sup>411</sup> ’Me leha ho le ba hanne ho e E utloa, ’me ba tsokotsa lihlooho tsa bona ’me ba tloha, molemong oa liphutheho tsa bona tsa bolumeli. Uh-huh. “Ena ke khatholoho,” bonang, ho matlafatsa letsatsi la sabatha; ho lona Masabatha, le joalo-joalo. Oh, khili! Ha fetohe. O a e holisa. Lihele li atolositse likhoro tsa tsona ho ba amohela.

<sup>412</sup> Joale, na le a bona joale, Molaetsa oa nako ea qetelo, hobaneng O latoloa. Na le ka khona? [Phutheho e re, “Amen.”—Mohl.] Joale, ha se phutheho ea bolumeli, empa tšenolo ea sephiri sa Hae. Le a bona, ha ho phutheho ea bolumeli. Tšenolo! Molimo ha o tsebjoe ka mokhatlo oa phutheho. O tsejoe ka tšenolo.

<sup>413</sup> Bonang! Molimo ka har’ a ’Mele oa Oona, Kreste; le Kreste ka har’ a ’Mele oa Hae, Monyalua. Oh-oh-oh, khili! Molimo o bonahalitsoeng ka ho Kreste; Kreste o bonahatsoa ka ho Monyalua! ’Me joaloka ha Molimo o ngoathile ’meleng oa Adama, mosali, ’me a tlola; le joalo Molimo o ngoathile ’meleng oa Kreste, nama ea Hae, ’Mele oa Hae, e leng Lentsoe la Hae, ’me mono o ntša Monyalua ea ke keng a tlola ka mokhatlo kapa tumeloana. Che, monghali. Empa O khutla ka Lentsoe le hloekileng, le sa tsoakoang la Molimo le bonahatsoang.

<sup>414</sup> Ke a tšepa monna e mong le e mong ea utloang teipi ena, le mosali e mong le e mong, o tla utloisia seo. Le a bona?

<sup>415</sup> Eena tšali ke Eva oa bobeli, empa ha A tlole le—le ho silafatsa seaparo sa Hae sa bohloeki le khalalelo, nqa Monna oa Hae. O tla tiisetsa Lentsoe la Hae ho sa tsotelehe seo motho a se buang. O ka hlophisa likhato tsohle tsa likereke tseo u li batlang, le lilekane tsohle.

<sup>416</sup> 'Me ba tla lihela hlorigo, haufinyane, le ho koala likereke tsohle. Na le bona seo. 'Me likereke tse kang tsena, tseo e seng phutheho ea bolumeli, li tla sebelisetsoa bobolokelo, ntho efe feela. 'Me ekareha monna ofe a tloha a rapella mang eo e seng setho sa setlamo sa moruo, e tla thunyetsoa hona moo. E se e hlophisitsoe. Moreri eo oa Luthere, hlooho ea eona, o itsalo. 'Me e hona mona hantle, le ka e bala hantle mona makasineng oa lona. Hantle.

<sup>417</sup> Seo ba se buang ha se etse phapang, Kereke eo e tla ema e tiile ntoeng. E e pakile morao koana, 'me E tla e etsa hape pontšeng ea ntho ka 'ngoe. Ke Lentsoe la Molimo. 'Me likhato tsohle tsa bokereke le tse ling tsohle li ke li fete. O tla ba teng Mono a se na letheba kapa letsika. Ke hantle. O tla ema mono.

<sup>418</sup> Hlokamelang, Molimo o Iponahalitse 'meleng oa Oona, Kreste. Joale na le bona mekhahlelo e meraro, e metle?

<sup>419</sup> Kreste 'Meleng oa Hae, Kereke, a ntse a netefatsa Lentsoe la Hae la pallo, joalokaha Molimo a entse ka Kreste.

<sup>420</sup> "Ke mang ea ka Nqosang ka sebe? Ekare ha Ke sa etse mesebetsi ea Ntate, ebe Ke—ebe e hlolehile kae? Joale lona mathaka le itlalehang le e etsa, lona phutheho ea bolumeli joale, joale Mpontšeng. Yaa. Mpontšeng moo Ke hlolehile ho ba Messia. Bontšang moo Ke hlolehile, ka pontšo e le 'ngoe eo Molimo o boletseng Messia a tla e etsa, hore ha Ke a e phethisa," A rialo. Le a bona? Molimo 'meleng oa Hae.

<sup>421</sup> Joale Kreste, "Mesebetsi eo Ke e etsang le tla e etsa le lona." Le a bona, le a bona, oona Molimo oo. Le a bona? "Mesebetsi eo Ke e etsang le tla e etsa le lona; le e mengata ho ena, hobane Ke ea ho Ntate," Kereke e tla lula nakoana e teletsana Leseling, le a bona. Ho netefatsa Lentsoe la Hae la pallo. Joalokaha Molimo o entse litšepiso tsa Oona 'meleng oa Kreste, le Kreste o etsa mesebetsi ea Hae e tšoanang 'Meleng oa Kreste, Kereke, le a bona, joale ho tsebisa Sefate sa Hae sa Monyaluoa sephiri sa Oona letsatsing la ho qetela, ho hlahisa litholoana tse neng li le Sefateng qalong.

<sup>422</sup> Shebang, sefate ha se hlahisa lekala, Luthere. E entse'ng? Ha sefate se qala se nyoloha, tholoana ke ena e nyoloha le sona. Ho etsahetse'eng? Ba bopa phutheho ea bolumeli. Eaba mohlaoli o a fihla, Ntate, Molemi, 'me o hlaola seo, ho re, "Le shoele."

<sup>423</sup> Ho nyoloha Mawesele; e nyolohile hantle. E entse'ng? Litholoana tsa khutlela hape sefateng hantle, kahoo A hlaola sefate sa morara, sa eshoa.

<sup>424</sup> Mpontšeng e le 'ngoe, kereke e le 'ngoe. . . Ke batla ho tseba. Ke nkile lilemo tse mashome a mararo a metso e meraro tsa nalane ea kereke. Mpontšeng mohla, nqalong efe, moo kereke efe e kileng ea hlophisa e sa kang ea shoa hona moo. Mpontšeng sebaka se le seng moo ba kileng ba tsoha hape, haese ka lipalo le lintho feela, e seng tsoseletso. Le a bona? Ha e fumanoe. Che, monghali. E felile eohle.

<sup>425</sup> Joale Mohlaoli o ile a etsa'ng? A fihla a le hlaola. Le a bona? La hlahisa tholoana ea mokhatlo oa bolumeli; lilemone sefateng sa lamunu, ka hona A li hlaola, le a bona. Ho le hlahisa, ho se baballa.

<sup>426</sup> Empa pelo ea sefate e hokae? Hantle bohareng. 'Me O li hlaotse kaofela, ho fihlela hantle qhooeng. . .

<sup>427</sup> O na le Peo tlase mona motsong. Joaloka sefate se lenngoeng pel'a linōka tsa metsi, o kenya melao ea Molimo le lerato pelong ea hae. "Me o tla ba joaloka sefate," Pesaleme ea 1, "se lenngoeng pel'a linōka tsa metsi; mahlaku a hae ha a foforeh; ka sehla sa hae o tla beha tholoana ea hae." 'Me ke ena mona hantle. . .

<sup>428</sup> 'Me tholoana e butsoa kae ka potlako? Ka holim'a sefate. Hobaneng? Leseli le e chabetse. Amen! Ke hantle. 'Me hantle hlorong ea sefate, matsatsing ana a qetelo, O hlahisa Sefate sa Monyaluoa.

<sup>429</sup> Joale hopolang, ke Eena Sefate seo sa Bophelo, khahlano le "peo ea noha," le a bona. Ke Eena Peo eo, "Peo ea mosali," Sefate sa Bophelo tšimong. "Me esere ba isa matsoho a bona 'me ba sisinya Sefate sena, ba ka ja Sefate seo 'me ba phela kamehla." 'Me ke Eena feela Sefate se ka jeoang, hore le tle le pehele kamehla. Lentsoe la Hae ke Bophelo. 'Me haeba leo e ne e le Lentsoe, Lentsoe la Molimo leo Eva a le hanneng tšimong ea Edene; ka hona Kreste ke enoa, Lentsoe, le bonahatsoang.

<sup>430</sup> 'Me mohla A neng a fihla lefatšeng, E ne e le Sefate sa Bophelo. Na le lumela seo? [Phutheho e re, "Amen."—Mohl.] 'Me Roma, ba ile ba etsa'ng? O ile a lokela ho rengoa. 'Me O ile a fehoa sefateng sa lihlong, "ho rohakoe ea fehiloeng sefateng," ho fetoha thohako ea moloko oa batho.

<sup>431</sup> 'Me joale ka seo, O hlahisa Sefate sa Monyaluoa, sona e ne e tla ba Sefate sa Bophelo se khutliselitsoeng ho Eena, joaloka Monna le Mosadi tšimong ea Edene, (oh, tlotsiso ho Molimo) ka lona Lentsoe leo le Molimo oona oo o bonahalitsoeng ka ho Monna le Mosali, sona Sefate seo sa Monyaluoa hape.

<sup>432</sup> Lemohang, ho e tsebisa! Joang. . . Khele, ho na le lintho tse ngata haholo feela mona, re ka tsoelapele feela. Lemohang, Sefate sena, sa 'Mele oa Kreste, tšimong. Ho etsahatsa, joale ho tsebisa sephiri sa Hae ho Sefate sena sa Monyaluoa.

<sup>433</sup> Shebang, ba lopolotsoe ke Kreste, Adama oa bobeli. Le a lumela E ne e le eená? [Phutheho e re, "Amen."—Mohl.] Ho

khutlela Hae, Edene, le mosadi oa Hae ea oeleng a lopolotsoe khutlela Hae hape. Eo ke Kreste ka Kerekeng kajeno, a khutlisa Mosali oa Hae hape. Na le bona sephiri se menahaneng hararo joale? [“Amen.”] Molimo o bonahatsoang ka ho Kreste; Kreste o bonahatsoa ka Kerekeng; bohole ‘moho, ho khutlisetsa Adama le Eva oa pele hape, monna le mosali, e leng ntho e le ‘ngoe, ba entsoe ka Mali a le mang le Moea o le mong, le ntho e ‘ngoe le e ‘ngoe.

<sup>434</sup> Kereke ke Mali a Kreste, ka Moea, hobane e—e Bophelo bo Maling. Eo ke kolobetso ea Moea o Halalelang e re kolobeletsang ‘Meleng oa Hae, e elelloang ‘Mele oa Hae feela, nama ea Hae, Lentsoe la Hae. [Moena Branham o phathatsa Bibele ea hae—Mohl.]

<sup>435</sup> Mokhatlo o ke ke oa khona, le ka mohla ho ama seo. Ke tšenolo. O a e tseba. Ho joalo le ka Eva o e tsebile, empa a tlola; empa enoa o a e tseba, ‘me a ke ke a tlola. O khethiloe! Alleluia! Shuu! O khethiloe hore a se ke a tlola. A ke ke a hloleha. O reretsoe eona pele. “Ho lehlohonolo motho eo Molimo o sa ‘malleng sebe.” Lona bareri le tseba seo ke buang ka sona, athe mona ho batla ho lutse tosene tse ‘maloa tsa lona. Le a bona? “Ho lehlohonolo motho eo Molimo o sa ‘malleng sebe,” Davida.

<sup>436</sup> Lemohang, ho lopolla hape, ‘moho le Eena, ho ea Hae; ho khutlela Bophelong Bosafeleng ka ‘mele oa motho, ho ja, ho noa, ho phela kamehla. Esaia o boletse, “Ba tla haha matlo ‘me ba lule ho ‘ona, ba leme lirapa tsa merara ba je tholoana. Ba ke ke ba haha e mong a lule.” Bana ba ke ke ba e nka, empa ba tla lula teng le mahlomela a bona. O tla e haha ‘me a lule mono. Amen. “Ha a hahe, ‘me e mong a je; o a haha ‘me o a ja, ka boeena.” Amen! Ke’ng? Monyaluoaa oa Hae o khutla le Eena, a lopolotsoe ho khutlela ho Adama le Eva oa mantlha hape, hoba lefu le siloe ka morao. Ba hetla morao sefapanong ‘me ba bona hoba lefu le lefiloe.

<sup>437</sup> ‘Me joale, ka tumelo, re tsositsoe le Eena, re lutse libakeng tsa Leholimo hantle hona joale, ho hetla morao ho se re lopolotseng; ho emela Monna ho fihla, ho hoanta ho ea Hae le Eena.

<sup>438</sup> Morero oa Molimo o menahaneng hararo, o bonahalitsoeng ho Adama le Eva, le moporofeta e mong le e mong, le ho theosa le mengoaha, le eo Ea tlang ho tla; Ea neng a le teng, Ea leng teng, le Ea—Ea tlang ho tla. Ponahatso eohle, tšenolo ea Lentsoe la Molimo, Adama le Eva ba khutlela Hae hape, ba lopolotsoe, Molimo o a Itsebahatsa!

<sup>439</sup> Teng O tla lula Teroneng ea Davida (ho joalo?) ‘me o tla busa lichaba tsohle ka lere la tšepe. Ho tla ba le e—e sefate mahlakore a mabeli, le sechaba ka seng se kenang, pholiso ena e tla ba bakeng sa . . . mahlaku ana ke ho folisa lichaba. Marena a tla tlisa tlota ea ‘ona ho oona. Ha ho letho le ka silafatsang, kapa letho le tla kena le ka mohla. ‘Me Thaba ea Sione e tla ba le Leseli holim’ a

eona, motšehare oohle le bosiu, 'me balopoloa ba tla tsamaea Leseling leo. Oh, alleluia!

<sup>440</sup> Ho nahana, ha se tšōmo, ha se mohopolo oa mofuta oa thuto ea bolumeli. Ke tšenolo ea Jesu Kreste, ka Lentsoe la Hae, le phatsimang ho feta, ho bile joalo mongoaheng. 'Me Ke 'nete mongoaheng ona. Ke 'Nete mona joale. Ke 'nete ho 'na, Ke 'nete ho lona, le monna le mosali e mong le e mong ea tšoereng tšenolo ena. Amen.

<sup>441</sup> Le ho bona Molimo ka Sebele a Itsebahatsa, le ho Ifuthisa ka bophelo, hore u motšoaruoa oa Hae joale. U motšoaruoa oa Hae oa lerato. Lefatše le ka tšeha, la ba soma, ho re, "Tsoa." U ka ea, empa u motšoaruoa. Le a bona? Basali ba bang ba ka tšoantšisa Hollywood, empa e seng uena. U motšoaruoa. Amen. Le a bona, u mohōlehuoa oa Kreste. Banna ba bang ba ka tsuba le ho noa le ho tsoella, ha ba batla joalo, 'me ba ipitse Bakreste, batikone, esita le bareri, empa e seng lona. U mohōlehuoa, mohōlehuoa oa Lentsoe. E, monghali. E, monghali.

<sup>442</sup> Ho tsebisa Sefate sa Monyaluoa oa Hae sephiri; ea lopolotsoeng ke Kreste, Adama oa bobeli; ho khutlela Hae, ho busetsoa Edene ea mantlha, a lokolotsoe lefung, ho kula, masoabi, lihlong, ho khutlela morao le Bophelo Bosafeleng.

<sup>443</sup> Hape, mamelang, batho ba bangata hakana ba tšoere mohopolo o phoso. E—e... Ho sokollela batho Bokresteng, le 'musong oa eona, ha se mohopolo oa Molimo ho hang. U re, "Re sokollela batho Bokresteng ka 'muso oa Hae." Ha se eona. "Che, ha baa lokela ho noa. Ha baa lokela ho bua leshano." Na le a tseba Bomohamede ba ka phatsima ho feta? Na le a tseba bahetene ba Afrika, banna bao ba batšo, 'me ba na le melao har'a meloko ea bona e phatsimang ho feta ntho efe eo Bokreste bo ka e hlahisang.

<sup>444</sup> Khele, nkile ka etela morabe oo oa Mashangana mono. Ekareha ngoanana a e-so nyalo e lilemong tse itseng, o tlameha ho tlohela e—ho tloha morabeng, ho tlosa ferefē ea hae ea morabe. O kena motseng; ke moleleri feela. 'Me haeba a... Pele a nyalo, o tlameha ho fetisoa litekong tsa boroetsana ba hae. Haeba a fumanoa a febile le monna e mong, eena... o tlamehile ho bolela hore ke mang, 'me bobeli ba bolaoa, 'moho. Uh-huh. Oh, ba ka khona—ba ka phatsima ho feta bana ba bitsoang...

<sup>445</sup> Ho ka thoeng haeba u ka etsa hoo ho bana ba bitsoang Bakreste? Liphesente tse mashome a robong a metso e robong tsa bona li ne li tla shoa pele letsatsi le chaba. Ke hantle. Ke hantle, banna le basali. Le a tseba ho joalo.

"Eng?" U re, "Be, ke hloekile!"

<sup>446</sup> "Ea shebang mosali ho mo lakatsa o se a mo febile pelong ea hae" Joale ho ka thoeng ka seo? Ho ka thoeng ka uena, khaitseli, ea ipepesitseng ho monna ka mokhoa o joalo? U molato joalokaha eka u e entse. Le a bona?

<sup>447</sup> “Oh, empa ho lokile.” Molisa o tšaba ho rialo, hobane hobane’ng? Lintlu-khōlō tsa hae tsa mokhatlo oa bolumeli li tla mo leleka ha a ka fina selelu ka taba eo. Ke mafutsoeloa. Ha ba nke Lentsoe. Lentsoe le boletse hoba ke ’nete. Jesu o boletse hore ke ’nete, ’me Ke Hlooho.

<sup>448</sup> Joale hlokamelang, Molimo o a Itsebahatsa. Ha se, ha re a lokela ho sokollela meeaa Bokresteng ka ’muso; empa ka tšenolo, Kreste ka ho lona, joalokaha Molimo o ne o le ho Kreste. Joalokaha Molimo a ne a le ka ho Kreste, Kreste ka ho lona! Athe, seo Molimo o se entseng ka ho Kreste, Kreste o se etsa ka ho lona! Ke mehlolo emekakang eo Molimo o e entseng ka ho Kreste, Kreste o e etsa ka ho lona! Oh, na seo ha se setle? Uh! Oh, khili! Ke rata seo.

<sup>449</sup> Jesu o itse, “Ka letsatsi leo,” leo ke letsatsi lena. “Ka letsatsi leo,” mohla tšenolo ena e tsebahatsoang, “le tla tseba hobane Ke ho Ntate, le hobane Ntate o ho ’Na; ’Na ke ho lona, le lona ka ho ’Na.” Mohla tšenolo e bonahatsoang, “Ka tsatsi leo le tla tseba hobane ’Na le Ntate re Bang; Ke ka ho Ntate, ’me Ntate o ka ho ’Na.” Joale ha tšenolo e hlahla, joale ke, “’Na ka ho lona, le lona ka ho ’Na.” Ke lona bao. Ho bona mekhahlelo, hararo e mena- . . . Bakeng sa eng? Ho e khutlisa. Re tlameha ho . . .

Joalokaha Jesu e ne e le Lentsoe la Molimo, O netefalitse ho tšoana.

<sup>450</sup> Hola E—hola E ne e se Lentsoe, A ka be a sa bonahatsa Lentsoe, E ka be e bile moithuti ea itseng e moholo oa thutamolimo. Eo e ka be e bile messia oa sebele eo lefatše le neng le mo batla. Le a bona? E, monghali, e ne e tla ba eena.

<sup>451</sup> Ke seo ba se batlang kajeno, ba bang—ba bang—motho a ka fetang Billy Graham, kapa motho e mong ea ka pupetsang ka mokhatlo oa bona, ho nyoloha le ho bontša Mabaptise ao hoba ha ba tsebe moo ba emeng. Ehlide. Ba batla seo. Empa Kereke e batlana le boikokobetso le lipontšo tsa Molimo o phelang, Kreste.

<sup>452</sup> Jesu e ne e se setsebi se seholo sa thuto ea bolumeli. E ne e le Mofutsana ea tloaelehileng, mora oa ’metli, ea bitsoang joalo. Le a bona? O tsamaile hohle, empa Molimo . . . O itse, “Ba bang ba lona le Mpontše seo Bibele e bolelang hoba Ke tla se etsa, seo Ke sa se bonahatsang.”

<sup>453</sup> Ka hona Kereke e ka etsa ntho e tšoanang le kajeno. Seo Kreste a se entseng, le Kereke e se etsa le joale. “Ka letsatsi leo le tla tseba hobane Ke ka ho Ntate, ’me Ntate o ka ho ’Na; ’Na ka ho lona, le lona ka ho ’Na.” Le a bona? Ke eo, ho hoanta ho ea Sione, ho ea (kae?) ’Musong! “Ka letsatsi leo le tla tseba hore Ke ka ho lona.”

<sup>454</sup> ’Me hlokamelang mona. Mona, e ntle. Ha ke batle hore le fose sena. Joale motho e mong le e mong, le lona batho ba teiping, ka ntle likhoeng le hohle moo le E utloang, joale mamelang.

<sup>455</sup> “Me joalokaha Ntate a Nthomile, le ’na Ke le roma joalo,” Jesu o boletse. Le a bona? Joale hlokamelang. Ntate ea Mo romileng o kene ka ho Eena, ho Inetefatsa ka nepo, hoba E ne e le Lentsoe. ’Me eena Jesu ea u romang, o tsamaea le uena le ka ho uena, ho netefatsa oona Molimo oo. “Joalokaha Ntate a Nthomile, ’me Ke phela ka Ntate; le ’na Ke tla le roma joalo, ’me lona le phela ka ’Na.” Eena Ke eng? Ke Lentsoe. U phela ka Lentsoe. Oh, kamoo nka ratang ho nka mohlolithero ka taba eo, le ho rera joale lihora tse ’maloa ka eona, le a bona, ka taba eo, kamoo A neng a . . . ka seo. Hlokamelang, hlokamelang, “Me Ntate ea Nthomileng,” o tsamaile le Eena. Ntate ea romang . . . Jesu ea re romang o kena kahare.

<sup>456</sup> “Ho se ho se ho kae ’me lefatše ha le sa tla Mpona, empa lona le tla Mpona, hoba Ke,” lereo la motho, “’Na,” Motho, Jesu, “ke tla ba le lona, le ka ho lona, ho isa bofelong ba lefatše. Mesebetsi eo Ke e etsang le tla e etsa le lona.” Joale khutlelang morao ’me le bone seo A se entseng, le bone seo le se etsang, le nt oo ipapisa.

<sup>457</sup> “Me joaloka matsatsing a Nohe, ho tla ba joalo ho tleng ha Mora motho. ’Me joaloka matsatsing a Lota,” mohla Billy Graham le Oral Roberts ba ile ba theohela Sodoma ’me o ile a rerela Basodoma bao, ’me a foufatsa mahlo a bona, le a bona, ka Evangeli. Lengeloi le le leng la sala ka morao, Lenqosa le Abrahama le sehlapha sa Bakgethoa, ’me O ile a hlakisa pontšo ea mofuta ofe? Le a bona? ’Me Abrahama o ile a ’Mitsa eng? Elohim, Molimo o bonahalitsoeng nameng. Jesu o a bontša hore Eena ka Sebele, Molimo ka ho Eena, o tla bonahatsoa ka ho Monyaluo oa Hae matsatsing a qetelo! Oh, khili, khili! Feela ha ho moo e fellang; tšenolo ea Molimo feela! Ke ea Bosafeleng, e tsoelapele le joalo le joalo.

<sup>458</sup> Elang hloko, ke hona, e mong Ea joaloka Adama le Eva ba mantlha, pele sebe se ba arola ka lefu; joale Kreste, Adama oa bobeli, ka Bophelo, o lopolla Monyaluo oa Hae lefung, ’me joale tseleng ea Hae e khutlelang Edeneng ea mantlha, ho busetsa Monyaluo oa Hae ka poelano ea setsoalle, morao ’moho le Molimo, joaloka ka Monna le Mosali, ka tšimong ea Edene, Kreste le Monyaluo oa Hae.

<sup>459</sup> ’Me Molimo, ka tsatsi leo, “Muso o tla neheloa Ntate; hore E tle e be tsohle ho bohle.” “Etlare a sa bua, Ke tla utloa.” Davida, Kreste, Davida ea lutseng Teroneng, Khosi holim’ a moloko ’ohle oa batho. “Me etlare ba sa ntse ba nahana, Ke tla tseba seo ba se hopotseng. Pele ba bua, Ke tla ba araba. Phiri le konyana li tla fula hammoho. Tau e tla ja joang joaloka poho, ’me li tla fula hammoho li bothe. Ba ke ke ba etsa hampe leha e le ho senya Thabeng eohle ea Ka e halalelang,” hantle morao Edene hape, ka thata kamoo e ka tsamaeang kateng!

<sup>460</sup> Ke oo morero oa Hae o menahaneng hararo. Oho Molimo, re thusé ho e tseba! Re thusé ho e tseba!

<sup>461</sup> Mamelang ka hloko joale hape ha re tsoelapele, ho khutlela Edene ea mantlha.

<sup>462</sup> Ka hona haeba re tsoetsoe ke Eena, re tlatsoa ka Eena. Le a bona, bophelo ba hau, Bophelo ba Hae bo ka ho uena. Joale, liketso tsohle tsa rona li lokela ho Mo tumisa.

<sup>463</sup> Joaloka ho ntša—ho ntša bophelo sefateng se seng le ho bo kenya ho se seng. Ho ntša bophelo sefateng sa pere le ho kenya sefate sa apole, se tla beha lipere. E loketse joalo, hoba lero, bophelo bo ho sona, kokoana ke sefate sa pere. Ho lokile.

Ka hona, liketso tsohle tsa rona li lokela ho Mo tumisa.

<sup>464</sup> Re na le Lebitso la Hae. Na ho joalo? [Phutheho e re, "Amen."—Mohl.] Re lokela ho jara Lebitso la Hae.

<sup>465</sup> 'Me hopolang, hona joale rona, joaloka Monyaluo oa Hae, re emere ka Moea oa Hae. Oh, khili! Kereke, e tsoalang bana, le a bona, e emere ka Moea oa Hae ka Lebitso la Hae; ho jara Lebitso la Hae, ho jara Bophelo ba Hae; ho hlahisa lipontšo tsa Bophelo ba Hae, tse hlakang ka ho nka maemo a pele, bopaki ba tsoho ea Hae; ho bontša hore ha A shoa, empa o phela kamehla le mehla. Bona ke Bophelo Bosafeleng, 'me bo netefalitsoe, bo netefaletsa lefatše hore re phela ka ho Eena. Shuu!

<sup>466</sup> U tseba joang, kahobane u le setho sa kereke? Hobane, Kreste o phela ka uena, ho emarisoa ke Moea oa Hae hakaale ho fihlela u—u le motšoaruoa nqa ntho efe eseles. U koaletsoe, oh, khili, Evangeling, u tlannge Lentsoeng, 'me bana bohole bao u ka ba tsoalang ke ntho eo, hoba u motšoaruoa.

<sup>467</sup> U ke ke oa feba; u se u le moimana. Khanya! A ke ke a itšoarella. Popelo ea bophelo e koaletsoe ntho efe. U se u le oa Hae, ka boitherelopele. Peo eo e tsohetse Bophelong; ha ho lefatše le ka kenang. Oh! Oh, re rata hakakang ho lula tabeng ena nako e ka etsang hora! Ke a kholoa le a utloisia. Le a bona? Kreste, le oa Hae a inotši, ho se ho phethehile. Peo e ne e se e le teng mono. Peo e ne e le teng, e se e le teng. E ne e behoe neng mono? "Pele ho motheo oa lefatše, re ne re reroele nqa Bophelo Bosafeleng pele." 'Me hang feela ha mophula o fanang ka Bophelo o phalla, Peo eo e robetseng mono... Lipeo tse ling li ne li ka sitoa ho kena feela, li ke ke tsa khona ho itšoarella, feela li ne li ke ke tsa khona ho e etsa, joalo. Empa eitseha Peo eo e kena, ea thiba popelo ka potlako; peo e 'ngoe eohle ea lelekaoa kantle, le a bona, ka mokhoa oo.

<sup>468</sup> 'Me o fetoha motšoaruoa, ho teeloa hare, ka ho Kreste. Kreste ka ho lona, Bophelo ba Hae bo hlahisa bopaki ba Hae, lipontšo tsa Hae. Oh, khili, khili, khili! Shebang, ho hlahisa lipontšo tsa Hae tsa Bophelo e le bopaki ba tsoho ea Hae, ho pakela lefatše hore Bophelo Bosafeleng, ho netefaletsa lefatše hore re phela ka ho Eena. 'Me ho e nahana, ho phela le Molimo, Molopolli oa rona, Ea re bopetseng morero ona, Kereke, 'me Bophelo ba Hae bo bopang bo ka ho rona.

<sup>469</sup> Ke hore, Moshe a ka be a itse, ka Lentsoe la Molimo, “Ho hlahe hore,” mme ha hlaha lintsintsi. Molimo o ka etsang lintsintsi o ka etsa mesamane. Le a bona?

<sup>470</sup> O ka etsa sohle seo O se batlang. O ka bopa. O ka etsa ntho efe. Ke Molimo. Oona Molimo oo, Bophelo boo bo bopang, le a bona, bo leng ka ho uena, bo ka . . . U motšoaruo; u ke ke oa e bua ho fihlela A re e bue. Empa, ha u buile, ke Lentsoe la Molimo. O e netefalitse hore e joalo. Ntho e ’ngoe le e ’ngoe e lokile, ’me O a tseba, ha ntho eo e buuo; a, e loketse ho ba joalo. Le a bona?

<sup>471</sup> Moshe a nka lere la hae, a re, “Lihohoana li be teng,” hoba Molimo o itse, “Lihohoana li be teng.” O mpile a e fetisa feela. Ke hantle. ’Me lihohoana tsa hlaha ka har’ a ntho e ’ngoe le e ’ngoe, linqanqane li ne li le hohle. Li ne li tsoa kae? Ha ho mang ea tsebang. Li ne li le sieo pele. Empa ’Mopi, Molimo, ea sebetsang ka motho, o ile a bōpa lintho, mofuta o phelang.

<sup>472</sup> Oona Molimo o entseng senqanqane sa pele o ka etsa senqanqane sa bobeli. O etsa lihohoana tsohle. Oh, khili! Na le bona seo ke se bolelang? Ho etsa sehlora sa pele, ho etsa sehlora sa bobeli, ho etsa sehlora sefe; o ka etsa lihlora moo lihlora li leng sieo. O ka etsa eng eo O e batlang! Ke Molimo! Ke Molimo! Bophelo ba Oona! Oh, khili! Ha ke e nahana, e a nthothometsa! Uh-huh.

<sup>473</sup> Oh, ho phela le Eena, ho ea Hae le Eena, ho phela le Eena! Ho ea Hae le Eena ho ea phela le Eena kamehla, ho ba le Bophelo Bosafeleng!

<sup>474</sup> Sena ke sephiri se seholo sa lerato la Molimo se bontšitsoeng, hore Molimo le motho ba ka ba bang. Le a bona? Ntho eohle ke Molimo le motho, bang. Molimo le motho ba ne ba le bang, mono; ’me Molimo le motho ba bang, mona. Le a bona? Ke eng? Ho tlatsoa ka Moea oa Oona, Oona o nkile maemo a pele. Eo e ne e le katleho ea Molimo, ke morero oa Molimo ho etsa hoo: hore O tle o be ka ho Kreste; le Kreste ka ho rona; le rona bohole ’moho, bang. Moea o Halalelang, eona ntho eo; E ile ea e senolela Kreste, ho e senola mona; Matla a maholo a popo. Oh, khili!

<sup>475</sup> Oona Molimo o neng o ka—o ka bua tsena tsohle ka Moshe, “Lihohoana li be teng,” Oona o neng o ka ema mono, “Metsi ana a fetohe veine.” Le a bona? Amen. Na ho joalo? [Phutheho e re, “Amen.”—Mohl.] Ke Molimo ona oo, Oona oo.

<sup>476</sup> O mpa o sa fetohe feela. Ke Molimo ka har’ a motho. Ke ponahatso ea Oona eo. Ke seo O ntseng o se senola. Ke seo O lekang ho se etsa, ’me Lentsoe la Molimo ka Sebele le a E senola. Ho a bontša hore motho a ke ke a bopa; Molimo ke ’Mopi. ’Me ha e sa hlola e le motho; ke Molimo ’Mopi, ka ho motho, e leng Kereke ea Oona joale. Amen!

<sup>477</sup> Ho ea Hae Lehelimong, ho phela le Oona, kamehla. Molimo o bonahatsa lerato la Bosafeleng ho Kereke.

<sup>478</sup> Mamelang, mamelang ka hloko joale. Ha ke batle ha le ka hloleha ho fumana sena. Ha ho kereke e 'ngoe, ha ho pontšo e 'ngoe, ha ho kopano e 'ngoe, ha ho 'muso o mong, ha ho bopaki bo bong, ha ho tumeloana e 'ngoe, ha ho phutheho ea bolumeli, e amoheloang kathoko ho Sena. Molimo ha o amohele letho lesele haese seo, "Kreste ka ho lona, tšepo ea Khanya," eona feela ntho eo Molimo o e hlomphang. Ha ho kopano, ha ho kereke, ha ho tumeloana, ha ho phutheho ea bolumeli, ha ho letho; tse ling tsohle li shoele. Ke meleka e tlamehang ho ponngoa, ho hlaoloa nthong eo, hore Kreste a tle a phele a inkele maemo a pele ka ho uena.

<sup>479</sup> Ha ke bue ke lebisa morao! Mona ke tšoere lekala le leng, le reng, "Ke mokhatlo oa ka." Hoo ho loketse ho hlaoloa, le hona. "Ke tšoere *hore-le-hore* hoa ka mona. *Sena* se bua sena. 'Mè oa ka o tla mpitsa mohalaleli-mothethehi." Hoo ho loketse ho hlaoloa, le hona. Le a bona? "Be, kea tseba monna oa ka o batla ha ke apara dishotso tsena." Hoo ho loketse ho hlaoloa, le hona. Le a bona? E tlameha ho hlaoloa le ho pongoa ho fihlela e le uena le Kreste feela, le le bang. Le a bona? Uh!

<sup>480</sup> Nahanang! Ka Boteng bo phelang ba Kreste ea phelang ka Lentsoe le phelang; oh, Kreste ea phelang, Boteng bo phelang, Lentsoe le phelang! Shebang! Ka boperesone ba Hae ka Sebele, netefatso ka boperesone e paka Kereke ea Hae.

<sup>481</sup> Eseng litho! Ha A eso e etse joalo le ka mohla, matsatsing a Moshe. Ha A eso e etse matsatsing a mang kapa mang; pheletsong ea lefatše, mohla ho ne ho fihla sebaka sa tšenyeho. Matsatsing a Lota, e ne e se lengolo la botho. E ne e le netefatso ea moperesone, Molimo nameng, le a bona, netefatso ea moperesone.

<sup>482</sup> Hopolang! E nahaneng, hoo, batho ba tsoetsoeng ke Moea oa Hae, letsatsing le kang lena, mongoaheng o moholo ona oa mokhatlo oa bolumeli oo re o phelang ho ona, 'me Molimo o phelang o nka Lentsoe la Oona le phelang le—le ho Le netefatsa, ka seqo, Bophelo bona bo leng ka har'a Lentsoe, lefi le leng ka har'a Peo! 'Me Lentsoe ke Peo eo mojali a tsoileng ho e jala. 'Me Bophelo ke Kreste, ka har'a Lentsoe, ka seqo ka ho uena; ho netefatsa seo u ka sitoang ho se etsa, ho Ipaka hore ha se uena, empa e le Eena. 'Me le fetoha bang, e—e—e lekhoba la lerato ho Eena, ho ba Monyaluo.

<sup>483</sup> Ho lebohuoe Molimo o phelang O hlolileng maholimo le lefatše le tsohle tse mahareng! Ha ho makatse, "Ke Alfa le Omega, Qalo le Qetello; Ea neng a le teng, ea leng teng, le ea tlang ho tla; Motso, le Lehlomela la Davida; Naleli e phatsimang ea Meso." Ke tsohle-ho-bohle.

<sup>484</sup> Boteng ba Hae, ka har'a motho ka bomong, ka netefatso ka boperesone e bonahatsang Eena ka Sebele, Lentsoe le phelang le tšepisitsoeng letsatsi, le Itlhalosa ka uena, netefatso ea tšenolo e kholo ea Molimo. Shebang, ka har'a motho ka bomong feela,

le ka mohla ha se ka har'a sehlopha! Motho ka bomong; e seng ka har'a sehlopha! Boitsebahatso ba Oona bo ka ho motho ka bomong. Le tšoara seo? [Phutheho e re, "Amen."—Mohl.] Ha se Methodise 'moho, ha se le Baptise, ha se Presbeteriene, ha se Maluthere, ha se Mapentekosta, empa joaloka motho ka bomong!

<sup>485</sup> "Ke tla nka e mong, le ho tlohela e mong; Ke tla ba arola." Ke hantle. "Ba babeli tšimong; Ke tla nka e mong 'me ke tlohela e mong. Ba babeli liphateng, 'me Ke tla nka e mong le ho tlohela e mong."

<sup>486</sup> Ha se sehlopha. Ke netefatso ka boperesone ba ngoana oa Molimo ea emereng, ea tletseng Moea o Halalelang, ea inehetseng Molimo hoo a sa tsotelleng letho. 'Me Moea o Halalelang o phela Bophelo ba Oona, o futha ka eena, ho bontša ka seqo—netefatso ea Lentsoe ka seqo, ka Bolona, le Itthalosang ho batho le ho lefatše.

<sup>487</sup> Lefatše le ka tsamaea joang ka bofou le feta ntho e kang eo mohoalotso? Joalokaha Makatolike a fetile Santa Patrick mohoalotso 'me ba sa ka ba mo ela hloko ho fihlela kamora lefu la hae. Ba entse hona hoo ka Santa Martin, ha ba ka ba e elelloa. Ba entse ntho e tšoanang mengoaheng eohle.

<sup>488</sup> Ba entse hona hoo ho Joan oa Arc. Kereke ea Katolike e mo chesitse, ho thoe ke moloi, hoba e ne e le motho oa moea. Lilemo tse ka bang lekholo le mashome a mahlano hamorao, ba epolla setopo sa baprista bao 'me tsa lahleloa ka hare, ka pako.

<sup>489</sup> E feta pel'a bona mohoalotso, 'me ha ba e elelloe ho fihlela e fetile. E thonaka feela Peo e reriloeng pele eo Molimo o e rerileng pele ho motheo oa lefatše. Eona ntho eo e hlahile matsatsing a Nohe, ntho e tšoanang e hlahile matsatsing a Moshe, matsatsing a Elia, matsatsing a baporofeta, matsatsing a Jesu, ho theosa joalo ho fihlela hora eona ena. Motho ea emarisitsoeng ke Peo ea Molimo, Lentsoe ka mono le a Iponahatsa, o inehetse thato ea Molimo hoo Lentsoe, homme Lentsoe feela, le Iponahatsang ka ho motho enoa, motšoaruoa, ho motho a le mong.

<sup>490</sup> Ha se ho re, "Kereke ea ka . . ." Joale, "kereke ea ka" ha e amane le eona ka letho.

<sup>491</sup> Ke motho a le mong, moperesone a le mong! Lihele tsohle li khahlano le Thuto ena. Lihele tsohle li khahlano le 'Nete ena, empa ke 'Nete.

<sup>492</sup> Jesu ha a ka a re, "Joale, Petrose, uena le Johanne, le batho ba bang bohle, le fumane tšenolo, joale kereke eohle e bolokehile." Che.

<sup>493</sup> E ne e lebisitsoe ho eena, ka seqo. "Ke re ho uena, uena" e seng ho bona, "ho uena, u Petrose; holima lejoe lena Ke tla haha Kereke ea Ka." 'Me lentsoe Petrose, le bolela "lejoe." *Lejoe* le bolela "ea ipolelang," kapa, "ea ikarotseng."

<sup>494</sup> Holim'a lejoe le itseng, holima ntho e itseng; le a bona, ba bitsitsoeng, Kereke e bitsitsoeng; holim'a *lejoe* lena, holim'a ena "tšenolo." "Ha se nama le mali tse u senoletseng eona. Empa holim'a tšenolo ena, sehlopha se bitsitsoeng, Ke tla haha Kereke ea Ka ka ho bona. 'Me likhoro tsohle tsa lihele li ke ke tsa e hlola."

<sup>495</sup> "Ha ho le moriri o le mong oa hlooho tsa lōna o tla timela. U oa Ka! Ke tla le tsosa ka tsatsi la qetelo, ho mo fa Bophelo Bosafeleng, le ho mo tsosa matsatsing a qetelo." Ke eo, tšenolo. Ha se bona; empa "eena," motho ka bomong! Ha se sehlopha; motho a le mong! Lihele tsohle li kahahlano le eona.

<sup>496</sup> Empa sephiri sa Oona se senoletsoe Monyaluoa oa Hae ea ratoang a le mong. Ke eena feela ea neng a ka e bona.

<sup>497</sup> O itse, "Esaia o buile hantle ka lona, baikaketsi ting, noha har'a joang. Le a tsoa mona le re, 'Oh, baporofeta ba baholo ba halalelang! Re tsoaea mabitla a bona. Re a ntlaufatsa.'" A re, "Ke lona le kentseng mono." Na O e buile?

<sup>498</sup> O ne a ka bua hona hoo ho likereke tsa Katolike matsatsing a bona, mohla ba neng ba romeloa baporofeta ba Khale—Testamente ea Khale pele ba hloma Nicaea, Roma holimo mono, le bakhethoa. Baporofeta bao ba khale ba tsoile mono, ba eja mangangajane le lintho tse tsoang mobung, ba sa apara le liaparo, ba phuthetsoe ka matlalo a nku, 'me ba leka ho emela 'Nete eo ea Bibele. Empa kereke ea Katolike e ne e batla mohopolo oa bohlalefi ba eona. Eaba ba ntša... Mono ha fihla Santa Ireneus, Polycarp, Martin, ba bang kaofela. 'Me ba ile ba etsang? Ba ba kenya lebitleng, Joan oa Arc, Santa Patrick, le ba bang bohole. Ba ile ba ba kenya ka mono, joale ba khutla 'me ba soeufatsa mabota joaloka ha ba entse Joan of Arc. Ba ile ba etsa'ng? Ba ile ba ba kenya ka mono!

<sup>499</sup> Ke ntoo bua, ha Moea oa Oona o u bitsa, "Mabota a soeufalitsoeng! Baikaketsi ting, le ipitsa ntho e itseng, athe le nka mohopolo oa hlalefo ea motho, le tlohela Lentsoe. Sebakeng sa ho tla le ho emarisoa ka Peo ea Molimo, Lentsoe ka ho lona, le nkile lenyalisoa le leng le le leng lesele." Ha ho makatse ha a lutse joaloka "sehlola," hobane eena "o etsa bohlola ba moea," ho ruta batho lintho tsa batho e seng tsa Molimo.

<sup>500</sup> Empa O itse, "Se tšabe, mohlatsoana, ke thato ea Ntat'a lōna ho le fa 'Muso." Ke hantle. Ruri. Ke moo re e fumane.

<sup>501</sup> Bibele, ho Tšenolo, e itse, "Motse o moholo ona o ne o busa marena 'ohle a lefatše." Ha thoe e ne e le "seotsoa." Ke eng hoo? Mosali ea ipolelang hore ke mofumahali 'me a etsa bohlola. "O ne a tšoere senoelo letsohong la hae," sa ho tipa-tipa, nqa lefatše, "sa... se tletseng litšila tse manyala tsa bohlola ba hae." 'Me o ne a ena le barali, likereke tsa Protestant, e 'ngoe le 'ngoe e tsoa ho eena ka lithuto tsona tsa hae tsa bohata, likolobetso tsona tseo, le ka ho tsukutlana ka matsoho, sebakeng sa kolobetso ea

Moea o Halalelang; le thuto ea bona ea bohata ea “Ntate, Mora, Moea o Halalelang,” le tseo tsohle, sebakeng sa ho nka Lebitso la Monyaluo . . . Monyali, le joalo-joalo.

U re, “Ha e etse phapang ea letho.” E etsa joalo.

<sup>502</sup> Ha nka ngola lebitso la ka holim’ a cheke, ‘me ke re, “reverende,” ho “moreri,” kapa a mang, le ke la lokolla letho. Ke hantle. E latotsoe bankeng. Uh-huh. Hlokamelang. Ho lokile.

<sup>503</sup> Empa liphiri tsena tsohle li senotsoe feela, joalokaha A tsepisitse, ho Monyaluo oa Hae. Lihele li khahlano le ’Nete ena, ea tšenolo ea sephiri sena. Empa Monyaluo o eme holim’ a eona. Ke kemo ea Hae eo.

<sup>504</sup> Hobaneng le lapile, Kereke, hobaneng le nyoriloe? Ke Ntate ea lekang ho le senolela lekunutu lena le patiloeng. Empa le lumella lintho tse ngata ho e ntša ho lona. Le lumella mosebetsi oa lona, ho lumella mosali oa hau, ho lumella monna oa hau, ho lumella bana ba hau, ho lumella lipelaelo tsa lefatše, ho lumella molisa e mong, ho lumella motho e mong ho ntša seo ho uena, athe u tseba tlase pelong ea hau u nyoriloe, u lapile. Ke Molimo o lekang ho u senolela eona, le a bona, tšenolo. Letsatsi la ho qetela le fihlile. Hlokamelang joale.

<sup>505</sup> Ha re shebeng morao hape. Ha ke khone ho feta hona hohle. Le a bona? Ke batla le shebe feela mona motsotso joale, ‘me re tla koala metsotsong e ’maloa feela. Le tla . . . Mpheng feela maikutlo a lona a sa arohanang motsotso.

<sup>506</sup> Hlokamelang, Bakolose, temana ea 18 mona. Bukeng ea Bakolose, temana ea 18.

*Joale ke eena hlooho ea kereke, e leng ’mele: ke eena qalo, letsibolo la bafu; hore a—a tle a be le maemo a pele nthong tsohle.*

<sup>507</sup> “Ke Hlooho ea Kereke, e leng ’Mele oa Hae, ‘me O batla maemo a pele.” Mamelang joale, mamelang ka hloko re sa tsamaea. Eng? Eka khona E be Hlooho ea ’Mele, ‘Mele oa Monyaluo oa Hae, o nkuoeng ho Eena; nama le lesapo, joaloka ho Adama, le a bona, Monyaluo.

<sup>508</sup> “Ho tsoaloa ho tsoa bafung,” le a bona, ke hore, ho tsoaloa ho tsoa bafung, sebe sa ho se lumele.

<sup>509</sup> Eva o bolaue ke eng? Ho se lumele. Ho joalo? Ho se lumele ha bona ho eng? Ka, lebaka la ho se lu . . . ho se lumele ho Molimo? Che. O ne a e-na le tumelo ho Molimo. Ehhlile. Na o itse, “Ha ho Molimo”? Che, monghali. E ne e se mohanyetsi. “Be,” o itse, “u a tseba, ha ke lumele Lentsoe la Oona ho hang”? Oh, che. O lumetse tsohle haese ho le hong feela. Le a bona?

<sup>510</sup> Joale na Bibele ha e a bolela, koana Bukeng ea Tšenolo, Jesu o buile ka Sebele, “Ke ’Na—’Na, Jesu, ke romileng lengeloi la Ka ho le pakela taba tseo”? “Ekareha e mong a tlosa Lentsoe le le leng ho Eona, kapa a eketsa lentsoe le le leng ho Eona.”

'Me efela ha masisapelo ana 'ohle le masoabi a ne a tlamehile ho hlaha kahobane mosali a belaetse Lentsoe le le leng la Molimo, na O tla u lumella ho khutla u ntse u belaela Lentsoe le le leng? Ekabe'ba O hloka toka. Uh-huh. Le a bona? Le a bona, hoo ho ka be ho sa loka. Ahlotsoe . . .

<sup>511</sup> Monna e mong ke enoa o eme mona, 'me o hlahisitse masisapelo ana 'ohle ka baka la lentsoe le le leng le belaetsoeng; a ntoo tsoelapele a nka lilemo tsa boiphihlelo le ntho eohle, le Bibele le joalo-joalo, le ba bang ba nehetseng mabophelo a bona bakeng sa eona; le ho re, "Oh, u ka tsoela pele ho e ja. Ho lokile, Ke tla u lumella ho khutla, leha ho le joalo"? Oh! Molimo ha u hlomphe motho, empa . . . ? . . . Le a bona? Le a bona? Molimo ha o ee ka tsobotsi ea motho. Joale hlokamelang.

<sup>512</sup> Hlokamelang joale. "Ke Hlooho ea 'Mele" o tsoetoeng ho tsoa sebeng, sa ho se lumele Lentsoe la Molimo. Seo ntle- . . . hoo ho hlakola phutheho ka 'ngoe ea bolumeli, tumeloana ka 'ngoe, le a bona. Ho se lumele Lentsoeng; e leng ena ka Sebele, Lentsoe la Bophelo. Le a bona? Lentsoe, feela, le na le Bophelo. Lentsoe lefe le leng ke lenyalisoa. Ho sa tsotellehe e shebahala joaloka Lona hakae, ha se Lentsoe.

<sup>513</sup> Lentsoe le hlahisa Bophelo ba Lona ka Sebele, boo Eva a kileng a bo fapanyetsa ka tsebo ea botho. Na le bona kamoo kereke e sebelitseng, kajeno? Ka kutloisiso ea motho ea itseng. Moshe o ne a ruile kutloisiso e kholo ea Molimo ho fihlela a kopane le sehlahla se tukang, eaba o bona ho hloleha ha hae. Sehlahla se tukang se ne se tsoere seo Moshe a neng a se na sona. Lentsoe le tsoere seo phutheho ea bolumeli e se nang sona.

"Eena, Hlooho, ke thakangoaha ea tsoho."

<sup>514</sup> Re tla fapoha taba na, "tšenolo"; nakoana, haeba le ka rialo. [Phutheho e re, "Amen."—Mohl.] Ho lokile. Ho lokile, hantle, nakoana feela joale.

<sup>515</sup> "Ke Eena lithakangoaha tsa tsoho." Na ho joalo? [Phutheho e re, "Amen."—Mohl.] Shebang. Ka hona, Eena ke eng? "Ke Hlooho ea 'Mele, e leng Kereke ea Hae, Monyaluo." Uh-huh.

<sup>516</sup> Ka hona, 'Mele-Monyaluoa o lokela ho latela Hlooho, hoba ke karolo ea tsoho ea Hae le karolo ea sephiri. Ha se ntho e ka etsoang hore e se ke ea tsamaea. Oh, khili! Ke karolo ea sephiri sa Molimo, kamoo Molimo o Itsenotseng mona le ho E tsosa ka Lentsoe, ka hona O senola Kereke ea Oona le ho E tsosa ka Lentsoe le tšoanang. Ke karolo ea sephiri sa Oona se menahaneng hararo.

<sup>517</sup> Joaloka ha Hlooho e ne e ntšitsoe lebitleng, le 'Mele o tšoanetse ho Mo latela ho khutlela Edene. Moo, Hlooho ea lelapa, Monna, Monyal; Monyaluo e leng 'Mele oa Monyal, o tšoanelo ho latela, Monyaluo, hobane eo ke Hlooho. 'Me Hlooho e senotsoe, 'me e khutla ka Bophelo Bosafeleng; 'me 'Mele o tšoanelo ho latela seo, hobane ke Monna le Mosali hape. Amen!

'Me ha feela u emaritsoe ke Lentsoe lona leo, e leng 'Mele oa Hae; u nkile 'Mele oa Hae, ho kena ka ho Eena, ha u ne u nka Lentsoe. Eseng tumeloana; Lentsoe! Oh, khili!

<sup>518</sup> Na hoo ho ke ke ha rala thero ea thapama ena, ho tsoella? Huh? Khele, na hoo ho ke ke ha babatseha? Le a bona? E nahanten feela joale, seo e leng sona.

<sup>519</sup> Ka hona, 'Mele u ke ke oa lemoha . . . Le se ke la hloleha ho sena. 'Mele, ka hona, o ke ke oa lemoha hlooho efe haese Lentsoe. Hobane, e—e Hlooho e hokahane le 'Mele, 'me Hlooho ke Lentsoe, 'me ke Lentsoe le tšoanang, Hlooho e le nngoe! Ka baka leo, mekhatlo ea malumeli, le bontate ba halalelang, le ntho eohle, ke bolokoe bo shoeleng. Hlooho e 'ngoe, ke Kreste. 'Mele o lemoha ntho e le 'ngoe feela, Lentsoe!

<sup>520</sup> Joale mpontšeng moo motho a kileng a kolobetsoa, 'Meleng, ka lebitso la "Ntate, Mora, Moea o Halalelang"? 'Me le lemoha eng? Le a bona, ke a elelloa ke bua le likete, teiping, le a tseba, 'me re na le tšebeletso ea liteipi lefatše ka bophara. U kolobelitsoe ka lebitso lefe? "Hobane ha ho lebitso le leng le abiloeng tlas'a leholimo," ho boletse Lentsoe, "leo motho a ka bolokehang ke lona." Haeba u kolobelitsoe, ho bontša tumelo ea hau ho Kreste, 'me ebe u nka lebitso la tumeloana, joale u lenyalisoa. Haeba ha u sa tšoane le kereke eo hantle le ho tšoana le thuto ea bona hantle . . .

<sup>521</sup> Ka hona, lona batho ba Katolike, le a bona, le ka kena joang tlas'a bolaoli ba mopapa joale, ho thoe ke mohlahlami ho ea ka tlhahlamano ea boapostola, ho tsoa ho Kreste- . . . ho qala ka Petrose, 'me mopapa enoa le kereke ena ba ruta khahlano le Lentsoe lena la pele leo Molimo a le hlomphileng, ka mehlolo le meeka, ho ba Kereke ea Hae? Le ho bona lona Lentsoe leo le hlahisoa kajeno ka hloeko ea Lona, ho bontša eona tsoho eo A bileng le eona mono, Molimo o phela har'a batho ba Hae, o etsa tsona lintho tseo, le ntano hlompha hlooho ea Roma?

<sup>522</sup> Hlooho ea rona e Leholimong. ha ke ee Roma; ke ea Leholimong mohla ke shoang. Le a bona? Le a bona? Hlooho e Leholimong.

<sup>523</sup> 'Me 'Mele o tšoanelo ho sala Hlooho morao, joaloka mosali ha a sala monna morao. Erekaha e se Adama ea thetsitsoeng, o tsamaile le Eva. Eva o ile a thetsoa, o ne a le tlolong, ho seng joalo tsoho eohle ea 'Mele 'ohle e ka be e hlahile mohla Morena Jesu ha A ne a tsoa lebitleng. Empa O ne a loketse ho Mo lopolla, e leng 'Mele oa Hae. O loketse ho lopolloa hore a tle ho Eena. Le a bona? [Phutheho e re, "Amen." —Mohl.] Oh khili! Le a bona, e ka be e sa etsahala mohlang oo. Topollo e ntse e tsoelapele.

<sup>524</sup> Joale le bona Litiiso? Mehleng eo A leng mosebetsing oa Hae oa bobuell morao mono, a ntse a lopolla, empa ka tsatsi le leng O tlela ho nka Buka ena eo A e lopolotseng. 'Me tsohle tse ka hare ho Buka ena e tla ba Eena, hoba eo ke molumeli, mantsoe a

Bukeng, 'me Lentsoe ke Eena. 'Me tsohle tse ka har'a seo, O tlela Buka ena ea Topollo, bao mabitso a bona a ngotsoeng Bukeng pele lefatše le theoa, mohla A ne a hlajoa joaloka Konyana.

<sup>525</sup> 'Me ke Enoa kajeno, ka har'a Lentsoe la Hae, a bonahatsa eona ntho eo A e entseng mono. A ke ke a hlompha hlooho e 'ngoe. Che, monghali. Ha ho mobishopo, ha ho letho. O hlompha Hlooho e le 'ngoe, ke Kreste, 'me Kreste ke Lentsoe. Oh, khili! Shuu! Ke rata seo. Uh! E, monghali.

<sup>526</sup> Joaloka ha Hlooho e ne e ntšoe lebitleng, le 'Mele oa Hae o tšoanetse ho Mo sala morao ho kena Edene. Ka baka leo, 'Mele o ke ke oa lemoha hlooho e 'ngoe, haese Hlooho ea Lentsoe.

<sup>527</sup> Ha ho phutheho ea bolumeli e ka beang letho ho Eona. "Ekare ha e mong a tlosa Lentsoe le le leng ho Eona, kapa a eketsa lentsoe le le leng ho Eona, le hlakotsoe ho Eona." U shoele, lebaseterere, hantle mono. O khutletse mona, bopaki bona bo matsohong a hae, "litšila tsa bohlola ba hae, ho etsa bohlola ba moea," khahlano le lona Lentsoe leo a ipolelang a le lumela. Le a bona?

<sup>528</sup> Ka baka leo, ke Lentsoe, kapa le letho. Ke hantle. Eena, Lentsoe! U tseba joang hore e nepahetse? Eena, Lentsoe, le netefalitsoe. Le a bona? Eena, Lentsoe, le netefalitsoeng ka nepo, ke Hlooho, Hlooho ea Kereke. Ke Lentsoe, Hlooho. O tsebahatsa ka nepo, tsebahalitsoe, netefalitsoe, ka Moea oa Hae ka Sebele o leng ka har'a Kereke ka Boeona, motho. Ho Iponahatsa, ka netefatso, ke bopaki bo otlolohileng ho 'Mele 'ohle. Ha u hloke litumeloana, ke hona. Mekhatlo ea bolumeli e timetse. Empa Hlooho ka Boeona, e lemohuo 'Meleng ka boitsebahatso ba motho, le a bona, ho Itsebahatsa, hoo ho paka Hlooho ho 'Mele. Ka hona, re kopane tlas'a Hlooho e le 'Ngoe e netefalitsoeng, ke hore, Kreste, Lentsoe la Molimo [Sekheo lebanteng—Mohl.] eseng tlas'a kereke efe feela.

<sup>529</sup> Joale, Hlooho ea rōna ke 'Muso. "'Muso oa Molimo o ka ho lona," ho boletse Bibele, Jesu. 'Muso! Ha re phutheho ea bolumeli. Re litho tsa 'Muso, 'me 'Muso ke Lentsoe la Molimo le entsoeng Moea le Bophelo maphelong a rona ka sebele, ho phethahatsa tsepiso e 'ngoe le e 'ngoe letsatsing lena, joaloka ha e entse letsatsing leo mohla Lentsoe le Molimo e neng e le ntho e le 'Ngoe. 'Me Lentsoe le Molimo ke ntho e le 'ngoe ka Kerekeng ea Hae kajeno, ho Le etsa Hlooho ea 'Mele o lopolotsoeng, ho hlahisa Molaetsa letsatsing la ho qetela; le ho nkeloa holimo ho tsoa bafung, ho kena tsohong, ho khutlela morao le ho khutlisetsa hape, joaloka Adama le Eva, tšimolohong tšimong ea Edene. Sephiri sa Molimo se menahaneng hararo, 'Mele oa Hae! Oh, khili!

Elang hloko joale, joaloka lipapisong, Israele ea khale. [Sekheo lebanteng—Mohl.]

<sup>530</sup> Na ke nka nako e ngata haholo ho eona? [Phutheho e re, "Che."—Mohl.] Se ntumelleng, le se ntumelle ho ea haholo... Joale mamelang. Joale ha re a salloa ke letho haese maqephe a ka bang mashome a mabeli ho feta. Le a bona? Le a bona? Empa joale ke... Nakoana feela joale, 'me joale—joale ke tla le lesa bohole ho fihlela lehlabula le tlang, kapa nako e 'ngoe, ha Morena a ratile. Le a bona?

<sup>531</sup> Joale shebang. Lemohang joale, ho kopana 'moho tlas'a Hlooho e le 'ngoe, ka mokhoa o tšoanang, papiso ea Israele oa mehleng. Joale na le a e tšoara? Joaloka Israele oa mehleng; Molimo o le mong, o netefalitsoeng ka Topallo ea Mollo, 'me a Itšenola ka moporofeta, ho ba Lentsoe. Oona Molimo, Topallo ea Mollo e tšoanang, ka eona tsela eo; A ke ke a fetola tsela ea Hae. Na ho joalo... E phethahetse feela kamoo e ka khonang. Na ha ho joalo? Le a bona? [Phutheho e re, "Amen."—Mohl.]

<sup>532</sup> Molimo o le mong! Israele e ne e na le Melimo e mekae? [Phutheho e re, "Mong."—Mohl.] Monyaluoia o na le e mekae? ["Mong."] Ho tla ba le ba bakae le ka mohla? ["Mong."] Ehlide. Ehlide.

<sup>533</sup> Le a bona, tlasa boetapele ba Moea o Halalelang, eona e ne e le Topallo ea Mollo matsatsing a Moshe, moporofeta e moholo. O ne a tataisoa ke Topallo ea Mollo. Na ho joalo? [Phutheho e re, "Amen."—Mohl.] Ho lokile. Ho ea lefatšeng la pallo.

<sup>534</sup> 'Me mongoaheng oa Bokreste, ho ne ho ena le Molimo o le mong o hlahleng ka sebopeho sa Topallo ea Mollo, ho moporofeta ea bitsoang Pauluse, ea rometsoeng ho Balichba, ho ntša batho bakeng sa Lebitso la Hae. Na ho joalo? [Phutheho e re, "Amen."—Mohl.]

<sup>535</sup> 'Me matsatsing a qetelo, o theohile ka mokhoa o tšoanang, ho Inetefatsa, le a bona, ka pontšo e tšoanang, mohlolo o tšoanang, Topallo ea Mollo e tšoanang, Evangelie tšoanang, Lentsoe le tšoanang, ponahatso e tšoanang.

<sup>536</sup> Mmele oa Hae o tla etsa mesebetsi eo A e tšepisitseng, joaloka ho Mareka 16, le joalo—joalo. Mmele oa Hae ha o a ka oa bolokoa lebitleng, empa o ile oa lemohua le Eena tsohong. Na le a e fumana? [Phutheho e re, "Amen."—Mohl.] Ka hona, Mmele oa bana ba Hae ba lumelang o ke ke oa bolokoa lebitleng mohla A tlang, empa o tla tsejоа le Eena, hobane O shoetse morero oa ho tsosa Monyaluoia oa Hae, Mmele. Ho eleloa, hoba ke Mmele oa Hae, hoba ke Lentsoe. O inehetse hakana ka bottlalo ho tsoa linthong tsa mokhatlo, ho Eena, 'me Ke Lentsoe. Le a bona? 'Me o lemohua le Eena hobane joale re na le thakangoaha ea tsoho ea rona, ka ho tseba hobane re tlohile lefung ho kena Bophelong, re fetohile batšaruoa ba Hae. 'Me Molimo, ho re pakela ka Hlooho ea Oona ka hore esale Oona maobane le kamehla, ka ho etsa tsona lintho tseo ka Kereke tseo A li entseng mohlang oo, "Eena ka

ho Nna, le Nna ka ho Eena, ka ho lona,” le a tseba, joalo-joalo. Ke hantle.

<sup>537</sup> Setopo sa hae ha sea ka sa bolokoa lebitleng. Ho lhahisoa le Eena tsohong, joalokaha A le teng joale, mame lang, ho bolelang sena: Lentsoe la Hae, etsoe E le lona, le se le qalile le a tsoha. Lentsoe, leo ho theosa le mongoaha oa Luthere, Wesele, le a bona, le qalile le tsoha ka matla a Lona; ke leo Le qalella ho sisinyeha, eaba Le sisinyeha ho feta, joale Le nyolohela boitsebisong. Le a bona? Shebang. Joale, ho Bophelo bo kahara Mmele, ke netefatso ea hore Hloibilo e atametse. Ha le bona Hlooho le Mmele li fetoha ntho e le Nngoe, le bottlalo ba tekanyo ea ponahatso ea Hae, hoo ho ntša hore ‘Mele o se o le haufi le ho amoheloa ke Hlooho.

Lichaba li a pshatleha, Iseraele e a phaphama.

<sup>538</sup> Le bona seo ke se bolelang? O se a qalile ho neha Mmele oa Hae Bophelo, (hobaneng?) Eena eo A mo lopolotseng. Mosebetsi oa bobuelli o phethiloe, O tlisa Bophelo ba Hae ho Mmele, ka netefatso ea Hloibilo. Hopolang, joale, letsatsing la ho qetela . . .

<sup>539</sup> Haeba ke—ke, ha le ka ntumella, la ‘mamella ka taba ena nakoana, joale—joale, ho tla loka. Ha ke batle hore le e fose. Ke—ke, ‘me ke tlameha ho—ke tlameha ho nka teipi ena joale, kaha ke qalile ho fihlela mona. Polelo e ‘ngoe hape e kholo eo ke batlang ho e bua, haeba ke tlameha ho fetisa lethoana.

<sup>540</sup> Joale hlokamelang. Mamelang sena. Joale ke ntho e kholo. Joale mona re batla ho sheba. Hopolang, matsatsing a qetelo, ho tla khutloa hantle feela le ho netefatsa tsatsi la pele; le a bona, Adama le Eva, monna le mosali, ho se sebe, Bophelo; e ntoo ba tlolo. Hlokamelang, hlokamelang hantle.

Ho mo sothahanya. Uh-huh.

<sup>541</sup> Hlokamelang. E bakiloe ke eng? Lusifera! Lusifera o ntse a etsa joalokaha entse lekhetlo la pele.

<sup>542</sup> Joalokaha ‘muso oa Balichaba o ne o kenngoe, ka Khosi Nebukadnesare, ho netefatsa morabe oa Balichaba ka moporofeta ea neng a ka hhalosa lipuo tse sa tsejoeng, lipono, litoro. ‘Me e theohile har’ a Balichaba, ho se letho, haese feela Bamede-le-Bapersia, le tsepe le joalo-joalo, ‘me maotong o tsoa ka mokhoa o tšoanang hape, ‘muso oa Balichaba.

<sup>543</sup> Hlokamelang Lusifera, matsatsing a ho qetela, o ntse a etsa joalokaha a entse pele. Lusifera o ile a etsa’ng? Ntho ea pele eo Lusifera a e entseng ho arola kopano ea Molimo le motho, o ne a batla ho ikahela ‘muso o kopaneng, o tlakomang haholo le o kang o rutehile ho feta, ‘muso o moholo ho feta Mikaele, oa Kreste.

<sup>544</sup> Le a e tšoere na? [Phutheho e re, “Amen.”—Mohl.] Joale, joale haeba u e fosa, phahamisa letsoho la hau feela, ke tla e phetha, u a bona. Le a bona?

<sup>545</sup> Lusifera, qalong, morero oa hae pelong e ne e le ho finyella ntho e phatsiang le e kholoanyane Leholidmong ho feta Kreste.

Na ho joalo? Ka ntho e bonahalang e rutehile ho feta, e ntle ho feta, le e tlokomang ho feta 'Muso oa Kreste. Na le hopola re tla sebelisa makoloi Lilemong tse Sekete, le lifofane? Le a bona? Na le bona seo Lusifera a se etsang?

<sup>546</sup> Joale, liphutheho tsa malumeli tse kholo tsa hlalefo tse majabajaba li etsa hona hoo, ho phutheha 'moho ho etsa hona hoo. Le a bona? Ba ntse ba phutheha 'moho ba ipopa mokhatlo oa bolumeli, e mong o leka ho hlolisana le e mong. 'Me joale ba phatsima hakaale, ha ba tsebe seo ba ka se etsang haese ho e kopanya le kereke ea Katolike. Le a bona? Lusifera o boela a haha 'muso o moholoanyane, ho sutumelletsa batho ba sa lumelengmekhatlo ea malumeli kantle; esita le ho ba amoha meaho ea likereke tsa bona ho e fetola matlo a polokelo, 'me balisa ba lintho tse joalo ha ba na litokelo tsa letho.

<sup>547</sup> 'Me monna e leng monna ea romiloeng ke Molimo a ke ke a lula mokhatlong oa bolumeli hoba a utloe Sena kapa ho bona Sena, haeba a—haeba a le sebete lekaneng ho tsoa le ho E sheba. Ruri. Le a bona? Ha ke e bue ke nyatsa; ke e bua ka 'nene, le a bona, ho se bona se senoloa.

<sup>548</sup> Hlokamelang, matsatsing ana a ho qetela, Lusifera o etsa hona hoo. Na le a e bona? [Phutheho e re, "Amen."—Mohl.] Liabolosi o etsa hona hoo, ho haha kereke ea lebasetere, lebasetere ka litho tsa lebasetere, lebasetere ka tsebo bakeng la Lentsoe, ka banna ba hlalefileng bakeng sa banna ba tsoetsoeng labobeli, ho haha 'muso oa kelello o tla khanya ho feta mohlatsoana o monyenyanoea Kreste. Le a bona? Hoo ho entsoe ke'ng? Mangeloi a oeleng.

<sup>549</sup> Bibebe e boletse mangeloi a oeleng a ileng a mamela Lusifera sebakeng sa Kreste, athe e ne e le litho tsa Hae pele. Na ho joalo? [Phutheho e re, "Amen."—Mohl.]

<sup>550</sup> Joale mamelang ka hloko, "mangeloi a oeleng." Ke mangeloi a mofuta ofe? Luther, Wesley, Katolike, Mapentekosta, ba sa kang ba tiisetra maemo a bona a pele joalokaha Mangeloi a entse, 'me o oetse mokhatlong, joaloka phuparo e kholo ea Lusifera mane Nicaea. 'Me ba entse'ng? Ho hlophisa selekanehalisa likereke sa bareri, ho etsa "setšoantšo sa sebata," joalokaha Bibebe e boletse. Le ho aha moruo oa Bokreste o tla koala mamati a kereke ena le tse joaloka eona. Na le bona Lucifera mosebetsing oa hae?

<sup>551</sup> Ke leka ho le tlisetsa tšenolo e menahaneng hararo, kapa sephiri sa Molimo.

<sup>552</sup> Ba entse'ng? Ho ithekisa ka ho beha mabaka a bohlale le thuto, joalokaha Eva a entse, mangeloi a oeleng a entse hoo. Wesley e ne e le monna oa Molimo; empa o latetsoe ke'ng? Mangeloi a oeleng a kena teng. Mangeloi e ne e le eng, pele? Libōpuoa tse bōpiloeng tsa Molimo, empa a haptjoa ke bohlale ba Lusifeta, a haptjoa ke Lusifera—bohlale ba Lusifera. 'Me le

bona seo ba fetohang sona? Mangeloi a oeleng. Le mekhatlo, ho tsoa ho banna ba Molimo ba tsoileng ho thea Linnete lefatšeng; le pele 'Nete eo e ka tsoelapele e phatlalla e fetela tšenolong ea makhonthe ea Kreste, ha kena mangeloi a oeleng 'me a e hapa a bopa mekhatlo ea malumeli ka eona.

<sup>553</sup> Ka lona lebaka leo tšenolo ea sephiri se Tiiso-Supa ea na ea lokela ho manolloa.

<sup>554</sup> Joale na le a e bona? Seo ba se siileng, hoja Luther a tsoelapele, e ka be e fihlile mona. Hola Wesley a tsoelapele, hola Pentekosta ea tsoelapele, ba ka be ba entse'ng?

<sup>555</sup> Joale ho ka etsahala ntho e le 'ngoe feela. Eka khona ho fihle Molaetsa nakong ea qetelo, mohla ho seng letho ho O latela. 'Me joale lefatše la likereke le thehile lebotho le joalo ho ke ke ha e-ba le phutheho ea bolumeli 'me ha ho letho le ka e latelang; u kene ho eona kapa ha u a kena ho eona. Tholoana e hlorong ea sefate, 'me Leseli le chabela tholoana eo e reriloeng pele. 'Me e butsoetsa ho tholoana e futsang mokhoa oa Kreste, ho hlahisa bonolo le monate o tšoanang, le 'ona Moea oo A neng a o bolokile ka ho Eena. Ke a tšepa hore le a e bona! Le a bona?

<sup>556</sup> Ke—ke leka ho thesemetsa ho hongata letsatsing le le leng. Na ke a le khathatsa. [Phutheho e re, "Che."—Mohl.]

<sup>557</sup> Ka baka leo, shebang, ba ithekisitse nqa ho beha mabaka, ho ithekisetsa mabaka a phutheho ea bolumeli. "Ha nka ba setho sa *hona* feela! E—e ramotse o kena kereke ena." Le a bona? "Ha nka ba Momethodise, kapa Presbeteriene" Shebang feela moo ba ileng teng. Joale, ke sa tsoa hhalosa, makala ao a hlaotsoe. A shoele. Ha a holehana le Kreste hape; a ka be a hlahisa Bophelo bo tšoanang. Ha a holehana le Bona.

<sup>558</sup> Empa ba—ba itšoanelia le tholoana ea sitrase. Tholoana efe ea sitrase e ka phela ka sefate sa sitrase, empa e tla beha tholoana ea eona. Ha u kenya tholoanamorara ho e—e sefateng sa lamunu, e tla phela ka sefate sa lamunu, empa se tla beha tholoanamorara. O kenya lemone mono, ke tholoana ea sitrase, e tla hlahisa lemone ea khale e bolila, empa e ntse e phela ka bophelo boo. 'Me ke seo mekhatlo e se etsang, tlas'a lebitso la kereke.

<sup>559</sup> Ke Monyaluo eo e leng Sefate sa mantlha, Moea oa mantlha. Tšenolo e tsoa ho Kreste, e seng phutheho ea bolumeli. Kreste! Hlokomelang.

<sup>560</sup> Mokhatlo o leka ho etsa'ng? Ho iphahamisa, joaloka Lusifera. Ba ntse ba ipitsa "Kereke, Monyaluo." Etsoe, ba le ka ho Tšenolo 17, joalokaha e boletsoe, monyaluo oa bohata. Ka holim'a mohlatsoana oa Kreste, Monyaluo; Lusifera o a nahana 'me o iphahamisa ka holima Lentsoe le ikokobelitseng la 'Nete ea Molimo ka tsebo ea tšenolo, 'me o itlhommile ka thuto ea seminari le ka thutabomolimo ebile o ikhomositse. 'Me haeba u se setho sa seholpha sa bona, joale u lehlatsoetsoa ka ntle.

<sup>561</sup> Joalokaha Lusifera a entse qalong, ho bolella batho hantle seo Lusifera a se boleletseng Eva, "Ruri Molimo o tla re amohela! Re fepa mafutsana." Boo ke bottle. "Ruri O tla re amohela. Re phutheho e kholo ea bolumeli. Re kereke e ntle. Khele, shebang meaho ea rona e meholo! Sheba litho tsa rona tse ngata. Re eme re le limilione. Ruri Molimo o ke ke oa latola sehlopha seo."

<sup>562</sup> Le Kaine o entse hoo, ho tlisa litholoana tse ntle tsa mobu oo a o lemileng, 'me a sebetsa ka thata, le ho sebetsa, le ho tlisa litholoana, 'me a hanela mali a nyatsehang a konyana.

<sup>563</sup> Molimo a hauhele, banna le basali ba se nahane ke bua taba ho phahamisa ntho ea mofuta, kapa t̄senolo e itseng ea motho kapa ntho e itseng. Ke le bolella 'Nete feela. Na ha le bone seo ba se etsang? Le a bona? Ke e bua ke phahamisitse lentsoe le ka bohale, empa u tlameha ho batolaka sepekere ho fihlela se ngomela, haeba se tla etsa molemo ofe, le a bona, ho fihlela le e bona. Le a bona?

<sup>564</sup> Joale, ho bolella batho, "Ruri! U batla ho mpolella hore, kerekehali ea rona ea Katolike, esale e eme nako ena eohle, Methodise ea rona e kholo, le tsohle? Shebang baholo-holo ba rona!" Le a bona? Empa ba robile Lentsoe la Morena. 'Me Eva e ne e le oa Molimo, e le setho se seng sa Hae, 'me tonā... t̄sali e ne e le khoabi ea Adama; 'me ka hobane a belaetse Lentsoe le leng la Lentsoe la Molimo, eaba ho felile.

<sup>565</sup> 'Me Lusifera ke enoa mosebetsing oa hae hape, kajeno. 'Me, hopolang, antikreste ha se bokomonisi. Antikreste o bapile le ntho ea sebele haufi, ho fihlela, "Ho ka thetsa le bona Bakhethoa hola ke ntho e ka etsoang," Jesu o boletse, Mattheu 24, "Bakhethoa hola ke ntho e ka etsoang." Lusifera, hape, Lusifera o boetse o qhaqha bonngoe ba Molimo ka ho motho, ka—ka ho theolela Lentsoe la Molimo sekaleng sa hae sa ho beha mabaka. Seo a se hopolang se lokile, le seo a se nahantan, o tlola Lentsoe la Molimo.

<sup>566</sup> 'Me o entse hona hoo mehleng ea Jesu. 'Me Jesu o itse, "Lona, ka lineeletsano tsa lona, le entse Lentsoe la Molimo lefeela."

<sup>567</sup> 'Me mekhatlo ea malumeli, ka menahano ea bohlalefi ba bona bo hlophiloeng bo behang mabaka, e fetotse Lentsoe la Molimo lefeela holim'a batho. Ke hantle. Ha ba khone ho Le bona feela. Joale ba re, "O kae Molimo oa Bibebe?" O teng hantle mona. Ke Bibebe, ke seo A leng sona.

<sup>568</sup> Hlokamelang, joale, Lusifera o kena ka masene, 'me o qhaqha kopano ea Molimo ho motho, joalokaha a entse Edene, ka meleko e meholo ea litsepiso tsa ho ipha matla le boikalakatiso. "Khele, u ka ba bishopo ha u ka itulela le rona. U ka ba molebeli oa lebatooa. Hobaneng u ka ea nthong e kang Eo?" Le a bona, eo ke Pentekosta, Katolike, le joalo-joalo; le a bona, t̄sepiso e kholo ea bohata, ho batho, ho fuoa matla kantle ho Lentsoe le t̄sepiso ea Molimo. Le fuoa Matla mohla Moea o Halalelang o theohelang

holim'a lona, e seng ha u ba bishopo, kapa motikone, kapa ebang e ne e le eng. Le a bona? Empa Lusifera o mosebetsing oa hae hape.

<sup>569</sup> Na kereke ee e utloisia seo? Phahamisa letsoho la hau ke tle ke bone seo. [Phutheho e re, "Amen."—Mohl.] Ho lokile, ha ke sa tla e mamella halelele hape, ke hona.

Ho ikarola, ka thoko ho Lentsoe la Molimo! Le a bona?

<sup>570</sup> O entse sona seo Nicaea, Roma. Na le tseba seo Konstantine a ba fileng sona? Le fetile Mengoaha ea Kereke. O nehelane... Ba ne ba sena letho, haese Kreste feela. 'Me ba ahile meahong e menyenyane ea khale hohle moo ba khonneng, mokatong o thata oa majoe. Le tseba seo, ha u tšoere *Lekhotla La Nicaea*, le *Lekhotla La Pele Ho Nicaea*, le *Bontate Ba Nicaea*, le joalo-joalo, le nalane ea kereke. Ba ne ba se na letho. Empa mohla ba neng ba tšoara lekhotla lena, mme ba sotetsa bohashana ba bohetene ba Roma Bokresteng, le ho bea banna ba halalelang le dibishopo, le joalo-joalo, le bomopapa, le bosaoana bona bohle ba mofuta, Konstantine o ba abetse eng? Ke kopa moithuti ofe oa thutamolimo ho mpolella. O ba file thepa. O ba file tokoloho le sohle seo ba se batlileng.

<sup>571</sup> 'Me ba fapanya Lentsoe la Modimo ka bohlale le setso sa motho! 'Me Lusifera o entse eona ntho eo a e entseng mohlang oo, ea e entseng tšimong ea Edene, 'me ba shoela hona moo. Kereke ea Pentekosta e shoeia Nicaea, Roma, empa e tla tsosoa kahar'a Sefate sa Monyaluo matsatsing a ho qetela.

<sup>572</sup> Hlokamelang, Lusifera o kena, ka mano, joalokaha a entse mohlang oo, le ka liteko le ka litšepiso tsa bohata, tsa matla a kantle, kathoko ho Lentsoe la Molimo. O entse sona seo Nicaea, Roma. O ntse a etsa ka ho tšoana kajeno Lekhotleng la Lefatše la Bolumeli ba likereke.

<sup>573</sup> "Ha re kopaneng bohle," mopapa o rialo. "Ke batla baena ba ka bohle ba bolumeli kantle mono ba kopane le 'na. Re bang." Ke hantle, le bang mekhatlong. Empa seo ha se amane ka letho le Monyaluo oa Kreste; le letho, moena. Le ka mohla le ke ke la Mo hlatsoa nthong e kang eo.

<sup>574</sup> Joale e tšepisitsoe, matsatsing a ho qetela, hore Tumelo ea mantlha nthong eona eo... e tla khutlisetsoa ho bana ba Molimo mehleng ea Sefate sa Monyaluo. Malakia 4, Molimo o itse, "Pele lefatše le chesoa ka mollo, bonang, bonang Ke le romela moporofeta Elia ho lona, 'me o tla busetsa Tumelo ea bana.' Joale, eo e ne e se Elia oa pele ea tlileng. Che, che.

<sup>575</sup> Joale, mona ha re ruta ka sephekha sa Elia le likobo tsa Elia, le lintho tseo tsöhle joalo. Re mpa re ruta Lentsoe la Molimo. Le a bona? Ke seo A se boletseng. Le a bona, re fumana Elia oa mofuta 'ohle sena le Elia sane, e leng bosaoana. Hoo—hoo ke... Re tseba seo. Hoo... Ha ke bue ka seo, 'me lona batho ba kelello tsa moea

le a utloisia. Le a bona, nako e se e palamane haholo, 'me ha ke khone ho e bea kaofela teiping ena, ehlile.

Joale, tsepiso matsatsing a ho qetela. Joale haeba . . .

<sup>576</sup> Jesu o boletse, ho—ho Mattheu, ke a kholoa, khaolo ea 11 kapa khaolo ea 6, le ea 11 . . . Che, ke khaolo ea 11 le temana ea bo 6. Eitseha Johanne a romela barutuo ba hae mono ho bona haeba E ne e le Eena, Jesu o itse, "Le ne le tsoile ho ea bona mang? E—e—e moea . . . lehlaka le tsukutloang ke mee? Na le tsoile ho bona *hore-le-hore?*" A re, "Kapa na le ne le ile ho bona moperofeta?" A re, "Ke ea fetisang le moperofeta." Johanne o ne a fetisa le moperofeta; e ne e le lenqosa la Selekan. 'Me A re, "Haeba le ka e amohela, ke eena ea boletsoeng ke baporofeta, 'Ke tla romela lenqosa la Ka pel'a sefahleho sa Ka."

<sup>577</sup> Joale, mono ke ho Malakia 3, e seng Malakia 4. Hoba, Elisha ea neng a tla tla ho Malakia 4, lefatše le ne le tla chesoa ke mocheso o qhibilisang, 'me ba lokileng ba ne ba tla hatikela melora ea bakhopo Lilemong tse Sekete. Le a bona? Kahoo ha se eena eo. Le a bona?

<sup>578</sup> Joale re bona tsepiso e phethahatsoa. Kreste, Hlooho ea 'nete e a kena, ho kena ho Monyalua oa Hae, ho etsa eona mesebetsi eo A e entseng tšimolohong, le ho hlophisetsa le ho phethisa Lentsoe la Hae joaloka ha A entse, qalong, ho Johanne 14:12, "Ea lumelang ho 'Na mesebetsi eo Ke e etsang o tla e etsa le eena." Ka hona, Hlooho le 'Me ba e-ba Bang, ka mesebetsi le ka pontšo le ka Bophelo, ho netefatsoa ke Molimo ka Sebele ka Lentsoe la Hae la tsepiso bakeng sa matsatsi a qetelo. O tsepisitse sena matsatsing a qetelo. Joale, ha u le motho oa moea, u tla e qhautsa.

<sup>579</sup> Joale, re ka bona hore Selallo sa Lenyalo se atametse. Joale, haeba nke ke ka hlola ke le bona hape le ka mohla, hopolang, Selallo sa Lenyalo se atametse. 'Me 'Muso ho latela tsepiso o loketse ho kenngoa, Lilemo tse Sekete tse kholo, ho nkkeloa holimo ha Kereke, le ho timetsoa ha bakhopo. 'Me lefatshe, tlas'a Tiiso ea Botšeleta, le tla hloekisoa ka digase tsa volekano, ho tlosa bobolu bohle le sebe sa lefatše le ho le bopa bocha hape, le ho hlahisa Lilemo tse Sekete tse ncha tse khanyang bakeng sa mongoaha o tlang ho tla.

<sup>580</sup> Ha e le moo, re bona tsena tsohle, tšenolo e kholo e menahaneng hararo: Molimo ka ho Kreste; Kreste ka ho Kereke; 'Muso o tlang. Adama le Eva ba lopolotsoe ho khutlela tšimong ea Edene, ka papiso ea Kreste le Monyalua oa Hae, 'me ke moo 'Muso o tlang ho khutlisetsoa ho latela tsepiso ea Hae. Ho bokoe Molimo! Joale, ka tšenolo ea sephiri se menahaneng hararo, lekunutu, le ka Lentsoe le netefalitsoeng ka botho ka Hlooho ea Hae ea mantlha!

<sup>581</sup> Ha se ho re, "Be, tlotsi ho Molimo, re a hooeletsa; alleluia, re a bina." Seo, ha se eona. Ke moromuo. Ke potile hasupa, ha e le hantle, lefatšeng hohle. Le a bona? Ke bone bahetene, matemona,

le ntho eohle, e hobela 'me e hooeletsa. Ke bone liponahatso tsa nama tsa mefuta eohle. Tsa nama.

<sup>582</sup> Empa ke bua ka Bohlooho ba Kreste. Hlokome lang, ho tse bahatsoa ke Hlooho ea mantlha ka seqo, re tšoere karabo potsong ea diabolosi. Amen! Khanya! Re tšoere karabo potsong ea diabolosi. Eena, Kreste, o tsohile 'me o lefile theko, le ho tsosa Hlooho... kapa 'Mele.

<sup>583</sup> Liabolosi ha a khone ho e mamella. Ke ka baka leo mebuso ena ea bolumeli e hlongoang. Ke ka lebaka leo ba kenang bohle ho seo ba se etsang joale. Liabolosi, ke lona lebaka leo a boholang kamoo a etsang kateng. Bokhopo ba hae bo se bo... leano la hae le upolotsoe ke ea tsohileng, Kreste ea tsositsoeng ka Bohlooho holim'a 'Mele oa Hae. Khanya!

<sup>584</sup> Na le nkhopola ke lahlahetsoe ke kelello? Ha ke joalo. Re tšoere karabo ea diabolosi. "Ha se 'na ea phelang, empa Kreste ke Lentsoe le phelang ka ho 'na." Ha se mohopolo oa ka; ke Matla a Hae. Ha se mohopolo oa ka; ke Lentsoe la Hae. O e tšepisitse; ke ena. O itse e tla fiha mona, 'me ke ena. Re fumane karabo ea hae.

<sup>585</sup> Kreste o tsohile 'me o lefile theko ea topollo ea rōna. Seo Molimo ka ho Kreste a se bonahalitseng, O nehelane ka nama eo, hoo le Mali; hore Bophelong ho tle ho tsoe Mali, 'me ho lopolloe nama, hore—hore Molimo nameng ena e lopolotsoeng a tle a bonahatse Lentsoe la Hae la letsatsi joalokaha A entse letsatsing leo. Shuu! Khanya!

<sup>586</sup> Le a e bona? [Phutheho e re, "Amen."—Mohl.] Oh, khili! Nka emisa neng? E hlokome leng. ["Tsoelapele!" ]

<sup>587</sup> Ke moo, re emang re behiloe ba lokileng ka pel'a Sefahleho sa Molimo. Joaloka lerotholi la enke le rothetsoang ka har'a e—e—e bate e tletseng bolichi, ha u sa fumana letheba la enke. E ile nqa e 'ngoe. Ha e sa tla hlola e khutla. 'Me ha motho a lopolotsoe ka 'nete, Peo eo e reriloeng pele e a Le bona 'me e a Le amohela, libe tsa hae li a timeletsoa. E nyametse. E arohane. E rothetsoa ka har'a enke ea—ea Mali a Jesu Kreste, 'me ha e sa tla hopoloa. Molimo o a e lebala. 'Me o eme joaloka mora le morali oa Molimo, ka pel'a Sefahleho sa Molimo. Amen le amen! "Joale re bara ba Molimo." Ha se hona re *tla* ba bona; re bona! Joale re lopolotsoe.

<sup>588</sup> Re fumane karabo ea Satane. Molimo o Iponahalitse. Molimo o Ipakile, ho ea tšepisong ea Hae letsatsing lena. Alleluia! Hlooho e teng mona. Amen! Kreste, Morena ea tsohileng, o mona ka Matla a tsoho ea Hae ao A kileng a ba le 'ona, ho Iponahatsa. Karabo ea liabolosi ke eo.

<sup>589</sup> Ke ka baka leo ha monna enoa ea lutseng mona, a ne a shoa a oela fatše letsatsi le leng, a lutse mona, re ne re ka re, "Khutlela, bophelong!" Hoba, Moea o Halalelang o ne o itsalo.

<sup>590</sup> Ka lona lebaka leo e ne e ka etsetsa lesea leo hona hoo koana Mexico, le neng le se le shoele lihora tse ka bang leshome le

metso e mehlano, mohla pono e ne e fihla e re, "Le busetse hape ho dea... bophelo." Le ho re, "Leseanyana le phele." 'Me lesea leo lingaka li ngotseng setatemente ka lona, le shoele ka hora ea borobong hoseng hoo, 'me hora ea leshome le motso o mong bosiung boo la khutlela bophelong; le a phela kajeno.

<sup>591</sup> Ke'ng? Ha se batho bao. Hlooho le 'Mele li fetohile ntho e le 'ngoe. Ke Molimo o bonahatsoang ka har'a batho ba Oona. Ke ka baka leo monna le mosali ba sa hholeng ba le babeli; ba bang. Molimo le Kereke ea Hae ba bang, "Kreste ka ho lona," Tšenolo e kholo ea Molimo. Khanya ho Molimo! Esita le ho jara Lebitso la Hae; Lebitso la Hae ke Jesu, Motlotsuo. Lebaka leo A bitsoang Jesu ka lona, Ke Motlotsuo. Ke 'Mele o tlotsitsoeng oa Kreste, o pakang, o bonahalitseng Molimo joaloka ha 'mele Oo o entse. 'Me 'mele Oo oa lopolla ntho e 'ngoe le 'ngoe ea sena, mebele ena, 'me ka hono Molimo o sebetsa ponahatso ea Oona e menahaneng hararo, ho ea 'Musong. Ho tsoha, ho lefa theko! Re lopolotsoe. Molimo o e pakile, o e netefalitse. Le a bona?

<sup>592</sup> 'Me re eme re beiloe ba lokileng ka ho Kreste, ka pel'a Hae. Hobane, A ke ke a liha kahlolo, hoba O se a ahlotse 'Mele oo, oo ke leng karolo ea oona. Eng, 'na ke karolo ea eona joang? Ke Ena; E ka ho 'na. "Haeba oa Ka... le lula ho 'Na, le Mantsoe a Ka ho lona, seo le se buang... Kopang Ntate eng le eng ka Lebitso la Ka, e tla etsoa, hobane E teng." Beiloe ba lokileng! Khanya ho Molimo!

<sup>593</sup> Oh, hoja nka etsa hore lefatše le bone seo! Hobaneng? Ke lona bao. 'Mele oa Kreste o phelang ke oo, o eme o lopolotsoe. Lopolotsoe! Oh, khili!

<sup>594</sup> Ho beoa ea lokileng mahlong a Hae! Hobaneng ha re beiloe ba lokileng? Re tlholo ea Hae. Kereke ke tlholo ea Hae. Re hlahella matsatsing ana a qetelo ka Evangel ena e tlotlehang, e supang ho hlola ha Hae. O shoetse morero ona, 'me rona re bopaki ba ho hlola ha Hae. Amen! Ha re 'Mona a theoha 'me a phela mahareng a Kereke, ke ho hlola ha Hae hoo. Ho bontša hore o ne a ke ke a Mo boloka lebitleng, le bona ba ke ke ba re boloka. Ke hantle. Re tlamehile hantle. 'Me re se re, ka setšoanelo, re tsositsoe, hoba re tsohile bafung, ho se lumele Lentsoeng la Oona, ho tloha litumeloaneng tsa mokhatlo oa bolumeli, ho ea Lentsoeng la Bosafeleng la Molimo oa Bosafeleng; e leng Eena, ka Sebele, ea sebetsang ka rona, a Iponahatsa e sa le Eena maobane, kajeno, le kamehla.

<sup>595</sup> 'Me hape Lentsoe le tsamaea le theoha hantle le kena 'Meleng, ho tsoa Hloohong. Ke eng? Lona Lentsoe lena. Ha ho letho le ka eketoang kapa la tlosoa ho Lona. Ka hona lona Lentsoe leo le tloha Hloohong, ha Letsatsi le ntse le atamela, ho theoha ho kena 'Meleng, tlase ho kena 'Meleng, ho netefatsa hore ba Bang. Ke Monna le Mosali. Ke nama ea nama ea Hae, Lentsoe la Lentsoe la Hae; Bophelo ba Bophelo ba Hae, Moea

oa Moea oa Hae. Le a bona? Amen! U e tseba joang? E paka hona hoo, tholoana eona eo, Lentsoe le tšoanang. Le a bona? Ho bonahatsa Kreste; Bophelo bona boo, Molimo o le mong, Moea o tšoanang, Lentsoe le tšoanang, Buka e tšoanang! Amen! Matšao a tšoanang, “Linthro tseo Ke li etsang le tla li etsa le lōna.” Oh, alleluia! Khele!

<sup>596</sup> Lemohang, Lentsoe le netefalitsoeng ‘Meleng oa Hae ke eona tlholo ea Hae le morero oa lefu la Hae. Le a bona, lefu, e seng ka nqa ea Moea; mohla A neng a shoa, O shoele feela ka nqeng ea nama. Moea oa Hae o ile liheleng ‘me oa rerela meeaa e teronkong. Ho joalo? Nama ea Hae, feela, e ile ea shoa, eaba O e tsosa hape ‘me a e phelisa. *Tsosolosa* ho bolela “phelisoa,” Nama ea Hae, eona e ne e le ‘mele oa Hae. ‘Me hoo ke Lentsoe. Haesale robetse le shoele ka lilemo, empa butle-butle Le qala le kena hlabollong, ‘me joale Oeme ka maoto a Hae!

<sup>597</sup> Oh, ekare nka be ke fuoa nako ho khutlela ho Ezekiele, le ho ntša “masapo ao a omeletseng,” le ho le bontša. O itse, “Ana masapo aa a ka boela a phela?”

A re, “Porofeta!”

<sup>598</sup> Bopropfeta bo ka tla joang? Feelaa ka moporofeta. Ke Lentsoe la Morena. “Utloang lona, masapo a omeletseng, Lentsoe la Morena!” ‘Me mesifa, letlalo la a aparela, ‘me a ema e le lebotho le matla, a qala a hoanta a tobile Sione. Khanya ho Molimo! Ke Eena eo. Ke Eena, tlholo.

Balopolloa ba Morena ba tla tla Sione ka  
thabo,

Lithabeng tsohle tsa Oona tse halalelang ba ke  
ke ba etsa hampe kapa ho senya. (Huh.)

<sup>599</sup> O paka Bophelo ba Hae ba tsoho ka hona ka ho Inetefatsa. Eena, Monyaluo, o ikhethetse kathoko ho ba bang bohle. Ke Mosali ea ikemetseng, Nonyana e kholo e mechato-chato e ikhethile ho tse ling tsohle. Le sa hopola Bibele ka seo, “Nonyana e kholo e mechato-chato.” Empa, O ne a tšoere Lebitso la Hae, O ne a tšoere Bophelo ba Hae. Bakeng sa . . .

<sup>600</sup> Ba ne ba thale nonyana eo mebala joang? Bobeli li ne li le tšoeu, ‘me eaba ba poma hlooho ea nonyana e ‘ngoe ‘me ba tomuletsa mali holim’ a nonyana e ‘ngoe. ‘Me nonyana e ‘ngoe e ne e le maqapha a mali a mafubelu, ‘me ea phutla mapheo a eona *tjena*, ‘me mali a hooeletsa, “oa halalela, oa halalela, oa halalela,” e ntse e kolobisa fatše.

<sup>601</sup> Ka hona Kreste, Molekane ea shoeleng, o kentse Mali a Hae, Mali a Hae a tsoang Bophelong ba Hae, ka ho rona;fafatsa- . . . ho jara Mali a Hae, le ho hoeletsa, “Oa halalela, oa halalela, u halalehile, Morena!” Ke nonyana e shebehang e le mokhelo. Ehlide, e joalo. Empa Eena, Monyaluo, o—o tsebahatsoa ke Eena, ‘me O ikhethetse kathoko ho tse ling tsohle. “Ho phelela eena feela matsatsi ‘ohle a ho phela ha lona ba babeli. O phelele

Eena feela, Lentsoe,” che, ha ho bohlola, ha ho pontšo e le ’ngoe ea mokhatlo, ha ho pontšo e le ’ngoe ea tumeloana, ha ho bohlola ho hang. Lentsoe, ’me Eena feela!

<sup>602</sup> “Ke ema holim’ a Kreste lefika le tiileng, litša tsohle ke mahlabathe a tebang,” ho boletse Eddie Perronet. Uh-huh.

<sup>603</sup> Ke eona, Kreste, Lentsoe! E ne e le Lentsoe; Ke Lentsoe. ’Me Kereke e fetoha Lentsoe, ka Eena ka ho Mo etsa karolo ea Hae, ’me hoo ke Lentsoe hape. O tsebahalitsoe ke Eena ka seqo, thepa ea Hae feela! Thepa ea Hae feela! O lopolotsoe ke Eena, ka Eena, bakeng sa Hae, le bakeng sa Hae feela. Ke hantle. Ebe, seo liabolosi a boholang ka sona, hore e senotsoe.

<sup>604</sup> Re nakong e kotsi. Hopolang, Lengolo le re, ha lintho tsena li qala li etsahala, “nako ha e sa le teng.” Le a nyamela, ha re bona ponahatso.

<sup>605</sup> “Litšisinyeho tsa lefatše.” Le bona likete tse bolailoeng letsatsi le leng? “Litšisinyeho tsa lefatše libakeng tse fapaneng.”

<sup>606</sup> Ho re, “Lintho tse tšosang leoaping, litopallo tsa mollo,” joaloka, tse fefohang e ka lipirinki tse fofang. Ha ba tsebe seo e leng sona. Le a bona? Ha ba na mohopolo oa letho.

<sup>607</sup> Na le hlokometse Mangeloi a theohileng, a hhlahlobileng Sodoma pele Sodoma e timetsoa? Le sa hopola seo? [Phutheho e re, “Amen.”—Mohl.] Ho theohile sehlophsa sa Oona, a bararo a Oona. Le leng la Oona la sala le Abrahama. Na le hopola seo? [“Amen.”] E ne e le Maseli a tsoang Leholimong, a theohileng kahlolong e fuputsang. Le leng . . .

<sup>608</sup> Shebang moo ’ohle a fumanoang teng. Tikolohong ea Matla a Sesole, le lintho, ba li fumana. Eo ke kahlolo ea lefatše, Sodoma. ’Me e Mong ea bapisitsoeng ke eo, o tla emeloa har’ a likereke, e tla be e le Kreste ka Sebele, a ntse a Inetefatsa. Le a bona? “Limaka ho e . . . holimo maholimong, le lipontšo tlase lefatšeng.” Ruri.

<sup>609</sup> Ho tsebahatsoa! Oh, liabolosi o bohola ka sena: ’Nete e bonahalitsoeng ea tsepiso ea Lentsoe ka ho Eena feela.

<sup>610</sup> Ha ba tšoara karabo. Mohla Jesu a neng a fihla, hobane’ng Bafarisi bao ba sa khona? O itse, “Ekareha Ke leleka batemona ka monoana oa Molimo, lona le ba leleka ka mang?” Le a bona? O ne a eme a le mong.

<sup>611</sup> ’Me Kereke ea Hae e eme e ’notši. Ha ba bofshoa ke letho. Empa O ile a bonahatsoa ke Molimo, e le ’mele oo Molimo a neng a ahile ho ’ona; ’me Kereke e bonahatsoa ke ’Mele oa Hae, e etsa ntho eona eo. Ke ’Mele oa Hae, ’Nete e bonahalitsoeng ea Lentsoe la Hae la tsepiso ea matsatsi a qetelo. ’Me Eena, homme Eena a le mong, o ema le Lona. Ke ka hona liabolosi a boholang, mekhatlohal ena, ho hlophisa ntho e ka Mo koallang. Ba ke ke ba e etsa le ka mohla. O tla nkela holimo, e seng ho koalloa. O

tsohile joale, le ka matla a Lentsoe le netefalitsoeng la tsepiso ho Eena. Amen!

<sup>612</sup> Kamoo Monyaluo a tsoarang tsepiso eo kateng! “O mpoleletse hore O tla khutla ho ntata. Ke tla e lumela.” Uh-huh. Le a bona? E, monghali. Ho kopana le Hlooho ea Hae, Molopolli oa Hae, Monna oa Hae, Khosi ea Hae, ’Musi oa Hae, Moratuoa oa Hae, Mopholosi oa Hae, sebakeng se hlophisitsoeng sa kopano!

<sup>613</sup> O hlophisitse sebaka ho kopana le Bona. Le a tseba, Eena—Eena . . . Monyali ha a siee letho. O tsoere lesale, boitsebiso. O tsoere seaparo seo A se aparang, seaparo sa Hae. Le a bona? ’Me O hlophisitse nqalo ea ho kopana le Eena, mono ke sebakeng. Tsohle li abiloe. O se a hlophisitse Selallo sa Lenyalo; baeti ba memiloe, ba khethiloe. Mangeloi ’ohle a eme ka nqa tsohle, bahlanka ba Oona, ba eme pasha. Oh, oh, oh, oh!

Oh, ho tla ba le kopano sebakeng,  
Monateng oo, monateng koana;  
Ke tla kopana le uena, ho kopana le uena Teng  
Lehaeng leo mose ho sebaka;  
Pina e kaalo e kileng ea utluoa, ke litsebe tsa  
motho,  
Ho tla khanya, ke a tiisa!  
'Me Mora oa Molimo ka Sebele, E tla ba Tlholi,  
(Ponahatso e tletseng ea Molimo.)  
Kopanong eo ea sebakeng. (Oh, khili!)

<sup>614</sup> Shebang linefatso tsa Oona joale.

Le utloile e—e utloile pale ea Moshe sehlahleng,  
Le utloile ka Davida ea se sebete le letjeketjane  
la hae;  
Le utloile pale e phetoang ea Josefa ea lorileng,  
Ea Daniele le litau re atisa ho e bina.  
Oh, ba bangata, ngata ba pakoaeng ka Bibeleng,  
Ke hlolohetsoe ho kopana le bona bohole, ke a  
tiisa!  
Morena o tla re lumella ho kopana le bona,  
Bokeng seo sa sebaka.  
  
Hobane ho tla ba le kopano sebakeng,  
Monateng, monateng koana;  
'Me ke tla kopana le lona, ke le lumelise Teng  
Haeng leo mose ho sebaka;  
Pina a kaalo e kile ea utluoa, ke litsebe tsa  
motho,  
Ho tla khanya, ke a tiisa!  
'Me Mora oa Molimo ka Sebele e tla ba Tlholi  
Kopanong eo ea sebakeng. (Oh, khili!)

<sup>615</sup> Na ha le rate seo? Joale morero o menahaneng hararo oa sephiri sa Hae se seholo sa tšenolo se senotsoe. Ke Eena seholooho.

Ke Eena eo. Oh, khili! Ha re se bineng. Ha ke sa khona ho rera hape. Ke ikutloa monate haholo, le a bona.

Oh, ho tla ba le kopano sebakeng,  
Monateng, monateng koana;  
'Me ke tla kopana le lona, ke le lumelise Teng  
Lehaeng leo mose ho sebaka;  
Pina a kaalo e kile ea utluoa, ke tsebe tsa  
motho,  
Ho tla khanya, ke a tiisa!  
'Me Mora Molimo ka Sebele, E tla ba Tlholi  
Bokeng seo sa sebaka.

<sup>616</sup> Na le ea teng? Amen! Ka mohau oa Molimo, ka mohau oa Molimo! Le a bona? Oh, khili!

Le utloile ka Moshe e monyenyane sehlahleng,  
Le utloile ka Davida ea sebete le letjeketjane la  
hae; (Tseo ke lipapiso tsa mefuta eohle.)  
Le utloile pale ea Josefa ea lorileng,  
Le ea Daniele le litau re tloaetse ho e bina.  
Oh, ba bangata, ngata ka Bibeleng, (E leng  
Eena)  
'Me ke hloloheloa ho kopana le bona bohle, ke  
a tiisa!  
Morena o tla re lumella ho kopana le bona  
Sebokeng seo ka . . .

<sup>617</sup> Empa Oa sehlooho o teng!

Oh, ho tla ba le kopano sebakeng,  
Monateng, monateng koana;  
Ke tla kopana le uena, ke u lumelise Teng  
Lehaeng leo mose ho sebaka;  
Pina a kaalo e kileng ea utluoa, ke litsebe tsa  
motho,  
Ho tla khanya, ke a tiisa!  
'Me Mora Molimo ka Sebele, E tla ba Tlholi  
Bokeng seo sa sebaka.

<sup>618</sup> Joale, re tla kopana Teng. Ha rona bohle, Mametholise, le  
Mabaptise, e ka bang eng, ba tsoetsoeng labobeli ke Moea oa  
Molimo, tsukutlanang ka matsoho re sa se bina.

Oh, ho tla ba le kopano sebakeng,  
Monateng, monateng koana;  
Ke tlil'o kopana le lona, le ho le lumelisa Mono  
Lehaeng leo mose ho sebaka;  
Pina a kaalo e kile ea utluoa, ke litsebe tsa  
motho,  
Ho tla khanya, ke a tiisa!  
Hobane Mora oa Molimo ka Sebele e tla ba  
Tlholi  
Bokeng seo sa sebaka.

<sup>619</sup> Oh, oh! Oh, hoo ho a babatseha, le a bona, ho bona seo A tlang ho ba sona. Joale shebang.

<sup>620</sup> Re tlameha ho koala feela, metsoalle. E batla e le hora ea bobeli, le a bona, 'me re tla—re tla ba mona lijong tsa mantsiboea. Ke nkile feela leqephe ka mora leqephe la sena, le a bona, ka hona re tla tlameha feela ho koala tabeng ena. Ha ho moo e fellang teng.

<sup>621</sup> Ke tšenolo. Ke ea Bosafeleng hakaalo ka ha Lentsoe la Molimo e le la Bosafeleng. Bonang, empa morero o menahaneng hararo oa sephiri se seholo sa Molimo o senotsoe! Molimo o bonahatsoang ka ho Kreste; Kreste o bonahatsoa ka ho Kereke; e le ho lopolla Eva ea lahlehileng ho khutlela maemong a pele a tšimo ea Edene. Oh, khili!

<sup>622</sup> Oh, ho tla fihla linako tse monate ka Letsatsing leo! Yaa. Ke hona joale hantle. Re a e lumela. Na ha le e lumele? Ke hopola sefela seo khafetsa ha ke e nahana.

<sup>623</sup> O Inetefalitse ka ho Daniele, le ka ho Moshe, le ka ho Jeremia. Bao e ne e le eng? Baporofeta bao Lentsoe le ba fihletseng, le a bona, banna bao ba baholo. Le a bona, le utloile pale ea Josefa ea lorang litoro, le a bona, le Daniele ka lemeneng la litau, le tsa ba bang bana bohle, le a tseba. Bona, bao, e ne e le eng? Baporofeta. Le a bona? Empa Ea ka sehloohong . . . Molimo o ne o mpa o feela, ka nakoana, o bapisa ka ho bona.

<sup>624</sup> O Itšoantšitse ka ho Adama, ho tseba se neng se lokile, empa o tsoile ho ea lopolla mosali oa hae, hobane o ne a sitiloe. Kreste o ne a sa lokela ho fetoha sebe, empa O ile a tsoa le ho nka sebe, ho lopolla ngoana oa Hae ea lahlehileng. Le a bona? Le a bona? O ile a Ipapisa.

. . . le Moshe sehlahleng,  
Le utloile ka Davida ea sebete le letjeketjane la  
hae;  
Le utloile pale ea Josefa ea lorang,  
(Moporofeta.)  
Le ea Daniele le litau re tloaetse ho e bina.  
Oh, ba teng ba bangata, ngata ka Bibeleng,  
'Me ke . . .

<sup>625</sup> Bona, ke Bibele.

'Me ke . . .

Bohle ba ne ba bonahatsoe ka ho Eena, leha hole joalo. Le a bona? Kantle ho Eena, bohle ba timetse. Le a bona? 'Me ke lokela ho fetoha karolo ea Hoo, ho ba Eena. Amen! Le a bona?

'Me ke hlolaheloa ho kopana le bona bohle, ke  
a paka. (Ke hantle.)  
Empa Mora Molimo ka Sebele, E tla ba Tlholi  
Bokeng sa sebakeng.

<sup>626</sup> Baheberu 11, e boletse, “Ba ne ba ke ke ba phetheha rōna re le sieo.” Matsoho le maoto li ke ke tsa phethahala ntle le boko, tsebo, hlooho, le joalo-joalo. Le a bona? ’Me bohole re phethehile ka ho Eena, “Ka baka leo ka Moea o le mong re kolobeletsoa bohole ‘Meleng o le mong,” ho lokolloa Kahlolong; tlohile sebeng, ho kena lefung . . . Amen! “Mora Molimo ka Sebele e tla ba Tholi kopanong eo sebakeng.” Le a Mo rata na?

Ke a Mo rata, ke a Mo rata  
Hoba . . .

<sup>627</sup> Morena Jesu, tlolo ea Moea o Halalelang e theohele holim’ a lisakatuku tsena, Morena, le ho folisa bakuli. A ho be joalo, ba sa se beha holim’ a eona. Ke U rapela ho etsa joalo, ka Lebitso la Jesu. Amen.

. . . Sefateng sa Kalvari.

<sup>628</sup> Nahanang feels, “Kreste, ea senotsoeng,” hantle ka ho rona joale, hantle joale ka ho rona. O entse joang, O senotsoe joang? Hobane A nthatile pele. O entse’ng?

Le ho lefella poloko ea ka  
Holim’ a . . .

<sup>629</sup> Khanya! Lengeloi le leholo leo la Selekan, Eo Ea neng a e-na le Moshe felleng, Eena Ea ttileng ho Pauluse tseleng e eang Damaseka, Eena ea ea lumeletseng setšoantšo sa Hae ho nkuoa le rona; eena Ea neng a hlahile setšoantšong sa makasine oa *Life* letsatsi le leng; lona Lentsoe leo, ka ’ona Molimo oo, ka ho pholletha ka tsona likanale tseo, ka mokhoa o tšoanang, ka tsepiso e tšoanang! “Moo ba babeli kapa ba le bararo ba bokaneng ka Lebitso la Ka, Ke har’ a bona.” Haeba ho le joalo O teng mona. “Mangeloi a Molimo a larile le ba O tšabang,” ba tiisetsang Lentsoeng la Oona feels. Motha a ke ke a hlompha Lentsoe leo kantle le ho tšaba Molimo. Le a bona? Ka hona, ke Enoa ka mona hoseng hona, le rona ’moho, re sa ntse re Mo rapela ka Moea.

<sup>630</sup> Oh, ka baka la Molaetsa o thata ka mokhoa ona, ke hopola re lokela ho Mo khumamela nakoana ka Moea. Le a bona, koala mahlo a hau feels ’me re Mo binele seo hape, “Ke a Mo rata, ke a Mo rata,” feels u sa—u sa phahamisa matsoho hau, joalo, ho Eena.

Ke a Mo rata, ke a Mo rata  
Hoba . . . nthatile pele  
Le ho lefella poloko ea ka  
Fateng sa Kalvari.

Oh, khili, re Mo rata joang!

Tumelo ho Ntate, tumelo ho Mora,  
 Tumelo ho Moea o Halalelang, ba bararo bana  
 ba Bang;  
 Bademona ba tla thothomela, ba'libe ba tsohe;  
 Tumelo ho Jehova e sisinya tsohle.

<sup>631</sup> Amen! Khanya ho Molimo! Kamoo re Mo ratang! Le Mo rapele pelong tsa lona joale, le Mo rapele, feela—nahanang feela kamoo A entseng botle kateng. Shebang seo A re etselitseng sona. Lilemong tsena tsohle tsa lipono, ha ho a hloleha le e 'ngoe le ka mohla. Ntho e 'ngoe le e 'ngoe eo A e boletseng e ne e tla hlaha, ho fihla hantle feela kamoo A e boletseng.

<sup>632</sup> Ke a le rata. Le se ke la lebala litaelo tsa Molimo ho lōna, bana ba banyenyane, "Le ratane." Ratang e mong le e mong. Ba lokile kapa ba le phoso, moetsalibe kapa mohalaleli, ba rateng, leha ho le joalo. Ha u sa etse, joale rapela Molimo ho u thusa, hoba Molimo o ratile moetsalibe. 'Me semelo sa Molimo se ahile ka ho uena. Ha monna a fositse, mo rate, leha ho le joalo. U se ke ua nka kabelo libeng tsa hae. Le a bona? U se ke ua nka kabelo libeng tsa hae. Empa ka mosa, e seng ka bolila le ho khohlahala, ka mosa o mo boelle ka tšepo ea Bophelo e ahileng ka ho uena, ka Jesu Kreste ea senoletsoeng uena ka Moea o Halalelang.

Inkele Lebitso la Jesu,  
 Ngoana masoabi le tlakotsi;  
 Le tla u thabisa le u tšelise,  
 Oh, Le nke (Le se ke la lebala joale.) hohle moo  
 le eang teng.

Oh, le ratoang . . . (Lebitso leo!) . . . Oho . . .

<sup>633</sup> Re na le Lebitso la Hae. Re bitsoa ka Lebitso la Hae.

Tšepo ea lefatše le thabo ea Leholumō;  
 Lebitso le ratoang, oho le monate!  
 Tšepo ea lefatše le thabo ea Leholumō.

<sup>634</sup> Joale ke tla le nea sephiri se senyenyane, ho fihlela ke kopana le lona hape, hopolang sena, re sa ema, hopolang sena:

Lebitsong la Jesu ba inama,  
 Ba namalla maotong a Hae,  
 Khosi'a likhosi Leholumong re tla Mo tlota,  
 (Re tla Mo roesa moqhaka!)  
 Ha eto la rona le felile.

Lebitso le ratoang, (Lebitso le ratoang!) (Oho  
 le monate!)

Tšepo ea . . .

<sup>635</sup> Eng? Tšenolo e menahaneng hararo! Tšepo le thabo ea Leholumo, li senotsoe ka ho Eena.

Lebitso le ratoang, (Lebitso le ratoang!) oho le  
 monate!

Tšepo ea lefatše le thabo ea . . .

<sup>636</sup> Eng? Tšepo ea lefatše le thabo ea Leholimo, tsohle li bonahatsoa ka ho Kreste. Molimo, Kereke, ntho ka 'ngoe esele, e bonahatsoa ka ho Kreste. Bibele ke Kreste. Bibele ke Lentsoe le ngotsoeng. Etsoe, Eena ke Lentsoe. Ponahatso ea Lona ke bopaki ba Bophelo bo tlāng nameng ea Lentsoe, ho Le bonahatsa. Oh, na ha e babatsehe!

Inkele Lebitso la Jesu . . .

Joale mamelang ka hloko joale.

E le Thebe . . . (Se lebaleng hoo joale.) . . . sefing  
ka seng;

Ha meleko e u teela hare, (U lokela ho etsa'ng?)

Bulula Lebitso le Halalelang leo thapelong  
feela.

Lebitso le ratoang, (Lebitso le ratoang!) oho le  
monate! (Oho le monate!)

Tšepo ea lefatše le thabo ea Leholimō;

Lebitso le ratoang, (Lebitso le ratoang!) oho le  
monate!

Tšepo ea lefatše le thabo ea Leholimō.

<sup>637</sup> Ka ho se tsebe . . . Ha e le hantle, ka ho ba motho oa moea, u sheba lintho tsa moea. Ka ho se tsebe sena; Molimo o a e tseba. Empa ha le ka retoloha la sheba tšupanako, holim'a hlooho, ke hora ea bobeli, qetello ea Khulo ea Bobeli. Khulo ea Boraro e atametse! Le a bona?

Lebitsong la Jesu ba inama,  
Ba namalla maotong a Hae,  
Khosi' likhosi Leholimong re tla Mo tlota,  
Ha eto la rona le felile.

Bitso le ratoang . . .

Khulo ea Bobeli e bonahalitsoe!

Tšepo ea lefatše le thabo ea Leholimō;

Lebitso le ratoang, oho le monate!

Tšepo ea lefatše le thabo ea Leholimō.

<sup>638</sup> Na le hlokometse ha Moea o nka sona sefela seo le ho se phahamisetsa oktaving e hlingoana ka mokhoa oo? Khulo e latelang e atametse! Amen! Uh-huh.

Inkele Lebitso la Jesu,

Ke morao ho feta kamoo le nahantanang!

. . . masoabi le tlokotsi;

Le tla u thabisa le u tselise,

Oh, Le nke hohle moo eang teng.

Lebitso le ratoang, (Lebitso le ratoang!) oho le monate!

Tšepo ea lefatše le thabo ea Leholidō;

Lebitso le ratoang, oho le monate!

Tšepo ea lefatše le thabo . . .

Joale ha meleko e fihla, u etsa'ng?

Inkele Lebitso la Jesu,

Ke thebe sefing ka seng;

Ha meleko . . . (Ntho e etsang hore u se lumele joale.) . . . bokella,

Hopolang feela, bua Lebitso le Halalelang leo thapelong.

Lebitso le ratoang, oho le monate!

Tšepo ea lefatše le thabo ea Leholidō;

Lebitso le ratoang, (Lebitso le ratoang!) oho le monate!

Tšepo ea lefatše le thabo ea Leholidō.

<sup>639</sup> Ha re inamiseng lihlooho tsa rona joale, bohole, ka hlompho. Shebang joale.

Lebitsong la Jesu ba khumama . . .

<sup>640</sup> [Lipuo le liphetolelo li a hlahisoa—Mohl.] Joale haeba le utloisia, Moea oa Morena o ile oa theohela kopanong, ka lipuo tse sa tsejoeng, ho bua le motho ea sa tsebeng; ho e hlalosa ka monna e mong a sa tsebe. Lentsoe la Morena! Le sa hopola mohla sera se neng se hlaha 'me ba sa tsebe seo ba tlang ho se etsa? Moea oa Morena oa theohela holim'a motho, 'me oa senola se lokelang ho etsoa. Oh, khili!

<sup>641</sup> Inamisang lihlooho tsa rona joale, ka boikokobetso. Molimo a le hlohonolofatse.

Ho fihlela! re kōpana!

Ho fihlela re kopana maotong a Jesu;

Ho fihlela re kopana!

Ho lokile, molisa.



*KRESTE KE SEPHIRI SA MOLIMO O SENOTSOENG* SST63-0728  
(Christ Is The Mystery Of God Revealed)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Phupu 28, 1963, mane Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)